

# DAALEA

## Moizi lá s̄ia

### Yá pó kú láe bee guu

Bibeli lá s̄ia tón Daalea. A luabe ní dúniao kea yá'ow̄e, ì to wà d̄s̄ lá Lua gb̄enazinao kè, lá duuna ní taasio gè dúnia guu, lá Lua ì yáse ní gb̄enazinao. Bee gbea lápi bui pó w̄i me Isailio bok̄i òlow̄e.

Lεε 1-11. Kpelewa wá f̄s̄ dúnia pó wá kú a guue bee gbá d̄i? Kpelewa gb̄enazina dei? Dé a de a ũ dúnia guui? B̄yāi gb̄enazinao ò ñi ní k̄soi? Vāipi εε kúa? Yāgbeaa beoá wá gb̄adeo yáe ō Daalea lá lεε 1-11 lé a bolekew̄e: Ḡe ní n̄eε kea (1-2), an k̄ak̄wa ní Luao (3), Abeli ní K̄ainio (4), N̄ee yá ní idaa dúniala yáo (6-9), Babeli kp̄edidiak̄a (11).

Lεε 12-50 lé lá Lua gb̄enazina suabaayā zekàle yá'ow̄e, lá à Isaili dezi káauo s̄isi à ní sé a zòblenao ũ. Ablahaū tob̄o a luanaaik̄ea ní a misiileā Luaεo yáie, ō aà yākeapi lé gb̄e da zéwa e ní a gb̄ao (12.1-25.18). Bee gbea aà né Izaaki ní aà t̄ūna Yak̄obu pó w̄i me ò Isailio ní a neḡe gb̄eεn kuepla pó de Isaili bui kuepla dezi káauo ũo yá (25.19-35.29). Yosefuá Yak̄obu néo doe. Yak̄obu ní a néo ní a daeε taa Egipi bùsuu yá musu, Yosefupi mé ní mide ũ (37.1-50.26).

Daalea lá yá pó gb̄é káauεo k̄eε bolekèw̄e, aza-iasa yá pó Lua k̄eε. Gia s̄ia lápi Lua dúniakeā bolekèw̄e. Bee lé Lua z̄oεe òlow̄e. Aàpi mé k̄e. Lápi láak̄i Lua legb̄e à mè á gi à laaido a gb̄eεwae. Za lápi daalea e a midεawa Lua mé mide ũ. I to wà

a dõ, ì yákpalekéríno à ní swágaga, ì a gbèó da zéwa à dónlé, ì to an yá àò wéboá lá á yeiwa.

Wá ke kpelewa ni? Lua ye wà a náaike, wí lé pò a gbèò yási, wíó zíke a yādílèao ní a ikoyāowa. Lápi Isailio felekaayā zio dāu a siuwēe, ké wà e dõ lá an dezi káauo Lua náaikè, wí Lua náaike màa gbā sō.

### *Lua dúnia kea*

<sup>1</sup> Asínizí Lua musu ní zíleo kè. <sup>2</sup> Gu da pãe, a kekèao, gusia mé da ísía, ò Lua Nisína lé yàakpa ípia. <sup>3</sup> Ǿ Lua mè: Gu pu!\* Ǿ gu pù. <sup>4</sup> A è gupuapi maa, ò à gupua kèaa ní gusiao. <sup>5</sup> A tókpà gupuae fãane, gusia sō gwãasína. Gu sí, gu dò, a gòò séian we.

<sup>6</sup> Ǿ Lua mè: Báluma àò ku íò zānguo, ké à ípio kékōwa. <sup>7</sup> Ǿ à báluma kè màa, à í pò kú báluma zíe kékōwa ní í pò kú a musuo.† <sup>8</sup> Ǿ à tókpà bálumapie luabe. Gu sí, gu dò, a gòò plaaden we.

<sup>9</sup> Ǿ Lua mè: I pò kú zíle káaa gudoũ, guggi bò. Ǿ à kè màa. <sup>10</sup> A tókpà gugiipie tóle, ò à tókpà í pò káaae ísia. Ǿ a è à kè maa. <sup>11</sup> Ǿ Lua mè: Láo bòle tóle ní sè wèdeò ní lí nedeò, baade ní a buio. Ǿ à kè màa, <sup>12</sup> láò bòle tóle ní sè wèdeò ní lí nedeò, baade ní a buio. Ǿ Lua è à kè maa. <sup>13</sup> Gu sí, gu dò, a gòò àaōden we.

<sup>14</sup> Ǿ Lua mè: Pògupunao aao ku musu, aao fãane kékōwa ní gwáo, aao dikpèò ní gòòò ní wèò oloné. <sup>15</sup> Aao de pògupunao ũ musu, ké aao dúnia pu. Ǿ à kè màa. <sup>16</sup> A pògupuna zòòò kè mèn pla, a pò pò gbāa íò kible fãane, a pò pò buse íò kible gwá. A saanao kè lo. <sup>17</sup> A ní pèpe musu aao dúnia pu, <sup>18</sup> aao kible fãane

\* **1:3** 2Kln 4.6 † **1:7** 2Pie 3.5

ń gwāasinao, aao gupua kēkōwa ń gusiao. Ǿ a è à kè maa. <sup>19</sup> Gu sǐ, gu dǒ, a gɔɔ síiōden we.

<sup>20</sup> Ǿ Lua mè: Pó wēnideɔ í pa yǒeyōe, bāɔ ligua musu, aao vua bálumau. <sup>21</sup> Ǿ à pó wēnide pó kú íu yǒeyōeɔ kè ń kpò gbēneɔ píi baade ń a buio. A bāɔ kè píi lɔ baade ń a buio. Ǿ a è à kè maa. <sup>22</sup> A báaadàngu à mè, aao ne'i, aaiɔ kǒ, kpɔɔ i ísia pa, bāɔ i kō tɔɔle. <sup>23</sup> Gu sǐ, gu dǒ, a gɔɔ sooden we.

<sup>24</sup> Ǿ Lua mè: Pó wēnideɔ aao ku tɔɔle, pɔtuɔɔ ń póttaa'onkuawaɔ ń sēanɔɔɔ baade ń a buio. Ǿ à kè màa. <sup>25</sup> Lua sēanɔɔɔ kè baade ń a buio. A pɔtuɔɔ kè baade ń a buio. A póttaa'onkuawaɔ kè baade ń a buio. Ǿ a è à kè maa.

<sup>26</sup> Ǿ Lua mè: Wà gbēnazinao ke wá taa ũ, aaiɔ dēwáwa,‡ aaiɔ iko ví kpɔɔwa ń bāɔ ń pɔtuɔɔ ń sēanɔɔɔ ń póttaa'onkuawaɔ píi. <sup>27</sup> Ǿ Lua gbēnazinao kè azía taa ũ. Aà zía taa ẽ à ń ké a ũ. A ń ké gōe ń nɔeoe.§ <sup>28</sup> A báaadàngu a òné: Aɔ ne'i, íɔ kǒ, í dúnia pa, íɔ gbāablewà. Aɔ iko ví kpɔɔwa ń bāɔ ń pó wēnide pó í taa'o tɔɔlewaɔ píi. <sup>29</sup> Ǿ Lua mè: Ma pó wénade pó kú tɔɔlewaɔ kpàwá á poblea ũ píie ń lí nedeɔ píi. <sup>30</sup> Ma ble pó í bole tɔɔlewa kpà pó wēnideɔwa píi an ble ũe, nòbɔɔ ń bāɔ ń póttaa'onkuawaɔ píi. Ǿ à kè màa. <sup>31</sup> Lua pó pó á kèò è píi, à kè maa wásawasa. Gu sǐ, gu dǒ, a gɔɔ sooloden we.

## 2

<sup>1</sup> Màa Lua musu ń zǐleɔ kè ń ń pɔɔ píi. <sup>2</sup> E a gɔɔ soplade zǐ àò ká, zǐ pó àle kepi làa. A gɔɔ sopladepi

‡ 1:26 1Kln 11.7 § 1:27 Mat 19.4

zǐ ̄ à kámabò ní zǐ pó á kèò.\* 3 Ǿ à báaadà gɔɔ  
sopladepiu a dǐle a pó ũ, ké zǐbeezi à kámabò ní zǐ  
pó á kèò pii yáí.†

### *Edeni lu*

4 Musu ní zǐleɔ kea yán ke: Gɔɔ pó Dii Lua zǐle ní  
musuo kè, 5 bua pɔe i bɔle tɔɔlewa yáao, baa sē, asa  
Dii Lua i to lou mào, mé gbēe ku à tɔɔle zǐkeo. 6 Sua  
mé ì kpa dúniau, ̄ ì m̀sepisi tɔɔlewa pii.

7 Dii Lua gɔe ikása ní b̀sutio. Ké à ʼan wēnide pè  
aà níu, ̄ gɔepi g̀ gbé b́e ũ.‡ 8 Dii Lua lu kèke gukpe  
oi gu pó wǐ me Edeni, ̄ à gɔe pó á kèpi dàu we. 9 Dii  
Lua tò lí bui pii b̀le tɔɔle. Lípiɔ kefeũ, mé an be blea  
na. Lí wēnide§ ku lupi guo, mé lí pó ì d̄sa maa ní a  
vãio iné kú we ɔ.

10 Swa ku Edeni, ̄ m̀sepisi lupiwa. Bɔa we à  
ḡnakè s̄īo. 11 A s̄ia tón Pis̄, ̄me liaa Avila b̀sui  
pii. Vua ku b̀supiu, 12 mé vuapi kefeũ. Z̄go'ò kú  
we ɔ ní gbè beede pó wǐ me onisio. 13 Swapi ḡna  
plaade tón Gī, a liaa Kusi b̀sui pii. 14 A ḡna àāde  
tón Tigilisi, a d̀o tà Asili b̀su gukpe oi. Swapi ḡna  
s̄īo de tón Uflata.

15 Dii Lua gɔepi dǐle Edeni lupi guu, aà a zǐke, iɔ  
gwa. 16 Ǿ à yād̄ilèè à mè: Nȳ f̄ ñ lupi lí pii be ble,  
17 āma r̄su lí pó ì d̄sa maa ní a vãio iné be bleo, asa  
tó ní blè, n gae.

18 Dii Lua mè: Gɔe kua ado maa. Má d̄nlede kèè  
aà gbēdo ũe. 19 Ǿ à b̀su sè à ǹbɔɔ kèò pii ní b̄o pii,  
̄ à m̀n̄no gɔe k̄i, ké à e lá a tókpané. Tó pó gɔepi kpà  
pó wēnidepiɔne pii g̀ ní tó ũ. 20 Gɔepi tɔkpà pɔtuɔne

\* 2:2 Ebe 4.4 † 2:3 Bɔa 20.11 ‡ 2:7 1Kln 15.45 § 2:9 Zia  
2.7, 22.2, 14

píi ní bāo ní sè̃anɔɔɔ píi, āma i dɔnlɛde e ní guu a gbēdo ũo. <sup>21</sup> Ǿ Dii Lua tò gɔ̃ɛpi gè ní io. Ké àlɛ i'o, ɔ̃ à aà gbàt̃ɛɛwa m̀endo b̀, ɔ̃ à aà mɛ tàta a gbɛu. <sup>22</sup> Ǿ à gɔ̃ɛpi gbàt̃ɛɛwa p̀ó á b̀òpi l̃lɛ nɔɛ ũ, ɔ̃ à g̀èaàno aà k̃í. <sup>23</sup> Ǿ gɔ̃ɛpi m̀è:

Gb̃́ɛ bee sa,  
 aà wá b̀ò ma wá guuɛ,  
 mé aà mɛ b̀ò ma mɛ guuɛ.  
 Wàli oè nɔɛ,  
 ké wà aà b̀ò gɔ̃ɛ guu yáí.

<sup>24</sup> Ayāmeto gɔ̃ɛ ì go a de ní a daowa, ì na a nawa, ɔ̃ aaí g̃ lán sàwakula ní gbalaowa.\* <sup>25</sup> G̃ɛ ní a nao ku puizi an pla nípii, kási wí lí ní k̃ũo.

### 3

#### *Gb̃́ɛnazina k̃́ɛak̃́wa ní Luao*

<sup>1</sup> Ml̃́\* mé k̃ni ṽi de sè̃anɔɔɔ p̀ó Dii Lua k̀òla píi, ɔ̃ à nɔɛ là à m̀è: Lua m̀è ásu lupi líe bɛ bleoɛa? <sup>2</sup> Ǿ nɔɛ wè ml̃́piwa: Wá f̃ wà lupi libɛ ble, <sup>3</sup> āma lí p̀ó kú lupi guo, Lua m̀è wásu wà a bɛ bleo, wásu ɔ̃k̃wà seo, ké wásu gao yáí. <sup>4</sup> Ǿ ml̃́ òè: A ga seo!† <sup>5</sup> Lua d̃ó tó á blè, á wé a k̃́, í g̃ láawa, ío maa ní ṽáio d̃ó.

<sup>6</sup> Ké nɔɛ è lípi bɛ kɛfɛũ mé a blea aɔ na, a to gb̃́ wé k̃́, ɔ̃ à a bɛ b̀ò a blè.‡ A kpà a źáwa, ɔ̃ a blè s̃ó.§ <sup>7</sup> An pla nípii an wé k̃́, ɔ̃ aa d̃ó sa ké wa ku puizi. Ǿ aa goola lá nàmi aa nàrízi.

<sup>8</sup> Ké g̃ɛ ní a nao Dii Lua k̃́í mà, àlɛ bebɛ luu oosielɛ, ɔ̃ aa ùlèè lupi láu. <sup>9</sup> Ǿ Dii Lua lezù g̃ɛzi à

\* **2:24** Mat 19.5, 1Kln 6.16, Efe 5.31    \* **3:1** Zia 12.9, 20.2    † **3:4** Zāa 8.44    ‡ **3:6** 2Kln 11.3    § **3:6** Lom 5.12-21

mè: N kú má ni? <sup>10</sup> A wèwà à mè: Ké ma n kíi mà, ò  
 vĩa ma kũ, ké má kú puizi yáí, ò ma ulé. <sup>11</sup> ☩ Dii Lua  
 aà là à mè: Déme òne ní kú puiziei? Lí pò ma gine ò  
 a be ble, ní blè yà? <sup>12</sup> A wèwà à mè: Nòe pò ní kpàa à  
 kumanò mé lípi be kpàa, ò má blè. <sup>13</sup> ☩ Dii Lua nòe  
 là à mè: Bóyáí ní kèi màai? A wèwà à mè: Mlè mé  
 ma sāsā, ò má blè. \* <sup>14</sup> ☩ Dii Lua ò mlèe:

Lá ní kè màa, níyò de láaipò ũ  
 de potuoò ní sèanòbòola píi,  
 níyò táa'o n gbεεwae,  
 luutē iò gē n léu e n wēni léu.

<sup>15</sup> Mpi ní nòeo, má íida á zānguo,  
 n bui ní aà buio zānguo.

Aà bui a n mi wí, †  
 mé níyò aà gbatoe ké'ia.

<sup>16</sup> ☩ a ò nòee:

Má n nòsia taasi káfiñe,  
 níò ne'i ní wāwāo. ‡

N zá ni aliò kumaε,  
 mé aò iko vīmaε.

<sup>17</sup> ☩ a ò gōee:

Lá n n na yāmà,  
 n lí pò ma gine ò a be ble blè,  
 tóole a gō láaipò ũ n yáí, §  
 taasi guu ò níyòli ble eu e n wēni léu.

<sup>18</sup> Bua pòò ò níyòli ble,

ali léò ní lá úadeò bolenε.

<sup>19</sup> Isimagakpaa guu ò níyòli blebleu,\*  
 e n ea ò gēò tíu,  
 asa wekíi ma n bòu.

\* **3:13** 2Kln 11.3, 1Tim 2.14 † **3:15** Lom 16.20, Zia 12.17 ‡ **3:16**  
 1Tim 2.15 § **3:17** Lom 8.20 \* **3:19** 2Tes 3.12

Bùsutin n ũ,  
mé n̄yõ εa gõ bùsutipi ũε.†

20 Adamu‡ tokpà a naε Eva,§ asa gbépii dazie. 21 Dii Lua báa ula kè Adamuε n̄ a nao a dànέ. 22 ∩ à mè: Gbēnazina maa n̄ v̄aio d̄õ sa, à ḡõ l̄awáwa. Wà giè aà lí wēnide bε bo ble, ké asu ào ku ḡooπiio yái.\* 23 ∩ Dii Lua aà yà à aà b̄o Edeni lupi guu. ∩ Adamu gè t̄oλε p̄o Lua aà k̄èò z̄ikè. 24 Ké Dii Lua aà yà, õ à malaika ḡàsiadeo k̄ale Edeni lupi gukpe oi, aao lí wēnide zé d̄õa n̄ f̄ēnda p̄o lé lias̄aiz̄õ, a w̄ét̄é lé tekεo.

## 4

### *Kainu n̄ Abelio*

1 Adamu a na Eva d̄õ n̄oε ũ, õ à n̄ōs̄i à Kainu\* i. ∩ à mè: Ma ḡõε i n̄ Dii gb̄āao. 2 ∩ à aà d̄āuna Abeli i lo. Abeli kè s̄ādāna ũ mé Kainu kè s̄ēwana ũ. 3 Ḡooewa Kainu mò n̄ a buap̄oo à Dii gb̄a. 4 Abeli s̄õ à mò n̄ a s̄āne s̄éia m̄εkp̄aao. Abeli yá k̄a Diigu, õ à aà gba s̄i.† 5 Kainu s̄õ, aà yá i ka Diiguo, õ i aà gba s̄io. ∩ Kainu p̄o p̄a maamaa, aà oa òokp̄a. 6 ∩ Dii ò Kainuε: B̄oyái n̄ p̄o f̄ēii? Akεa n̄ oa òokp̄ai? 7 Tó n̄ ze n̄ ȳāmaao, n̄ oa āo weeao lé? Tó ni ze n̄ ȳāmaao s̄õo, duuna naalene n̄ kp̄εεε. N̄ ni lé aà dε, sema n̄ z̄iblewà.

8 ∩ Kainu ò a d̄āuna Abeliε: Wà gé s̄εu. Ké aa k̄a we, õ à f̄εε n̄ a d̄āunao à aà d̄ε.‡ 9 Dii Kainu là à mè: Má n̄ d̄āuna Abeli kuui? A w̄èwà à mè: Má d̄õo. Ma d̄āuna d̄ōanan ma ũa? 10 ∩ Dii mè: B̄ó n̄ k̄èi? N̄ d̄āuna au lé lezumazi za t̄oλε m̄a zeano.§ 11 Tiasa n̄yõ ḡõ l̄aaiπo ũε, ní z̄ākū n̄ t̄oλε

† 3:19 Soū 90.3 ‡ 3:20 Bee mè gbēnazina. § 3:20 Bee mè wēni.

\* 3:22 Zia 22.14 \* 4:1 Bee mè ma nēi. † 4:4 Ebe 11.4 ‡ 4:8

Mat 23.35, 1Zāa 3.12, Yud 11 § 4:10 Ebe 12.24

pó n dāuna au mĩ n ɔzió. <sup>12</sup> Tó n sēwà, tɔle a káfiakeneo. Nyɔ sɔkiikpakpa nyɔ liaaliaa dúnia guue. <sup>13</sup> Ǿ Kainu ò Diiɛ: ɪadamaɛ bee gbāa demala, má fɔo. <sup>14</sup> Nle ma ya tɔleu la gbāe sa. Máo kēamaɛ sa. Máo sɔkiikpakpaɛ, mío liaaliaa dúnia guu, gbéé pɔ kpáaũmanɔ i ma de. <sup>15</sup> Ǿ Dii òè: Maa no! Tó gbé n de, wa n pɔ tɔsine gēn sopláe. Ǿ Dii wēsáe kè Kainuwa, ké gbéé pɔ kpáaũaànɔ su aà deo yáí. <sup>16</sup> Ǿ Kainu dàzeu a kè Diiwa. A gè zòle Nɔdi bùsuu Edeni gukpe oi.

<sup>17</sup> Kainu wùle ní a nɔo, ɔ à nɔsĩ à Enoki ĩ. A gbɛa Kainu wéle kàle, ɔ à a népi tɔ kpàè. <sup>18</sup> Enoki ɪladi ĩ, ɪladi Mɛuyae ĩ, Mɛuyae Mɛtusae ĩ, Mɛtusae Lemeki ĩ. <sup>19</sup> Lemeki nɔsè mèn pla, ado tón Ada, ado Zila. <sup>20</sup> Ada Yabali ĩ. Ǿme pɔdāna pɔ aaiɔ ku zwàakpɛuo dezi káau ũ. <sup>21</sup> Aà dāuna tón Yubali. Ǿme mɔɔnlenɔ ní kulepenaɔ dezi káau ũ. <sup>22</sup> Zila sɔ, ɔme Tubali Kainu ĩ. Sian aà ũ. I pɔpii pí ní mɔsio ní mɔgotɛo. Aà dāe tón Naama. <sup>23</sup> Lemeki ò a naɔne:

Ada ní Zilao, à ma yāma,

ma naɔ, à swákpa ma yáí.

Gbēe ma ke'la, ɔ ma aà dè,

èwaasopi ma leɛ, ɔ ma aà kàale.

<sup>24</sup> Wa Kainu pɔ tɔsiè gēn sopláe,

ma Lemeki ma pɔ sɔ,

gēn bàaɔkwi ní soplao.\*

<sup>25</sup> Adamu wùle ní a nɔo lo, ɔ à nɛgɔɛ ĩ. A tɔkpàè Seti,† asa à mè Lua a gba né pāle Abeli pɔ Kainu aà dè gēe ũe. <sup>26</sup> Seti sɔ à nɛgɔɛ ĩ, ɔ à tɔkpàè Enosi. Za zĩbeezi ɔ wà nà Dii sísiawa.

\* **4:24** Mat 18.22 † **4:25** Bee mè gēe.



## 5

*Adamu buiɔ*  
*(1Lad 1.1-4)*

<sup>1</sup> Adamu buiɔ yán ke: Goo pɔ Lua gbɛnazinao kɛ, à n kɛ láawaɛ. <sup>2</sup> A gɔɛ kɛ n nɔɔ, ɔ à báaadánɡu. A tokpáné Gbɛnazina.

<sup>3</sup> Adamu wɛ basoolokwide (130) guu ɔ à nɛɪ láawa a taa ũ, ɔ à tokpàè Seti. <sup>4</sup> Seti ia gbɛa à kɛ wɛ àaa síiɔ (800), à né pãleɔ ì lo gɔɔ n nɔɔ. <sup>5</sup> Ké à kà wɛ àaa síiɔ n basoolokwio (930), ɔ à gà.

<sup>6</sup> Seti wɛ basooɔode (105) guu ɔ à Enosi ì. <sup>7</sup> A gbɛa à kɛ wɛ àaa síiɔ n soplao (807), à né pãleɔ ì lo gɔɔ n nɔɔ. <sup>8</sup> Ké à kà wɛ àaa síiɔ n basookwi n plao (912), ɔ à gà.

<sup>9</sup> Enosi wɛ basiiɔkwide (90) guu ɔ à Kena ì. <sup>10</sup> A gbɛa à kɛ wɛ àaa síiɔ n gɔoo (815), à né pãleɔ ì lo gɔɔ n nɔɔ. <sup>11</sup> Ké à kà wɛ àaa síiɔ n basooɔoo (905), ɔ à gà.

<sup>12</sup> Kena wɛ bàaɔkwide (70) guu ɔ à Maalalee ì. <sup>13</sup> A gbɛa à kɛ wɛ àaa síiɔ n blao (840), à né pãleɔ ì lo gɔɔ n nɔɔ. <sup>14</sup> Ké à kà wɛ àaa síiɔ n basookwio (910), ɔ à gà.

<sup>15</sup> Maalalee wɛ bàaɔɔode (65) guu ɔ à Yɛɛdi ì. <sup>16</sup> A gbɛa à kɛ wɛ àaa síiɔ n baakwio (830), à né pãleɔ ì lo gɔɔ n nɔɔ. <sup>17</sup> Ké à kà wɛ àaa síiɔ n basoo ɔosaio (895), ɔ à gà.

<sup>18</sup> Yɛɛdi wɛ baswaaɔ n plaode (162) guu ɔ à Enoki ì. <sup>19</sup> A gbɛa à kɛ wɛ àaa síiɔ (800), à né pãleɔ ì lo gɔɔ n nɔɔ. <sup>20</sup> Ké à kà wɛ àaa síiɔ n baswaaɔ n plao (962), ɔ à gà.

21 Enoki wè bàaaṣṣode (65) guu ṣ à Metusela i. 22 A gbea à tè Luazi e wè òaa do ní basoo (300), à né pàleo i lo gṣeo ní nṣeo. 23 Ké à kà wè òaa do ní baswaaṣṣoo (365), 24 à tè Luazi, ṣ wà kùawà, ké Lua aà sè\* b̀ò dúniau yáí.

25 Metusela wè òaa do ku'e'aaṣsaide (187) guu ṣ à Lemeki i. 26 A gbea à kè wè òaa síiṣ, bao plasai mé kuo (782), à né pàleo i lo gṣeo ní nṣeo. 27 Ké à kà wè òaa síiṣ ní baswaaṣkwi dosaio (969), ṣ à gà.

28 Lemeki kè wè òaa doe, bao plasai mé kuo (182), ṣ à negṣe i. 29 A t̀kpàè Nṣee† à mè: Gb́́e bee mé a wá ǹṣe níniwṣe zì gb́́a p̀ wále ke Dii lekka t̀olee yáí yá musu. 30 Nṣee ia gbea Lemeki kè wè òaa àaṣṣosai (595), à né pàleo i lo gṣeo ní nṣeo. 31 Ké à kà wè òaa àaṣṣo ní baswaaṣkwi ní soplao (777), ṣ à gà.

32 Nṣee wè òaa pla ní basooode (500) guu ṣ à Sṣũ ní Haũo ní Yafetio i.

## 6

### *Gbēnazinao ò̀kpaa*

1 Ké gbēnazinao nà dasikūawa mé aale ligua, aale nenṣena i, 2 ṣ Lua néo\* è gbēnazin nenṣepio kefeũ, ṣ aa ní sé ní p̀eāwa. 3 Ǿ Dii mè: Ma Nisina ao ku gbēnazinao guu g̀oṣpiio, asa aa s̀sā ní d̀a yáíe. Wè basoolo mé g̀nè. 4 Gb́́e gb̀̀ao ku dúnia guu g̀oṣ bee ní g̀oṣ bee gb̀̀ao lo, g̀oṣ p̀o Lua népio gbēnazin nenṣeo d̀̀ nṣeo ũ, mé aa néo ínṣo. An népio mé negṣna p̀o aa t̀b̀ za káauo ũ.

\* 5:24 Ebe 11.5, Yud 14 † 5:29 Bee mè ǹṣeninia. \* 6:2 Seti buio (Daa 4.26).

<sup>5</sup> Ké Dii è gbēnazinao yāvāikè zōo dúniau, gōōpii yābēε lāasoo ō aaiō ke ado,† <sup>6</sup> ō aà pō yà gbēnazina pō á kè tōole yá musu. Aà nòse òòkpà, <sup>7</sup> ō à mè: Má gbēnazina pō má kè waa tōolewae, gbēnazinao ní nòbōo ní pótāa'onkuawao ní bāo, asa ma pō yà an kea yá musue. <sup>8</sup> ō Dii Nōee wεgwà.

### Nōee yá

<sup>9</sup> Nōee buio yán ke: Nōeeá gbēmaae. Aà gōo aàpi mé tàae vīo, à tè Luazi. <sup>10</sup> Nōee nεgōεo ì gbēon àaō, Seū ní Haūo ní Yafetio. <sup>11</sup> Gbēpii òòkpa Luaε, vāikea ní gbāao dúnia pà. <sup>12</sup> Ké Lua dúnia gwà, a è a òòkpà, asa gbēpii zé kolea sèε.

<sup>13</sup> ō Lua ò Nōeeε: Má è gbēpii kà kaalea, asa an yái vāikea ní gbāao lí dúniaa. Má ní kaale sānu ní dúniaoε. <sup>14</sup> Gó'ilena ke ní lipepeεo, ní ke ní a kpeao, ní kōtaa lēwà a guu ní a kpeo. <sup>15</sup> Lá nýō gópi ken ke: A gbāa ào gāsīsuu òaa do ní basōoε, a yàasa gāsīsuu blakwi, a lesī sō gāsīsuu baakwi. <sup>16</sup> Póku gópia, ní gupua to a lé zānguo ní góo gāsīsuu do. Ní a lé bō a gbàtēεu, ní gópi kpaale lεε àaō didiakōa.

<sup>17</sup> Mapi sō má tó í da dúniaa, ké mà pō pō ían wēnide kú ní guuo kaale píi. Pó pō kú dúnia guuo gaga píi. <sup>18</sup> N beeo ma bàa ao kunnō, ní gē gópi guu ní n nεgōεo ní n nao ní n néo nao. <sup>19</sup> Ní pō wēnide píi se gēínō mèn plapla, ké aa e wàō ku. <sup>20</sup> Bā buio ní nòbō buio ní pótāa'onkuawa buio píi aa mō n kīi mèn plapla, ké aa e wàō ku. <sup>21</sup> Blε pō wī ble píi séle kāaa

† 6:5 Mat 24.37-39, 1Pie 3.20

á kùsūa ũ, ápiɔ ní pópíɔ. <sup>22</sup> Ǿ Nɔee kè màa, à yá pɔ́  
 Lua òe kè píi.‡

## 7

### *I daa dúniaa*

<sup>1</sup> Ǿ Dii ò Nɔee: Gě gó guu ní n bɛdeɔ, asa má è  
 míme ní maamɛ tiadeɔ guu. <sup>2</sup> Nɔɔ pɔ́ wí sa'òòɔ se  
 gěò da ní sao soplapla, ní nɔɔ pɔ́ wíli sa'òòò se mèn  
 plapla da ní sao. <sup>3</sup> Bãɔ se gěò lɔ da ní sao soplapla, ké  
 an bui e aao ku dúniau gupiiu. <sup>4</sup> Asa gɔɔ soplá gbɛa  
 má tó lou ma tɔɔle e gɔɔ bla fáane ní gwãasínao, ké  
 mà pɔ́ wɛnide pɔ́ má kèò waa tɔɔlewa píi.

<sup>5</sup> Nɔee yá pɔ́ Dii òe kè píi. <sup>6</sup> Gɔɔ pɔ́ í dà dúniaa,  
 Nɔee wè òaa àaãɛ. <sup>7</sup> A gè gó'ilɛna guu ní a néɔ ní a nao  
 ní a néɔ nao, ké aa e bɔ ípi yáu. <sup>8</sup> Ǿ nɔɔ pɔ́ wí sa'òòɔ  
 ní nɔɔ pɔ́ wíli sa'òòò ní bãɔ ní pɔ́taa'onkuawaɔ <sup>9</sup> m̀ò  
 Nɔee kíi gó guu mèn plapla da ní sao lá Lua òèwa.  
<sup>10</sup> Gɔɔ soplá gbɛa í zɔɔpi dúnia lè. <sup>11</sup> Nɔee wè òaa  
 àaãde, a mɔ plaade gɔɔ gěo ní plaode zí, ɔ ísi pɔ́ kú  
 tɔɔle zíe nibɔnao pùna píi, mé loupɔɔ fí. <sup>12</sup> Lou mà e  
 gɔɔ bla fáane ní gwãasínao.

<sup>13</sup> Zibeezi Nɔee gè gó guu ní a néɔ Sɛũ ní Haũo ní  
 Yafɛtio ní a nao ní a néɔ nao gbɛɔn àaã,\* <sup>14</sup> ní sɛanɔbɔɔ  
 píi ní buiwa ní pɔ́tuɔɔ píi ní buiwa ní pɔ́taa'onkuawaɔ  
 píi ní buiwa ní pɔ́ vuaaɔ píi ní buiwa, bãɔ ní pɔ́  
 gàsiadeɔ píi. <sup>15</sup> Pɔ́ pɔ́ í weɔ m̀ò Nɔee kíi gó guu bui ní  
 buio mèn plapla. <sup>16</sup> Pɔ́ wɛnideɔ bui píi gè da ní sao  
 lá Lua dílɛèwa. Ǿ Dii gbatànlɛ.

‡ 6:22 Ebe 11.7 \* 7:13 2Piɛ 2.5

17 Lou mà e gɔɔ bla. Ké í lé káfi, ɔ à gó sè fèlèò tɔɔlɛa. 18 I fèlɛ à káfi maamaa, à dà tɔɔlɛa, ɔ gópi da ía. 19 I káfi à dà tɔɔlɛa nàai, à kù gbèsisí lɛsí pɔ kú dúniaɔɔla míɔ. 20 I fèlɛ kù gbèsisípiɔla e gàsísuu gɛo. 21 Pɔ wɛnide pɔ í táa'o tɔɔlɛwɔɔ gága pii, bāó n pɔtuɔɔ n sɛ̀anɔbɔɔ n pɔtaa'onkuawɔɔ n gbɛ̀nazinaɔ pii. 22 Pɔ pɔ í we mé a ku sísiaɔ gága pii. 23 Pɔ wɛnide pɔ kú sísiaɔ mĩdɛ pii. Gbɛ̀nazinaɔ n nɔbɔɔ n pɔtaa'onkuawɔɔ n bāó mĩdɛ dúnia guu. Nɔee mé b̀ò ado n pɔ pɔ kuaà̀nɔ gó guu.† 24 Ǿ í daa dúniaa màa e gɔɔ basoplakwi.

## 8

### *I goa dúniaa*

1 Nɔee n sɛ̀anɔbɔɔ n pɔtuɔ pɔ kuaà̀nɔ gó guu pii yá d̀ò Luagu. Ké à íanapè tɔɔlɛwa, ɔ í nà baawa. 2 Isi pɔ kú tɔɔlɛ zíe nibɔnaɔ n loupɔɔfɔ́aɔ t̀ata, ɔ lou kè. 3 Ipi lé ba busebuse, àlɛ lao e gɔɔ basoplakwi. 4 Mɔ soplade gɔɔ gɛo n plaode zí, gópi d̀i gbèsisí pɔ wí mɛ Alalatawa. 5 Ipi lé lao e mɔ kwideu. Mɔ kwidepi gɔɔ sɛ́ia zí gbèsisíɔ misonaɔ b̀ò.

6 Gɔɔ bla gbɛa Nɔee gó fɛnɛnti pɔ á b̀ò wɛ̀, 7 ɔ à gbagbaa gbàɛ. Alɛ vua, ɔ gé le, ɔ su la, e í gè bà tɔɔlɛwa. 8 A felena gbàɛ lɔ, ké à e d̀ɔ tó í lào tɔɔlɛwa. 9 Ké felenapi i pékíi eo, ɔ à èa sùwà gó guu, asa í daa dúniaa píiɛ. Nɔee ɔ̀b̀ò a kù à gè̀ò gó guu. 10 A kámab̀ò e gɔɔ soplá, ɔ à èa felena gbàɛ lɔ. 11 Felenapi èa sùwà oosi, à kùla kàso kpaá a lézí. Ǿ Nɔee d̀ɔ ké í lào tɔɔlɛwa. 12 A kámab̀ò gɔɔ soplá lɔ, ɔ

† 7:23 2Píɛ 3.6

à ɛa felenapi gbàɛ, i ɛa sùwà ɔɔ. <sup>13</sup> Nɔee wɛ̀ òaa àaɔ́  
 ní m̀endoode, a m̀o sɛ́ia ɔɔ sɛ́ia zɛ́, í bà tɔɔlewa, ɔ̀ à  
 gópi musu gò. Ké à gugwà, a è í làa tɔɔlewa. <sup>14</sup> A m̀o  
 plaade ɔɔ baasɔ́ ní plaode zɛ́ tɔɔle giigàga.

<sup>15</sup> Ǿ Lua yá'ò Nɔeee à mè: <sup>16</sup> Bɔ́ gó guu ní n nao ní  
 n nɛgɔ́ɛɔ ní n néɔ nao. <sup>17</sup> Pó wɛ̀nide pó kunnɔɔ bɔle  
 píi, bǎɔ́ ní ǹbɔɔ́ ní pótáa'onkuawáɔ píi, aa fáaa tɔɔle,  
 aaib nɛ'i, aaib káfi dúnia guu. <sup>18</sup> Ǿ Nɔee b̀ ní a néɔ́ ní  
 a nao ní a néɔ́ nao. <sup>19</sup> Ǹbɔɔ́ píi ní pótáa'onkuawáɔ píi  
 ní bǎɔ́ píi ní pó pó ì táa'o tɔɔlewaɔ píi, aa b̀le gó guu  
 bui ní buio.

<sup>20</sup> Ǿ Nɔee Dii gbagbakii b̀. A ǹbɔɔ́ ní bǎ́ pó wɛ́  
 sa'òɔ kù, ɔ̀ à sa pó wɛ́ a pó kátɛu à tékù òòwà. <sup>21</sup> Ké  
 Dii a gɛ́mà, à kèè na, ɔ̀ à làasookè à mè: Má ɛa láaizɛ́  
 tɔɔlewa gbɛ̀nazina yáí ɔɔ, asa gbɛ̀nazina làasoo ìɔ  
 vǎi za aà èwaasogɔɔɛ. Má ɛa pó wɛ̀nideɔ kaale lá  
 má kèwa ɔɔ. <sup>22</sup> E dúnia ɛe àɔ kuò pótɔa ní p̀kekeɛao,  
 íana ní guwǎao, buzie ní saeo, fáane ní gwǎasinao, a  
 kee a midɛo.

## 9

### *Lua bàa kua ní Nɔeeo*

<sup>1</sup> Ǿ Lua báaadà Nɔeeɛu ní aà néɔ́, a òné: Aɔ nɛ'i àɔ  
 káfi, í dúnia pa.\* <sup>2</sup> Ǹbɔɔ́ ní bǎɔ́ ní pótáa'onkuawáɔ ní  
 kpɔɔ píi aao á vɛ́a vɛ́. Ma ní naé á ɔ̀zɛ.† <sup>3</sup> Pó pó ì táa'òɔ  
 píi aao de á p̀blea ũ.‡ Ma ní kpáwá píie, lá ma ble pó  
 ì bɔle tɔɔlewaɔ kpáwá yǎawa.§ <sup>4</sup> Ama ásulì ǹɔ́ pó wi  
 a kòlokpao soo, asa a au mé a wɛ̀ni ũ.\* <sup>5</sup> Má á au pó  
 de á wɛ̀ni ũ tɔ̀sié. Tó ǹɔ́ gbɛ̀dè, ge tó gbɛ́ a gbɛ́dee

\* **9:1** Daa 1.28 † **9:2** Zaa 3.7 ‡ **9:3** 1Tim 4.3-4 § **9:3** Daa  
 1.29 \* **9:4** Zin 15.20

dè, má aà au tɔsiè. Má tɔsi gbé pɔ a gbédee dèwa.†  
 6 Tó gbé gbédè, wàli ade de, asa ma gbēnazina kè  
 ma taa ũe.‡ 7 Aɔ ne'i àò káfi, í li dúniaa, íò kó.

8 Lua yá'ò Nɔeeé ní aà néɔ ɔ à mè: 9 Ma bàa aɔ  
 kúánɔ ní á buiɔe, 10 ní pɔ wēnide pɔ kúánɔ aa bò gó  
 guuɔ pii, bāɔ ní pɔtuɔɔ ní sèanɔbɔɔ ní pɔ pɔ kú tɔɔlewaɔ  
 pii. 11 Ma bàa aɔ kúánɔe. Má pɔ wēnideɔ mide pii ní  
 í daa dúniaa ɔ. I a da dúniala à kaale ɔ. § 12 ɔ  
 Lua èa mè: Ma bàa aɔ kúánɔ ní pɔ wēnide pɔ kúánɔ  
 e gɔɔpii. A seelan ke: 13 Má a nàali ɔ louwa ma  
 bàa kua ní dúniao seela ũ. 14 Tó má tò lou sɔsi mé  
 nàali bòwà, 15 lá ma bàa kúánɔ ní pɔ wēnide bui  
 píio, a yá ali dɔmagu. Má tó í zɔɔkú à pɔ wēnide  
 kaale pii ɔ. 16 Tó ma nàali è louwa, ma bàa kua ní  
 pɔ wēnide bui píio e gɔɔpii yá ali dɔmagu. 17 ɔ Lua  
 ò Nɔeeé: Ma bàa kua ní pɔ wēnide pɔ kú dúnia guu  
 píio seelan we.

### *Nɔee néɔ*

18 Nɔee né pɔ aa bòle gó guu tón ke: Seũ, Haũ,  
 Yafeti. Haũ mé Kanaa de'ia ũ. 19 Nɔee néɔn we  
 gbēɔn àaɔ. An buiɔ mé kpále dúnia guu pii.

20 Nɔeeá sèwanae, ɔ à vɛebu kè. 21 Ké à vɛemí à  
 kà, ɔ aà pɔɔ píliwà a kpéu. 22 Ké Kanaa de'ia Haũ  
 ní mae puizi è, à bò ge ò Seũe ní Yafetio. 23 ɔ Seũ ní  
 Yafetio ulada sè wa kà ní gàu ní pla, aa taa'ò ní kpeo,  
 an ae dɔa gupāle oi ké aasu ní mae puizi eo yáí, aa  
 gè ní mae puizi ùlèð. 24 Ké Nɔee vɛe wèewà à vù, a  
 mà lá a né gbezā kèe, 25 ɔ à mè:

Kanaa\* a gǔ láaiɔ ũe,

† 9:5 Bɔa 20.13 ‡ 9:6 Daa 1.26 § 9:11 Isa 54.9 \* 9:25 Bee  
 mè m̄siilena.

ḡme aṵ a gbéṵ zṵnkēsāna ũ.

<sup>26</sup> ¶ à mè:

Wà Dii Seũ† Lua sáaukpa,  
Kanaa buiṵ aṵ de Seũ buiṵ zṵṵ ũε.

<sup>27</sup> Lua káfíake Yafetiε,‡

Yafeti buiṵ bekpá n̄ Seũ buiṵ,  
Kanaa buiṵ aṵ de Yafeti buiṵ zṵṵ ũε.

<sup>28</sup> I daa dúníaa gbεa Nṵee kè wè òaa do n̄ basoplak-  
wio (350). <sup>29</sup> A kè wè òaa síiṵ n̄ basoplakwioε (950),  
ṵ à gà.

## 10

### *Nṵee buiṵ* *(1Lad 1.5-23)*

<sup>1</sup> Nṵee negṵεṵ Seũ n̄ Haũṵ n̄ Yafetio n̄ n̄ negṵε pṵ  
aa í í daa dúníaa gbεaṵ yán ke: <sup>2</sup> Yafeti negṵεṵ tón  
ke: Gomεε, Magṵgu, Mede, Gelesi, Tubali, Meseki  
n̄ Tilasio. <sup>3</sup> Gomεε negṵεṵ tón ke: Asenazi, Lifa,  
Tṵgaama. <sup>4</sup> Gelesi negṵεṵ tón ke: Elisa, Taasisi, Sipi,  
Lodani. <sup>5</sup> Buipiṵ mé lígua ísiagεεwa, aa kṵkpaalè  
bùsu n̄ bùsuo, bui n̄ buiṵ daεdaε, baade n̄ a buiyāo.

<sup>6</sup> Haũ negṵεṵ tón ke: Etiopi, Egipi, Libii, Kanaa.

<sup>7</sup> Etiopi negṵεṵ tón ke: Saba, Avila, Sabata, Laama  
n̄ Sabatekao. Laama negṵεṵ Seba n̄ Dedāo ũ.

<sup>8</sup> Niũlodiá Etiopi buiε b. Ḷme dúníaa negṵn̄ tṵde  
séia ũ. <sup>9</sup> A de Diiε toensa ũ. A yái tò wí me: Lán  
Niũlodi de toensa ũ Diiεwa. <sup>10</sup> Babiloni bùsu pṵ à  
kiblèwà káau mεεwiaṵn̄ Babeli n̄ Elekio n̄ Akadio n̄  
Kalenco. <sup>11</sup> Bṵa we à gè Asili bùsuo, ṵ à Niniva kàle  
n̄ Leobotiio n̄ Kalao <sup>12</sup> n̄ Lesē pṵ kú Niniva zānguo  
n̄ Kala pṵ de mεεwia zṵṵ ũo.

† 9:26 Bee mè t́. ‡ 9:27 Bee mè káfíaa.



<sup>13</sup> Egipi buiɔn ke: Ludi buiɔ, Anaũ buiɔ, Leaba buiɔ, Nafetu buiɔ, <sup>14</sup> Patusi buiɔ, Kasulu buiɔ, Keleti bui pɔ Filitɛɔ bɔ̀ n̄ guuɔ.

<sup>15</sup> Kanaa negɔɛ sɛ́ia Sidɔ buiɔn ke: Iti buiɔ, <sup>16</sup> Yebusi buiɔ, Amole buiɔ, Giigasi buiɔ, <sup>17</sup> Ivi buiɔ, Aaka buiɔ, Sini buiɔ, <sup>18</sup> Aavadi buiɔ, Zemali buiɔ, Amata buiɔ. Kanaa buipɔɔ l̄gua gbɛzãɛ, <sup>19</sup> an b̄usu zelɛn ke: Bɔa za Sidɔ gea Gelaa pɔ kú Gaza sae e Sɔɔɔũ n̄ Gɔmɔɔo n̄ Ademao n̄ Zeboiũ pɔ kú Lasa saeo. <sup>20</sup> Haũ negɔɛɔn we bui n̄ buio, b̄usu n̄ b̄usuo daedaɛ, baade n̄ a buiyão.

<sup>21</sup> Yafeti d̄auna Sɛũ buikɛ̀ lɔ. Ɔme Ebelu buiɔ dezi káau ũ. <sup>22</sup> Sɛũ negɔɛɔ tɔn ke: Elaũ, Asili, Aapasa, Ludi, Alaũ. <sup>23</sup> Alaũ negɔɛɔ tɔn ke: Uzu, Hulu, Getɛɛ, Meseki. <sup>24</sup> Aapasa mé Sela ì, ñ Sela Ebelu ì. <sup>25</sup> Ebelu negɔɛɔ ì pla. Ado tɔn Pelegi,\* asa aã gɔɔ ñ wà kɛ̀kɔwa d̄unia guu. Aã d̄auna tɔn Yotã. <sup>26</sup> Yotã negɔɛɔ tɔn ke: Alemɔda, Selefi, Azemave, Yela, <sup>27</sup> Adolaũ, Uzali, Dikala, <sup>28</sup> Obali, Abimaɛ, Seba, <sup>29</sup> Ofii, Avila, Yobaba. Yotã negɔɛɔn we pii. <sup>30</sup> Bɔa Mesa gea Sefaa n̄ gbɛ̀sɪsɪ pɔ kú gukpe oio mé n̄ b̄usu ũ. <sup>31</sup> Sɛũ negɔɛɔn we pii bui n̄ buio, b̄usu n̄ b̄usuo daedaɛ, baade n̄ a buiyão.

<sup>32</sup> Nɔee negɔɛɔ buiɔn we daedaɛ b̄usu n̄ b̄usuo. An k̄ii d̄unia bui pii b̄ou, aa l̄gua í daa d̄uniaa gbɛa.

## 11

### *Babeli kpɛdidiaakɔa*

<sup>1</sup> D̄unia guu yãa pii bui m̄endoɛ, yá doū w̄i o.  
<sup>2</sup> Lá gbɛ́ɔ lé s̄k̄iikpakpa gukpe oi, ké aa kà Babiloni

\* **10:25** Bee m̄è k̄ɛaa.

bùsu gusalalau, ɔ̃ aa zòlɛ we. <sup>3</sup> Aa òkɔɛ: Wà ge wà bilikibɔ, wí kpasa maamaa. Biliki mé ní gbɛ ũ, kɔtaa mé ní símaa ũ. <sup>4</sup> ɔ̃ aa mè: Wà mɛɛwia kálɛ wà kpedidiakɔa bo, a misona zɔ̃ luabɛwa. Wà wázia tɔbɔ, ké wásu gɔ̃ gbándodo dúnia guuo yáí.

<sup>5</sup> ɔ̃ Dii pílá à mɛɛwiapi gwà ní kpé lesí pɔ gbɛnazínaɔ bòo. <sup>6</sup> ɔ̃ à mè: Ampii an bui douɛ, yá dou aai o, ɔ̃ yá pɔ aa bòn laa? Yá pɔ aa a làasookè, tiasa aa kɛɛ, pɔɛ a kpáné a guu bo. <sup>7</sup> Wà pila gé we wà ní yá yáalené, ké aasu kɔ̃ yáma bo. <sup>8</sup> ɔ̃ Dii ní fáaa we gbándodo dúnia guu píi, ɔ̃ aa ní mɛɛwia kálɛa tò. <sup>9</sup> Ayámɛto wà tɔkpà wélepɛ Babeli,\* asa wekii ɔ̃ Dii tò dúnia bui píi yá bɔ̃. Za wekii à ní fáaa dúnia guu píi.

*Seũ ní Telao bui  
(1Lad 1.24-27)*

<sup>10</sup> Seũ bui yán kɛ: Seũ wè basɔode guu ɔ̃ à Aapasa í í daa dúniaa gbɛa wè pla. <sup>11</sup> A gbɛa à kè wè òaa pla ní basɔo, à né páleɔ̃ í bo gɔ̃ɛɔ ní nɔɛɔ.

<sup>12</sup> Aapasa wè bla sɔosaide guu ɔ̃ à Sela í. <sup>13</sup> A gbɛa à kè wè òaa pla ní àaɔo, à né páleɔ̃ í bo gɔ̃ɛɔ ní nɔɛɔ.

<sup>14</sup> Sela wè baakwide guu ɔ̃ à Ebelu í. <sup>15</sup> A gbɛa à kè wè òaa pla ní àaɔo, à né páleɔ̃ í bo gɔ̃ɛɔ ní nɔɛɔ.

<sup>16</sup> Ebelu wè baakwi ní síiɔode guu ɔ̃ à Pelɛgi í. <sup>17</sup> A gbɛa à kè wè òaa pla ní baakwio, à né páleɔ̃ í bo gɔ̃ɛɔ ní nɔɛɔ.

<sup>18</sup> Pelɛgi wè baakwide guu ɔ̃ à Leu í. <sup>19</sup> A gbɛa à kè wè òaa do ní kɛokwio, à né páleɔ̃ í bo gɔ̃ɛɔ ní nɔɛɔ.

\* **11:9** Bee mè yáale. Zia 16.19, 17.5, 18.2

20 Leu wè baakwi ní plaode guu ñ à Selugi ì. 21 A gbεa à kè wè òaa do ní soplao, à né pãleɔ ì lo gɔ̃εo ní nɔ̃εo.

22 Selugi wè baakwide guu ñ à Nakɔɔ ì. 23 A gbεa à kè wè òaa do, à né pãleɔ ì lo gɔ̃εo ní nɔ̃εo.

24 Nakɔɔ wè baakwi dosaide guu ñ à Tela ì. 25 A gbεa à kè wè basoolo mëndosai, à né pãleɔ ì lo gɔ̃εo ní nɔ̃εo.

26 Tela wè bàãkwide guu ñ à Ablaũ ní Nakɔɔo ní Halanao ì.

27 Tela buiɔ yán ke: Tela Ablaũ ní Nakɔɔo ní Halanao ì, ñ Halana Lotu ì. 28 Halana gà a mae Tela wáa Uluε, Babiloni bùsuu, gu pó wà aà ìu. 29 Ablaũ ní Nakɔɔo nɔ̃sè. Ablaũ na tón Salai, Nakɔɔ na s̃ ñ Halana né Milika ù. Halanapi mé Isika ì lo. 30 Salaiá fiε, i ne'io.

31 Ǿ Tela a né Ablaũ ní a tũna Lotuo ní Ablaũ na Salaiɔ sè b̀leɔ́nɔ Ulu, Babiloni bùsuu, aale gé Kanaa bùsuu. Ké aa kà Halana, aa z̃le we. 32 Tela wè òaa do ní sɔoode guu ñ à gà Halana.

## 12

### *Dii oa Ablaũε à bɔ a bùsuu*

1 Dii ò Ablaũε: Bɔ n bùsuu n buiɔ guu n mae bε, ní gé bùsu pó má ɔ̀nεu.\*

2 Má tó n bui dasikū.  
Má báaadangu, mí n tɔbɔ,  
n kíi ñ wáli èfāai eu.

3 Má báaada gbé pó aa samaa'onεoɔgu,  
mí gbé pó aa savāi'onεo ká.

Dúnia bui pii a èfāai e n sabai.†

\* 12:1 Zin 7.2-3, Ebe 11.8 † 12:3 Zin 3.25, Gal 3.8

4 Ǿ Ablaū dāzeu lá Dii òewa. Lotu gèaàno. Aà wè basiiṣ soosaideu ṣ à bò Halana 5 ní a na Salaio ní a v̄i ní né Lotuo ní ní àizee pó aa v̄i ní gbé pó aa è Halanao. Maa aa bò Halana aa dà Kanaa zéu.

Ké aa kà we, 6 aa pà b̀supia e aa kà Mole gbéneli kíi Sikéũ. Kanaao ku b̀supiu gɔɔ bee. 7 Ǿ Dii b̀ m̀ Ablaūwa à mè: Má b̀sue bee kpa n buiowaε.‡ Ǿ à Diipi gbagbakii kè we. 8 Ké à fèle we, à mipè gbèsisi pó kú Beteli gukpewa, ṣ à b̀okpà we, Beteli ku be'ae oi, Ai ku gukpε oi. A Dii gbagbakii b̀ we lo, ṣ à aà sisi. 9 Ǿ à dāzeu lo, à mipè Nεgevewa.

10 Ké imina kà b̀supiu, ṣ Ablaū gè gɔɔplakei Egipi, asa iminapi kè zàiε. 11 Ké à kà kái ní Egipio, a ò a naε: Má dō nɔanan n ũ. 12 Tó Egipio n e, aa ma ma nan n ũ, aa ma dεε, aai n tó. 13 Oné ma dāenṢ n ũ, ké wà e ma kũ ɔplapla n yái. Lá n̄yṣ ma misin we. 14 Ké aa kà Egipi, Egipio è n̄εpi maa kè zài. 15 Ké Egipio kí Falaṣo iwaṣ aà è, aa aà maabòè, ṣ wà aà sè gèò Falaṣoε a be. 16 Ǿ à Ablaū yàakè maamaa aà yái, à são kpàwà ní zuo ní zàa'inao ní zɔḡεo ní zɔn̄εo ní yiongo. 17 Ǿ Dii gyā pāsio kà Falaṣogu ní a bεdeo Ablaū napi yái. 18 Ǿ Falaṣo Ablaū sisi a òè: Bó yá ní kèμεε màai? Bóyái ni oimeε n naεo ni? 19 Akεa n mè n dāεε, ṣ ma aà sè n̄o ũi? N n̄o ke! N n̄o p̄o se tað. 20 Falaṣo yā'ò a gbéone Ablaū yá musu, ṣ aa gè zèè ní a nao ní a àizeεo píi.

## 13

### *Ablaū kēakōwa ní Lotuo*

‡ 12:7 Daa 13.15, 15.18, 17.8, Zin 7.5, Gal 3.16 § 12:13 Daa 20.2, 26.7

<sup>1</sup> Ǿ Ablaũ b̀ Egipi à s̀ Nεγενέ ní a nao ní a àizeεε Ǿ p̃íi ní Lɔtu. <sup>2</sup> Ablaũá Ǿdee, a Ǿtuɔɔ ṽí dasi ní ánusuo ní vuao. <sup>3</sup> Bɔa Nεγενέ à s̃k̃iikp̃akpa e à gè kàò Beteli, gu Ǿ́ à b̀òokp̃àù káau Beteli zānguo ní Aio, <sup>4</sup> gu Ǿ́ à sa'ok̃i b̀òu yāa. Ǿ à Dii s̃isi we.

<sup>5</sup> Lɔtu ɔ̀ be ní Ablaũo s̃ānu. A s̃āɔ ní zuɔ ní zw̃āakp̃εε ṽí s̃. <sup>6</sup> An Ǿtuɔɔ dasi, gupi s̃ē i mómá m̃piio. A yáí aa f̃ w̃àɔ ku s̃ānu ɔ̀. <sup>7</sup> Ǿ lekpa gè Ablaũ Ǿd̃ānaɔ ní Lɔtu Ǿd̃ānaɔ guu. Zibeez̃í s̃ Kanaa ní Peliziɔ ku b̀supiu. <sup>8</sup> Ǿ Ablaũ ò Lɔtuε: A maa lekpa aɔ kú wá zānguo, ge ma Ǿd̃ānaɔ ní n Ǿd̃ānaɔ zānguo, asa wá dae doũε. <sup>9</sup> B̀su gwa da n ae p̃íi. Wà k̃ēaa. Tó n ge ɔzei, mí gé ɔplai. Tó n ge ɔplaiε s̃, mí gé ɔzei. <sup>10</sup> Ké Lɔtu gugwà, a è Yuudē guzulε p̃ii m̀se ṽí maamaae. E Dii aɔ gé Sɔɔɔ́ ní Gɔmɔɔo kaalei, guzulεpi de lán Dii luwa, \* lán Egipi b̀suwa, e à gè p̀ Zoaawa. <sup>11</sup> Ǿ Lɔtu Yuudē guzulε s̀ p̃ii. Aa k̃ēk̃wa, ɔ̀ Lɔtu dàzeu gukp̃ε oi. <sup>12</sup> Ablaũ gè Kanaa b̀suu, mé Lɔtu ku Yuudē guzulε w̃éleɔ zānguo. A b̀okp̃à Sɔɔɔ́ sae. <sup>13</sup> Sɔɔɔ́deɔ s̃ aa ṽaiε, duunken saɔn ní ũ Diiε.

<sup>14</sup> Lɔtu taa gb̃ea Dii ò Ablaũε: Gu Ǿ́ ní zeu, wese ñ g̃gb̃antoo ní g̃εɔmid̃ok̃iio ní gukp̃εo ní be'aeo gwa. <sup>15</sup> Tɔ̀le Ǿ́ ní èe p̃íi, má n gb̃ae, ɔ̀ de mpi ní n buiɔ Ǿ́ ũ e g̃ɔp̃ii. <sup>16</sup> Má tó n buiɔ dasik̃ú lán b̀su'ũf̃āawa. Tó gb̃ēe a f̃ b̀su'ũf̃āa nao, a f̃ n buiɔ nao s̃ε. <sup>17</sup> Fele bebebebe b̀supi guu, ní a gb̃āa ní a ỹasao gwa, asa má n gb̃ae. <sup>18</sup> Ablaũ f̃le gè b̀okp̃à Mamale gb̃éneli Ǿ́ kú Hebl̃ɔ k̃íi, ɔ̀ à Dii gb̃agbak̃i b̀ò we.

---

\* **13:10** Daa 2.10

# 14

## *Ablaū Lotu suabaa*

<sup>1</sup> Ziewa Babiloni būsū kí Amafeli ní Elasaā būsū kí Aliokio ní Elaū būsū kí Kεdɔlaomεεo ní Goiū būsū kí Tidalio <sup>2</sup> aale zika ní Sɔdɔū kí Belao ní Gɔmɔɔ kí Biisao ní Adema kí Sinabio ní Zeboiū kí Semεβεεo ní Bela pó wí me tia Zoaa kíao. <sup>3</sup> Kía gběɔn sɔopio kɔ kàaa píi Sidiū guzulεu. Ɔme Isida Wiside ũ tia. <sup>4</sup> Aaib falubɔ Kεdɔlaomεεε à kà wè kuepla. A wè kue'aaɔde ɔ aa gĩ bɔiè. <sup>5</sup> A wè gēo mēndosaide ɔ Kεdɔlaomεε ní kía pó kuaànɔɔ mò. Ɔ aa zìblè Lefaiɔwa Asalo Kaanaiū. Aa zìblè Zuziɔwa Haū. Aa zìblè Emiɔwa Save Kiliataiū. <sup>6</sup> Aa zìblè Oliɔwa an gbèsisí pó wí me Seiwa e à gè pè Elipalana guwaiwaiwa. <sup>7</sup> Ɔ aa èa sù Misipa nibɔnai, ɔ wí me tia Kadési. Aa zìblè Amaleki būsūwa píi ní Amɔle bui pó kú Asasɔ Tamaaɔwa ɔ.

<sup>8</sup> Ɔ Sɔdɔū kía ní Gɔmɔɔ kíao ní Adema kíao ní Zeboiū kíao ní Bela pó wí me tia Zoaa kíao fεle gè zíkairínɔ Sidiū guzulεu. <sup>9</sup> Aale zika ní Elaū būsū kíao ní Goiū būsū kíao ní Babiloni būsū kíao ní Elasaā būsū kíao. Kía gběɔn síiɔpiɔ lé zika ní kía gběɔn sɔɔɔ. <sup>10</sup> Sidiū guzulε kɔtaa ε ví dasi. Ké Sɔdɔū kía ní Gɔmɔɔ kíao lé bàale, ɔ aa kwè a guu, ɔ an gbé kɔniɔ bàalè gè gusɔsideu. <sup>11</sup> Zìblenɔ Sɔdɔū ní Gɔmɔɔɔ àizεεo ní ní pɔbleaɔ sèle píi aa tàò. <sup>12</sup> A mɔ lè Ablaū v̄i ní Lotu ku Sɔdɔū, ɔ aa aà kù wà tàò ní aà àizεεo ɔ.

<sup>13</sup> Ɔ gbé pó p̄limá ge ò Ebelu bui Ablaūε Mamale gbénεliɔ k̄i. Mamale ní a dāunaɔ Esikɔli ní Anεεoá Amɔle buiɔne, an lé doū ní Ablaūo. <sup>14</sup> Ké Ablaū mà wà a dae kù wà tàò, ɔ à a be zīgɔɔ sèle gběɔn òaa do ní basoolo plasaio (318), à pèle kíapiɔzi, ɔ à ní lé

Dã. <sup>15</sup> Ǿ à a gbéǽ kpaalè, ã aa síngu gwãasina. Aa zíblèmá aa pè má e Hoba, Damasi gugbántoo oi.  
<sup>16</sup> A èa sù ní àizεεπιϷ píi ní a v̄i ní Lotuo ní aà àizεεϷ. A sù ní n̄εϷ ní gbēpāleϷ b̄.

<sup>17</sup> Ké Ablaū zíblè Kεd̄laomεεwa ní kía p̄ kuaàn̄Ϸ, àle su, ã S̄d̄b̄ũ kí b̄ò d̄aaàle Save guzulε p̄ w̄i mε tia Kía Guzulεu. <sup>18</sup> Ǿ Salema kí Mεkizεδε\* m̄ò ní p̄εεϷ ní v̄εεϷ. Aàpiá Lua Musude gbàgbanaε.

<sup>19</sup> Ǿ à samaa'ò Ablaū è à m̄è:

Lua Musude musu ní z̄íleϷ Kena báaada Ablaūgu.

<sup>20</sup> Wà Lua Musude sáaukpa!

A n̄ ibεεϷ n̄ànε n̄ ǿz̄i.

Ǿ Ablaū p̄ p̄ a èϷ kwidε kpawà píi. <sup>21</sup> S̄d̄b̄ũ kía ò Ablaūε: Ma gbéǽ kpaá, níϷ àizεε k̄ũa n̄ p̄ ù. <sup>22</sup> Ǿ Ablaū òè: Má s̄i ní Dii Lua Musude musu ní z̄íleϷ Kena, <sup>23</sup> má n̄ p̄Ϸε ϷεϷ, baa kyale niba, ké ínsu o m̄ime ní tò ma ke Ϸde ũo yáí. <sup>24</sup> Má p̄Ϸε ϷεϷ, sema p̄ p̄ ma gbéǽ blè bàasio. Ama Anεε ní Esik̄lio ní Mamale p̄ aa gèman̄Ϸ, to aa ní baa sé.

## 15

### *Lua bàa kua ní Ablaū*

<sup>1</sup> Bee gbεa Dii yã'ò Ablaūε wépungu'ea guu à m̄è:

Ablaū! N̄su to v̄ia n̄ k̄ũo.

Mámε má n̄ sèngbao ũ,

n̄ asea aϷ z̄̄̄ maamaaε.

<sup>2</sup> Ǿ Ablaū m̄è: Dii Lua, b̄ó n̄ȳ̄ ma gbai? Má né v̄io. Damasi gbéǽ Eliεzεε mé aϷ de ma bε túbiblena ũ. <sup>3</sup> Lá ni ma gba néo, ma bε z̄ikenapi mé aϷ de ma túbiblena ũ. <sup>4</sup> Ǿ Dii òè: Aàpi mé aϷ de n̄ túbiblena ũo. Né p̄ a b̄o n̄ pleu mé aϷ de n̄ túbiblena ũ. <sup>5</sup> Ǿ

\* **14:18** Soū 110.4, Ebe 7.1-10

à b̀̀aà̀nɔ̀ b̀̀aasi à mè: Musu gwa n̄ saanaɔ̀ nao, tó n̄yɔ̀ f̄s̄. Beewa ɔ̀ n̄ buiɔ̀ aaò d̄asi.\* 6 A Dii náaikè, ɔ̀ Dii tò yá b̀̀aà̀nɔ̀ na a náai p̄ó a kè yáí.† 7 A òè lo: Mámema Dii, máme ma n̄ b̄o Ulu, Babiloni b̀̀usu, kè mà b̀̀usuε bee kpama yáí. 8 Ǿ Ablaū mè: Dii Lua, kpelewa máo d̄s̄ kè aɔ̀ de ma p̄ó ũi? 9 A wèwà à mè: Zununu wè àaɔ̀ sé n̄ blea wè àaɔ̀ n̄ s̄asa wè àaɔ̀ n̄ felent̄nao n̄ felenguuluo. 10 Ǿ à p̄ópiɔ̀ sè p̄íi à n̄ paapaa à n̄ goaa, ɔ̀ à n̄ káε à n̄ aed̄d̄ok̄ɔ̀wa, āma i b̄aɔ̀ paapaa. 11 Ké yāamusuɔ̀ m̄ò p̄èp̄e n̄òɔ̀piɔ̀wa, ɔ̀ Ablaū n̄ yá.

12 Ké íatē lé gē kpéu, iz̄ɔ̀ dà Ablaūla, ɔ̀ gusia z̄ɔ̀ p̄ó tò v̄ia aà k̄ù k̄uaála. 13 Ǿ Dii òè: Nyɔ̀ d̄s̄ kè n̄ buiɔ̀ aaò de nib̄ō ũ b̀̀usu p̄ó de n̄ p̄ó ũo guu, aaiɔ̀ z̄oble we, wiɔ̀ íadamá e wè òaa pla.‡ 14 Ama má yákpaleke n̄ bui p̄ó aale z̄oblenéɔ̀, n̄ buiɔ̀ aai b̄ole n̄ àiz̄εε z̄ɔ̀o.§ 15 Mpi s̄ó n̄ȳɔ̀ aafiae e n̄ gē n̄ zik̄ūò, n̄ gbasa ta n̄ dezio k̄íi, wi n̄ v̄i. 16 N̄ s̄okpaεɔ̀ mé aa εa su la, asa Am̄leɔ̀ duuna i pa yāao.

17 Ké íatē gē kpéu, gu si, ɔ̀ Ablaū è k̄ina p̄ó lé súeleb̄o n̄ tévuao\* lé gē n̄ò p̄ó á p̄àapaapiɔ̀ z̄ānguɔ̀. 18 Zibeez̄i Dii mè a b̄aa aɔ̀ kú n̄ Ablaūo à mè: Má b̀̀usuε bee kpa n̄ buiɔ̀waε za Egipi zé swai e swa z̄ɔ̀ p̄ó w̄i me Uflatai, 19 b̀̀usu p̄ó Keniɔ̀ kuu n̄ Kenaziɔ̀ n̄ Kam̄oniɔ̀ 20 n̄ Itiɔ̀ n̄ Peliziɔ̀ n̄ Lefaiɔ̀ 21 n̄ Am̄leɔ̀ n̄ Kanaaɔ̀ n̄ Giigasiɔ̀ n̄ Yebusiɔ̀.

## 16

### *Hagaa n̄ a né Isimaεlao*

\* 15:5 Lom 4.18, Ebe 11.12 † 15:6 Lom 4.3, Gal 3.6, Zaa 2.23

‡ 15:13 B̄oa 1.1-14, Z̄in 7.6 § 15:14 B̄oa 12.40-41, Z̄in 7.7

\* 15:17 B̄oa 3.2, 13.21, 19.18



1 Ablaũ na Salai i ne'io. A zɔnɔe vi Egipi gbé ũ, wĩ me Hagaa. 2 Ǿ Salai ò Ablaũe: Lá Dii ma ke fi ũe, wúle ní ma zɔnɔeo. Má gí néɔ ei aà sabaia? Ǿ Ablaũ Salai yāmà. 3 Ablaũ wè kwi kea Kanaa bùsuu gbea ɔ Salai a zɔ Hagaa kpàwà nɔ ũ. 4 Ablaũ wùleaàno, ɔ à nɔsí. Ké a è á nɔsia, à dɔe a diiwa. 5 Ǿ Salai ò Ablaũe: Tàae pɔ wa kèmɛɛ gɔ n yá ũe. Ma a zɔ kpàma. Ké a è á nɔsia, ɔ ɔ dɔea. Mpi ní mapio, Dii mé a yágɔgɔwɛe. 6 Ǿ Ablaũ wèwà à mè: N zɔ ku n pɔ ũe. Kèè lá ní yeiwa. Ké Salai ìadàwà, ɔ à bàalèè.

7 Dii Malaika aà è nibɔna kí gbáau, nibɔnapi ku Sulu zé saee. 8 Ǿ à aà là à mè: Salai zɔnɔe Hagaa, n bɔ má ni? Nlɛ gé má ni? Ǿ a wèwà à mè: Mále bàale ma dii Salaiɛ. 9 Ǿ Dii Malaika òè: Ea ta n diipiwa, níɔ misiilèè.

10 Má n bui káfi  
aaɔ dasi, wa fɔ ní lé dɔo.

11 N nɔsia, níyɔ ne'i gɔe ũ,  
ní tókpaè Isimaela,\*  
asa Dii n yāmà n taasikea guu.

12 Aɔ de lán sèa zàa'ɪnawa,  
a íbeleɛe ní gbépiio,  
gbépii i íbeleɛeaàno sɔ.

Aɔ ku kɔ yáí ní a gbépio gbèeoo.

13 Ǿ Hagaa mè: Lakii ma wesi Lua pɔ í ma ele. Ǿ à tɔkpà Dii pɔ yá'òee Luapɔima'e. 14 Ayāmɛto wà tɔkpà lɔɔpiɛ Luabèepɔima'elɔɔ. A ku Kadesi ní Beledio zānguoe.

\* **16:11** Bee mè Lua í yāma.

15 Hagaa negõε ì ní Ablauõ, ÿ Ablaũ tokpàè Isimaεla.† 16 Goo pò Hagaa Isimaεla ì, Ablaũ wè basiiõsoo ní mendooe.

## 17

### *Lua tōzōyā dilea Ablaũε*

1 Ké Ablaũ kà wè basoo mēndosai, Dii bò mōwà à mè: Mámεmaa Lua Gbāapiide. Temazi, níu ku tàaesai. 2 Ma bàakuannoo aoo gee, mí n bui káfine maamaa. 3 Ablaũ wùε a gbεεu Lua aε, ÿ Lua òè: 4 Lá ma bàa kunnoo, níyõ gõ bui dasiõ dezi ù. 5 Wàli onε Ablaũ bo, sema Ablahaũ,\* asa má n ke buiõ dezi ùε.† 6 Má tó n bui dasikũ, buiõ ní kíaõ bo n kíiε. 7 Ma bàa aoo kunnoo ní n buiõ e gōōpiiε.‡ Máo de n Lua ù ní n buiõ n kpe. 8 Má Kanaa bùsu pò ní kú a guu nibo ù kpama píi ní n buiõ n kpe, ké aao ví gōōpii, míõ de ní Lua ù.

9 Lua èa ò Ablahaũε: Mpi ní n buiõ, ào ma bàakuaánoo yá kũa e á buiwa. 10 Mpi ní n buiõ, yá pò máε diléé ào kũan ke: Sema á gõε píi lí tōzō. 11 A tōzō ma bàakuaánoo seela ù. § 12 Sema n bui negõεoo lí tōzō an gōō swaaõde zí e an buiwa, né pò wà ní í n beo ní zō pò wa lù buipāleowaõ píi. 13 Wà aà ì n ben nò, wa lù zō ùn nò, sema aà tōzō. Bee io de ma bàakuaánoo gōōpii seela ù á mewa. 14 Sema àli gyafōode bo á guu, asa gbé pò i tōzōo i ma bàakuaánoo yādaoε.

15 ¶ Lua èa ò Ablahaũε: Nsuli o n naε Salai bo, n̄li oè sa Sala.\* 16 Má báaadaaàgu, mí tó aà ne'i gõε ù, i gõ buiõ dazi ù. Bùsu kíaõ bo aà kíiε. 17 ¶ Ablahaũ

† 16:15 Gal 4.22

\* 17:5 Bee mè buidaside.

† 17:5 Lom 4.17

‡ 17:7 Luk 1.55

§ 17:11 Zin 7.8, Lom 4.11

\* 17:15 Bee mè

kía nεnεε.

wùle a gbɛɛu Lua aɛ, à yáalò a ò a nòse guu: Gbé pò kà wɛ̀ basɔ a ne'ie? Lá Sala kà wɛ̀ basiiɔkwi, a ne'ie? <sup>18</sup> ɔ̀ à èa ò Luac: Sue! Nyɔ̀ Isimaela gwa. <sup>19</sup> Lua mè: Siana guu n na Sala a ne'i gɔ̀e ũ, ní tókpaè Izaaki.† Ma bàa aɔ kuaàno ní aà buio e gɔ̀piie. <sup>20</sup> Isimaela yá musu, ma n yāmà. Má báaadaaàgu, a ne'i, i káfi maamaa. A ne gɔ̀e i gbɛɔn kuɛpla, mé aa gɔ̀ kíaɔ ũ, aà bui i dasikū. <sup>21</sup> N beeo ma bàakuanno a gɔ̀ Izaakiɛɛ. Zii maa'i ɔ̀ Sala a aà i. <sup>22</sup> Ké Lua yá'ò Ablahaũe a làa, ɔ̀ à gòaàla à tà musu.

<sup>23</sup> ɔ̀ Ablahaũ a né Isimaela sè ní a be gɔ̀e pò wà ní a beo ní zo pò wà ní lúo píi, ɔ̀ à tɔ̀zɔ̀né zibeezi gɔ̀o lá Lua òewa. <sup>24</sup> Ablahaũ kà wɛ̀ basɔ m̀endosai, ɔ̀ à gbàsa tɔ̀zɔ̀, <sup>25</sup> aà né Isimaela sɔ̀ wɛ̀ kuɛ'aaɔ. <sup>26</sup> Zí doũ zí ɔ̀ Ablahaũ tɔ̀zɔ̀ ní a né Isimaelao <sup>27</sup> ní a be gɔ̀e pò wà ní í aà beo ní zo pò wà ní lú buipáleɔwao píi. Aa tɔ̀zɔ̀ gɔ̀o doũ zíɛ.

## 18

### *Malaikaɔ bo mo Ablahaũwa*

<sup>1</sup> Dii bò mò Ablahaũwa Mamale gbɛ̀nelio kíi. Ablahaũ zòlea a zwàakpe kpeɛɛe fãane. <sup>2</sup> Ké à wezù, à gbɛɔn àaɔ̀ è zea.\* Ké à ní é màa, ɔ̀ à f̀le a kpeɛɛe ní bao, à gè dàr̀le à wùle a gbɛɛu <sup>3</sup> à mè: Dii, ma wegwa, r̀su gɛ̀ mapi n zòblenaao. <sup>4</sup> Má móé ní ío à gbá pípi, í kámabo lí gbáu la. <sup>5</sup> Lá a bole ní ma beo, má ge móé ní bleo yɔ̀ à gbãa e, í gbasa dazeu. ɔ̀ aa mè: Too, ke lá ní òwa. <sup>6</sup> ɔ̀ à gè Sala kíi kpéu à mè: P̀ɛeti dā zaa le àaɔ̀, p̀ɛɛke kpakpa. <sup>7</sup> ɔ̀ à bàalè

† **17:19** Bee mè yaalb. \* **18:2** Ebe 13.2

gè a zuo guu, à zunεbo lo maa kù a kpà a zikenawa, ò zikenapi ge kèke kpakpa. <sup>8</sup> Ǿ Ablahaũ vífāai ní ví'ipuo ní zu pò wa kèkepio sè gèò, a dilené. Goo pò aale poble, a kú ní sae azia lí gbáu we.

<sup>9</sup> Ǿ aa à là aa mè: N na Sala kú má ni? A mè: A ku kpéu we. <sup>10</sup> Ǿ Dii mè: Má ea mo n kii zii maa'i, n na Sala i ne'i g5e ũ.† Sala kú kpeεe aà kpe, àle ma. <sup>11</sup> Ablahaũ ní Salao aa zikù, Sala lé noεo pò ke lo. Ǿ Sala yáalò a ò a sō guu: <sup>12</sup> Ma zikù, mé Baa‡ zikù lo. Má pona yápi dō be? <sup>13</sup> Ǿ Dii Ablahaũ là à mè: Akεa Sala yáalò? A mè a gbé pò a zikù á fō ne'i be? <sup>14</sup> Yāe líò zī'ūmεεo. § Zii maa'i tó a goo kà, má mó n kii, Sala i gbasa ne'i g5e ũ. <sup>15</sup> Ǿ Sala lelekpà à mè i yáalo, asa vía aà kùε. Ǿ Dii mè: E'e, n yáalò se.

### *Ablahaũ awakpaa Diε Sodoũ yá musu*

<sup>16</sup> Ké gbépio fēle, Ablahaũ gè zéiné, ò aa Sodoũ kii oi gwà. <sup>17</sup> Ǿ Dii mè: Má yá pò má ye ke ule Ablahaũεo. <sup>18</sup> Aà buio aao zōo mé aao gbāa ví. Bui pò kú toleεo píi aa éfāi e aà sabaie. <sup>19</sup> Asa ma aà sè, ké aà o a néone ní a buio a kpe aao ma yá kūa, aai yāmaa zede ke, mí yá pò ma a legbèè kèè. <sup>20</sup> Ǿ Dii èa mè: Yá pò wàle o Sodoũ ní Gomoεo musu dasikù, an duuna zōokù maamae. <sup>21</sup> Má gé we sa mà gwa, tó yá pò aale ke vāi kà lá mále mawa. Tó aa de màa sōo, míò dō. <sup>22</sup> Ké an gbēon plaε dàzeu, aale gé Sodoũpi, ò Dii gò ní Ablahaũo we.

<sup>23</sup> Ǿ Ablahaũ sōaazi à mè: Nyō gbēmaao waa sānu ní gbēvāio yà? <sup>24</sup> Tó gbēmaao ku wélepi guu

† 18:10 Lom 9.9  ‡ 18:12 1Piε 3.6   § 18:14 Luk 1.37

gbẽon blakwi, ñyõ ní waa yà? Nyõ sùuuke ní wélepíio gbẽmaa gbẽon blakwipiõ yáio lé? <sup>25</sup> Sùuuke! Nsu ke màao, ñsu gbẽmaaõ dede sãnu ní gbẽváiõ lá aa douwaeo. Sùuuke! Nsu ke màao. N gbé pó ní de dúnia búu yákpalekena ù, ñyõ yãke a zéwao lé? <sup>26</sup> Ǿ Dii mè: Tó ma gbẽmaaõ è Sodbũ gbẽon blakwi, má sùuuke ní wélepíio an yái.

<sup>27</sup> Ǿ Ablahaũ èa ò lo: Ma gbé pó má de búsuti ní túfuo ù, gáafaakemeè mà ea yã'one, Dii. <sup>28</sup> Tó gbẽon sɔo kèsã gbẽon blakwipi guu, gbẽon sɔopio yái ò ñyõ wélepi kaaleia? Ǿ Dii mè: Tó ma gbẽmaaõ è gbẽon blasɔo, má wélepi kaaleo. <sup>29</sup> Ǿ Ablahaũ gí lé yã'oè à mè: Tó gbẽmaaõ kà bla sã be? Ǿ Dii mè: Má yãe keo gbẽon blapio yái. <sup>30</sup> Ǿ à mè: Dii, n yá na! Nsu to n pɔ pao, má ye yã'o lo. Tó gbẽmaaõ kà baakwi sã be? A wèwà à mè: Tó ma gbẽmaaõ è gbẽon baakwi, má yãe keo. <sup>31</sup> Ǿ à mè: Gáafaakemeè lo Dii, mà yã'one. Tó gbẽmaaõ kà gbẽon bao sã be? A wèwà à mè: Má wélepi kaaleo gbẽon baopio yái. <sup>32</sup> Ǿ à mè: Dii, ñsu to n pɔ pao, yãe bee bàasio má yã'o lo. Tó gbẽmaaõ kà kwi sã be? A wèwà à mè: Má wélepi kaaleo gbẽon kwipio yái. <sup>33</sup> Ké Dii yã'ò Ablahaũe a làa, à gèzɛa, ò Ablahaũ èa tà be.

## 19

### *Sodbũ ní Gómɔɔo kaalea*

<sup>1</sup> Ké malaika gbẽon plapio kà Sodbũ oosi, Lotu zõlea Sodbũ bíi bɔleu. Ké à ní é, à fɛle gè dànlé à kùlené, à wùle a gbɛɛu <sup>2</sup> à mè: Ma diio, á yá na! A mɔ ge pilai mapi á zòblena be, í zu'o, í i la, zia kɔɔ káaukau í dazɛu. Aa mè: Aawo, wá i gáaɛɛ. <sup>3</sup> Lotu

nàemá maamaae, ɔ̃ aa gbàsa gè àà be ua aa p̃ila. A ní yàaekè maamaa, à kàa kènέ, ɔ̃ aa sò.

<sup>4</sup> E aao wúlε, Ɔɔɔɔ̃udeɔ̃ lia Ɔɔtu kpéi. Wé̃lepi gɔ̃eɔ̃ kàaa we míɔmíɔe, èwaasoɔ̃ ní gbɛ̃zɔ̃ɔ̃ p̃ii. <sup>5</sup> Aa lezù Ɔɔtuzi aa mè: Gbé̃ pó p̃ila n be oosiaɔ̃ ku má ni? Bolew̃eér̃nɔ̃ wà ní dàakpa.\* <sup>6</sup> Ɔɔtu b̀ò ní k̃íi kpeele, à gbatà ní kpeo <sup>7</sup> à mè: Gbé̃ɔ̃, ásu yāvāikεo. <sup>8</sup> Má nenɔ̃enaɔ̃ ṽí gb̃eɔ̃n pla aa g̃ɔe d̃ɔo, má boleér̃nɔ̃. Lá á yei à ker̃nɔ̃,† áma ásu yāe ke gb̃é̃e beeɔ̃neɔ̃, asa aa p̃ila ma beε. <sup>9</sup> Aa òè: Gow̃ε we! Ɔ̃ aa mè lo: Gbé̃piá b̀òmɔe, ɔ̃ a ye ke wá yákpalekena ũa? Wá yāvāikene deñla. Ɔ̃ aale nɔ̃nɔ̃aaaàzi ní gb̃āao, aale mó gba gbooi. <sup>10</sup> Ɔ̃ gb̃eɔ̃n plapiɔ̃ ɔ̃b̀ò Ɔɔtu k̀ù aa gè̀d kpéu, ɔ̃ aa zetà. <sup>11</sup> Aa tò gbé̃ pó kú kpeleɔ̃ ṽiakù néf̃eñen gb̃ẽzɔ̃ p̃ii,‡ ɔ̃ aale zew̃ele e aa kpàsa. <sup>12</sup> Gb̃eɔ̃n plapiɔ̃ ò Ɔɔtue: Dé ní ní ṽí la bi? Neg̃ɔ̃e, nenɔ̃e, an g̃ɔkpamaɔ̃ ní gbé̃ pó de n gbé̃ ũ wé̃le guuo p̃ii. Boleér̃nɔ̃, <sup>13</sup> asa wa mɔ̃ guε bee kaaleiε. Yá sa pó wàle o wé̃lepiɔ̃ musu yá gè̀ Dii swáú, ɔ̃ à wá z̃í wé̃lepi kaalei. <sup>14</sup> Ɔɔtu b̀ò ge ò a néo g̃ɔkpamaɔ̃ne à mè: A fele wà bole, asa Dii a wé̃leε beepi kaale tiaε. Ɔ̃ aale e àle faaiboe.

<sup>15</sup> Ké gu d̀ò malaikapiɔ̃ nàe Ɔɔtuwa aa mè: Fele ñ n na ní n nenɔ̃ena gb̃eɔ̃n plaɔ̃ séle boleér̃nɔ̃ la, ké r̃isu ga wé̃lepi kaalea guuo yáí. <sup>16</sup> Ké Ɔɔtu lé bésebesenake, Dii aà w̃enagwà,§ ɔ̃ gb̃eɔ̃n plapiɔ̃ aà k̀ù a ɔ̃wa ní aà nao ní aà nenɔ̃e plaao, aa b̀òleér̃nɔ̃ w̃énkpe. <sup>17</sup> Ké aa b̀òleér̃nɔ̃ màa, ɔ̃ malaikapiɔ̃ do ò Ɔɔtue: Bàale ñ nzia misi. Nsu ñ n kpe gwao, r̃isu ze guzulepiuo. Bàale

\* **19:5** Yud 7 † **19:8** Dɔa 19.22-24 ‡ **19:11** 2Kia 6.18 § **19:16** 2Píe 2.7

mipe gbèsisíwá, ké nsu gao yáí. <sup>18</sup> Ǿ a òné: Aawo ma dii! N yá na! <sup>19</sup> N mapi n zòblena wegwà, n gbèkèkèmmè maamaa, n ma mìsi. Ama má fĩ bàale mà gbèsisípíò kí leo. E màò gé kái we, kaalepi a ma le mà gae. <sup>20</sup> Wélee gwa kee. Lá a kái, má fĩ bàale mà le, mé wéle nénae. To mà bàasi mà ta we, míò aafia. A nénaũ nolo? <sup>21</sup> Ǿ a òè: Ma n gba zé ló, má wéle pò níle opi kaaleo. <sup>22</sup> Bàale ta we kpakpa, asa má yáe kè gíao, e òn gè òn kaò we. Ayãmeto wà tókpa wélepie Zoaa.\*

<sup>23</sup> Ké Lotu Zoaa lè, íatè lé fèle, <sup>24</sup> ẽ Dii tò té ní íatègbòò bò musu à kà Sòdũ ní Gómòòogu. <sup>25</sup> A wélepio kàale ní ní gbéò ní guzulepio ní líò ní sèò píí.†

<sup>26</sup> Ké Lotu na a kpe gwà, ẽ à gè zea wisi gbe ũ.‡

<sup>27</sup> Ké gu dè, Ablahaũ fèle kòkòò, à gè gu pò á kúu yáa ní Diiopiu. <sup>28</sup> Ké à Sòdũ ní Gómòòò kí oi gwà ní guzulepio pii, a è telu lé fèle tóle lán mua teluwa.

<sup>29</sup> Beewa ké Lua guzule pò Lotu kuu wéleò kàale, Ablahaũ yá d̀aàgu, ẽ à Lotu bò wéle pò á kàalepio guu.

### *Lotu bui*

<sup>30</sup> Ké Lotu bò Zoaa, à gè zòle gusísídeu ní a nenòena plaaò, ké a kua Zoaa vía ví yáí. Ǿ à gè ku gbè'eu ní a nenòenapíò. <sup>31</sup> Ǿ Yò ò Bàae: Wá mae zikù, mé gòee ku bùsuu la à wúlewanò lá wí kèwao. <sup>32</sup> Mò wà vèe kàkàè, wí wúleaànò ké wà e wàò wá bui kũa aà sabai. <sup>33</sup> Gwãasína bee aa vèe kàkàè, ẽ Yò gè wúleaànò. Lotu i d̄ò gòò pò à wúleano ge gòò pò à fèleo.

\* **19:22** Bee m̀è nénaũ. † **19:25** Mat 10.15, Luk 17.28-29, 2Píe 2.6

‡ **19:26** Luk 17.32

34 Ké gu dō Yō ò Bāae: Ma wule ní ma maeo gia. Wà v̄e kákaè oosia lɔ, ní gé wúleiaànɔ s̄, ké wà e wàò wá bui k̄ua aà sabai. 35 Gwāasina bee lɔ aa v̄e kákaè, ̄ Bāa gè wúleiaànɔ. Lotu i d̄o gɔɔ p̄ ò wúleianɔ ge gɔɔ p̄ ò f̄leɔ. 36 Maa Lotu nenɔe plaapiɔ kè aa nɔsiaànɔ. 37 Yō ne ̄i ḡe ũ, ̄ ò tɔkpàè Mɔabu. § Aàpi mé Mɔabu bui p̄ kú e gb̄aɔ dezi s̄ia ũ. 38 Bāa ne ̄i ḡe ũ s̄, ̄ ò tɔkpàè Bēnami. \* Aàpi mé Amɔni bui p̄ kú e gb̄aɔ dezi s̄ia ũ.

## 20

### *Ablahaū n̄ Abimeleki*

1 Ǿ Ablahaū f̄le we, ò gè Negene bùsuu Kadesi ní Suluo zānguo. Ké ò gè z̄le Gelaa, 2 ò m̄e a na Salaá a d̄ae, ̄ Gelaa kí Abimeleki gb̄é z̄i ò aà s̄e s̄uò. 3 Ǿ Lua b̄ò m̄ò Abimelekiwa nana guu gwāasina a òè: Nyō ga nɔ p̄ ní s̄epi yáí, asa nɔz̄ae. 4 A m̄ò l̄è Abimeleki i wúleiaànɔ yāao, ̄ ò m̄è: Dii, níyō bui p̄ aai yāe keoɔ d̄ede yà? 5 Aàpi mé òm̄e a d̄aeo lé? Nɔepi s̄ ò m̄è a d̄ae. Ma yākè a z̄éwae, má tàae v̄io. 6 Ǿ Lua òè nanapi guu: Ao, má d̄ó ké n̄ yākè a z̄éwae. Ayāmeto ma kpane n̄ duunakeme, mi we n̄ ɔk̄à nɔepiwao. 7 Tiasa, ḡepi dee nɔ kpawà, asa ānabi, i wabikene, ké n̄ e n̄ ḡo ní aafiao. Tó ni aà nɔpi kpawà s̄o, ñyō d̄ó ké n̄ gae, mpi ní n̄ gb̄éɔ ápii.

8 Ǿ Abimeleki f̄le kɔɔkɔɔ, ò a gb̄éɔ sisi ò yápi d̄au a siuné pii, ̄ v̄ia ní kú maamaa. 9 Ǿ Abimeleki Ablahaū sisi a òè: Bó yá ní k̄ew̄e m̄aai? Bó yá ma z̄aw̄ane, ̄ n̄ gbasa ní tò ma ḡo duunde ũ ní ma

§ 19:37 Bee m̄è ma mae né. \* 19:38 Bee m̄è ma dae né.



bùsuoi? N yá pò de wà keo kèmεε. <sup>10</sup> Bó làasoo ní kè n gbasa n yápi kèi? <sup>11</sup> Ablahaũ wèwà à mè: Mále e yãa gbēe Lua vĩa vĩ bùsue bee guuo, mé wasu ma de ma nò yáí. <sup>12</sup> Bee gbεa nɔɛpiá ma dāεε síana. Wá de doũε, baade ní a dao, ɔ à gɔ̃ ma nò ũ. <sup>13</sup> Ké Lua ma bɔ ma mae be yãa, mále bebebebe, ɔ má ò ma nɔɛpie gu pò wa su geu píi, aà gbēkekεmεε, aàli o a dāɔn ma ũ. <sup>14</sup> Ǿ Abimeleki mò ní sãɔ ní zuɔ ní zɔgɔ̃εɔ ní zɔnɔεɔ, a kpà Ablahaũwa, ɔ à aà na sàaaè. <sup>15</sup> Ǿ Abimeleki mè: Ma bùsun ke, zɔ̃le gu pò ní yei. <sup>16</sup> Ǿ a ò Salaε: Ma ánsusu ɔwatē òaa sɔɔ kpà n dāɔwa awakpabɔ ũ, ké gbé pò kunnɔɔ píi, aai dɔ́ ké ni tàaεkeo. <sup>17</sup> Ǿ Ablahaũ wabikè Luawa, ɔ Lua Abimeleki gbàgbã ní aà nao ní aà nò pò i méseɔdilenéɔɔ, ké aa e ne'i, <sup>18</sup> asa Dii tò Abimeleki be nɔεɔ fikũε Ablahaũ napi yá musu.

## 21

### *Izaaki ia*

<sup>1</sup> Dii éfãaikè Salaε lá a òwa, a kèè lá à a legbèwa. <sup>2</sup> Ǿ à nɔsì à ne'i ní Ablahaũo gɔ̃ε ũ a zikũ guu gɔɔ pò Lua ðileεwa.\* <sup>3</sup> Ablahaũ tɔkpà népie Izaaki. <sup>4</sup> A tɔzɔ̃è a gɔɔ swaaɔde zí lá Lua ðileεwa.† <sup>5</sup> A kà wè basɔɔ a népi igɔɔ. <sup>6</sup> Ǿ Sala mè: Lua yaalɔyã kèmεε, mé gbé pò mà píi a yáalɔmanɔ. <sup>7</sup> A ò ɔ: Wa we o Ablahaũε yãa má gɔ̃ neade ũe? Kási ma ne gɔ̃ε òaàno aà zikũ guu.

<sup>8</sup> Népi gbãakũ à kè yówa, ɔ Ablahaũ aà kēa yówa dikpeké. <sup>9</sup> Sala è né pò Egipi nɔε Hagaa ì ní Ablahaũo ò Izaaki yáalɔε, <sup>10</sup> ɔ a ò Ablahaũε: Zɔpi ya ní a néo,

\* **21:2** Ebe 11.11 † **21:4** Daa 17.12, Zln 7.8

asa zo né a e túbible ní ma né Izaakioo.† 11 Yápi Ablahaũ pɔ yà maamaa, asa aà néε, 12 ̄ Lua òè: Nsu to n pɔ ya n né ní n zɔnɔepio yá musuo. Yá pɔ Sala lé onε píi ma, asa Izaaki buiɔ ̄ wali oné n buiɔ. § 13 Má tó zo népi buike s̄, asa n néε. 14 ̄ Ablahaũ f̄le kɔɔkɔɔ, à blε s̄ ní ituuo, a kpà Hagaawa. A ð̄è, ̄ à aà né kpàwà lɔ. A aà gbàε, ̄ à gè lé liaaliaa Bεεεba guwawaiu. 15 Ké í làamá, à èwaasonapi tò lí gbáu, 16 ̄ à gè z̄le aε kazu lélea zā léu, asa à mè á ye à a né gaa eo. Ké à gè z̄le k̄aa màa, ̄ à nà ɔɔlɔwa.

17 Lua èwaasonapi ɔɔlɔ mà, ̄ Lua Malaika lezù Hagaazi za musu à mè: Bóme n lei Hagaa? Nsu víakεo, asa Lua népi ɔɔlɔ mà gu pɔ a kuu. 18 Fεle ñ n népi se ñ aà kũ a ɔwa, asa má tó aà ḡ bui z̄ɔ ũε. 19 Lua nɔepi wé k̄èè, ̄ à lɔ è. A gè itò tùu pai, ̄ à mɔ kpà a népiwa, a m̄i.

20 Lua kú ní népio e à gè z̄ɔkù. Iɔ ku guwawaiu, ̄ à ḡ toena ũ. 21 Gɔɔ pɔ a ku Palana guwawaiu ̄ aà da Egipi bùsu nɔ s̄è.

### *Ablahaũ ní Abimelekiò lēdoūkεa*

22 Gɔɔ bee Abimeleki ní a z̄iḡɔ gb̄z̄ɔ Pikɔlio gè Ablahaũ k̄í aa òè: Lua kunno yá pɔ níle ke guu píi. 23 Lēgb̄mεε la ḡɔ ñ mε ní s̄ ní Luao, ké íȳɔ bɔ ma kpεo ge ma néo ge ma buiɔ. Lá ma gb̄ekεk̄ène, kemεε màa ní bùsu pɔ ní kú a guu gb̄éɔ. 24 ̄ Ablahaũ òè: Má lēgb̄ēne. 25 ̄ Ablahaũ lɔ pɔ Abimeleki z̄ikεnaɔ s̄iwa yá s̄le s̄iùè. 26 Abimeleki mè: Má gb̄é pɔ aa yá bee k̄è d̄ɔ, ni omεε yāao, ma maàn gb̄ā. 27 ̄ Ablahaũ s̄aɔ ní zuɔ kù a kpà Abimelekiwa, ̄ aa

† 21:10 Gal 4.29-30 § 21:12 Lom 9.7, Ebe 11.18

ledoukè ní kōo. <sup>28</sup> Ǿ Ablahaũ sãnunu mèn soplaɔ bo kàle nídoa. <sup>29</sup> Abimeleki aà là à mè: Sã mèn sopla pò n ní kále nídoapiɔ yá de kpelewa ni? <sup>30</sup> Ǿ a wèwà à mè: Sã mèn soplapiɔ si seela ù ké máme ma lɔpi yè. <sup>31</sup> Ayãmeto wà tɔkpà gupie Beeseba, \* asa wekii ò aa legbèukɔe. <sup>32</sup> Maa ò aa ledoukè Beeseba, ò Abimeleki ní a zígɔɔ gbèzɔɔ Pikɔlio èa tà Filitèɔ bùsuu. <sup>33</sup> Ablahaũ baali bà Beeseba, ò à Dii Lua Gɔɔpiide sisi we. <sup>34</sup> Ǿ à gɔɔplakè Filitè bùsupiu.

## 22

### *Ablahaũ Izaaki kpaa sa'obɔ ù*

<sup>1</sup> Bee gbèa Lua Ablahaũ lè a gwà. A dè: Ablahaũ! Ǿ a wèwà à mè: Má ké! <sup>2</sup> Ǿ Lua dè: N n né mëndona yenzide\* Izaaki se ò geò Mɔlia† bùsuu, ní sa pò wí a pò káteu à tékū oò gbèsísi pò má onewa. <sup>3</sup> Ké à fèle kɔɔkɔɔ, à káoyè a zàa'inae, ò à a zíkèna gbèon plaɔ sè ní a né Izaakipio. A sa'oyaa pàa, ò à dàzeu, àle gé gu pò Lua òeu. <sup>4</sup> A gɔɔ àaɔde zíké à wezù, à gupi è káaa. <sup>5</sup> Ǿ a ò a zíkènapionè: A gɔ ní zàa'inao la. Mapi ní èwaasonae beeo wá gé ae kúlei Luae, wí ea su wà á le la.

<sup>6</sup> Ablahaũ sa'oyaa se di a népie,‡ ò a tékūa ní fènao, aale gé sãnu. <sup>7</sup> Ǿ Izaaki ò a mae à mè: Baa! Ǿ a wèwà à mè: Bó ni né? Ǿ népi dè: Wá té kūa ní yàao, sã pò wá sa'ò ku má ni? <sup>8</sup> Ǿ Ablahaũ mè: Ma né, Lua mé a sa'osã kpá.§ Ǿ aa tekɔi, aale gé. <sup>9</sup> Ké aa kà gu pò Lua òèu, à sa'okii bò we, à yàakàa. Ǿ a a népi yè a dà yàapila sa'okii musu.\* <sup>10</sup> Ké à fèe sè, à ɔbò à

\* **21:31** Bee mè legbèlɔɔ. \* **22:2** Mat 3.17 † **22:2** 2Lad 3.1

‡ **22:6** Zaa 19.17 § **22:8** Zaa 1.29 \* **22:9** Èbe 11.17-19, Zaa 2.21

a népi kòlokpa, <sup>11</sup> ̄ Dii Malaika lezùaàzi za musu à m̀: Ablahaũ! Ablahaũ! A wèwà à m̀: Má ké! <sup>12</sup> ̄ à m̀: Nsu ɔ̀ká népiwao, ńsu yãe keèo. Má d̀ sa ké ń ma vĩa vĩ, ni gimεε ń n né m̀endonao.† <sup>13</sup> Ablahaũ wezù, ̄ à s̄asakao è d̄oa a kóbawa kána guu. ̄ à ge kù, à sa pó wĩ a pó káteu à tékũ òò a né gbeu. <sup>14</sup> ̄ à tɔ̀kpà gupie Diiakpa, ̄ wĩo o e ń a gbão wĩ me: Dii a kpa a gbèsĩsĩ musu.‡

<sup>15</sup> Dii Malaika èa lezù Ablahaũzi za musu lɔ <sup>16</sup> à m̀: Ma Dii ma legbè ń ma kuaos̄ ma m̀, lá n yápi kè, ni gĩ ń n né m̀endonao, <sup>17</sup> má báaadangu, mí n bui káfine lán saanaɔwa, aao dasi lán ísiale ũfãawa.\* N buio aao iko vĩ ń ibeɔwa. <sup>18</sup> Má báaada dúnia bui piigu n bui sabai,† ké n ma yãmá yái.

<sup>19</sup> Ké Ablahaũ èa sù a zikenaɔwa, aa fèle tà Beeseba, ̄ à gɔ̀plakè we.

<sup>20</sup> Bee gbea wa ò Ablahaũe wà m̀: N v̄i Nakɔɔ na Milika neḡɔe ì. <sup>21</sup> Aà neḡɔe séia tón Uzu. Aà d̄aunaɔ tón ke: Buzu, Alaũ de'ia Kemue, <sup>22</sup> Kesedi, Azo, Pidasi, Yidafi, Betue. <sup>23</sup> Betuepi mé Lebeka ì. Neḡɔe gb̄eɔn swaaɔ pó Milika ì ń Ablahaũ v̄i Nakɔɔɔn we. <sup>24</sup> Aà nɔ Leuma pó i mésedileèò néo tón ke: Teba, Gaaũ, Taasu ń Maakao.

## 23

### *Sala gaa*

<sup>1</sup> Sala kè wè basoolosɔo ń plaoe, <sup>2</sup> ̄ à gbàsa gà Kiliataaba pó wĩ me tia Hebl̄, Kanaa b̄usuu. ̄ Ablahaũ aà beekè, à ɔ̀lò aà gaa yá musu. <sup>3</sup> Ké à gò

† **22:12** Lom 8.32    ‡ **22:14** Zaa 3.16    § **22:16** Ebe 6.13-14

\* **22:17** Ebe 11.12    † **22:18** Zln 3.25

aà gea, à gè a ò Iti buiɔne: <sup>4</sup> Nibɔ̀ bòmɔ̀n ma ũ á guu.\*  
 A tɔ̀le yíaa gevíkíi ũ, mà gevíu. <sup>5</sup> Aa òè: <sup>6</sup> Mae, wá  
 yāma. Lua gbé báaaden n ũ wá guu. N n ge ví gè'ε  
 pó kènε maa guu. Wá gbēε a gine ní gè'εo ké n ge  
 víuo. <sup>7</sup> Ǿ Ablahaũ fεle kùle bùsupideɔne, <sup>8</sup> a òné: A  
 ma yāma, tó a we mà ge ví la. A wabikεμεε Zohaa  
 né Efɔ̀nɔ̀wa, <sup>9</sup> aà Mapela gbè'ε pó kú aà bú lé yíaa a  
 ɔ̀awa, i gɔ̀ ma gevíkíi ũ á bùsuu la.

<sup>10</sup> Efɔ̀nɔ̀ zɔ̀lea ní guu a wéle bíibɔ̀leu we, ɔ̀ a ò  
 Ablahaũε Itiɔ̀ wáa píi à mè: <sup>11</sup> Aawo mae, ma yāma.  
 Ma n gba buapi ní gbè'ε pó kú weoε. Ma n gba ma  
 gbéɔ̀ wáaε. Ma n gbaε n ge víu. <sup>12</sup> Ablahaũ kùle  
 bùsupideɔne, <sup>13</sup> ɔ̀ a ò Efɔ̀nɔ̀ε an wáa nípii: Swákpa  
 n ma yāma. Má buapi fiaboε. Ma ɔ̀a sí, mí ge víu.  
<sup>14</sup> Ǿ Efɔ̀nɔ̀ òè: <sup>15</sup> Mae, ma yāma. Tɔ̀le pó a ɔ̀a ánuusu  
 ɔ̀watε ɔ̀aa plaε, bɔ̀n bee ũ wá zānguoi? N n ge ví.  
<sup>16</sup> Ablahaũ aà yāmà, ɔ̀ à ánuusu pó a ò yè gbéɔ̀ wáa  
 laatanaɔ̀ zaau.† <sup>17</sup> Beewa ɔ̀ Efɔ̀nɔ̀ bú pó kú Mapela,  
 Mamale saε, gè Ablahaũ pó ũ ní gbè'ε pó kúuo ní lí pó  
 kú we e búpi léwaɔ̀ píi. <sup>18</sup> A gè Ablahaũ pó ũ Iti pó  
 mò wéle bíibɔ̀leu weɔ̀ wáa píi.

<sup>19</sup> Bee gbεa Ablahaũ a na ví Mapela bua gbè'εpi  
 guu Mamale pó wí me tia Heblɔ̀ saε, Kanaa bùsuu.  
<sup>20</sup> Màa bú ní gbè'ε pó de yāa Itiɔ̀ pó ũo gè Ablahaũε  
 gevíkíi ũ.

## 24

### *Nɔ̀wεεlea Izaakie*

<sup>1</sup> Ablahaũ zikù à kà zà, mé Dii èfāaikèè yápii guu.  
<sup>2</sup> Ǿ a ò a zòblenaɔ̀ gbèzɔ̀ pó de a pópíi yāgɔ̀gɔ̀na ũε:

\* **23:4** Ebe 11.13 † **23:16** Zln 7.16

Ɔsɔlɔ ma gbala taau, <sup>3</sup> mí tó ñ ãgbẽ ní Dii musu ní zílɛo Lua tóo, ké ñyɔ̄ Kanaa bùsu pɔ́ má kúu nɔ se ma néeo. <sup>4</sup> Gé ma be bùsuu ma daeo guu, ní nɔse ma née we. <sup>5</sup> Ɔ aà zòblenapi aà là à m̀è: Tó nɔepi i we b̀ò tɛmazi à sùmanɔ bùsue beeu s̄o be? Má gé ní n néo bùsu pɔ́ n bɔu yà? <sup>6</sup> Ablahaũ òè: Laaika! Nsu gé ní ma néo weo. <sup>7</sup> Dii Lua Musude ma bɔ ma mae be ma daeo bùsuu, ɔ̄ à yā'òmɛɛ, à ãgbè à m̀è á bùsue bee kpa ma buiɔwae. Aapi mé a a Malaika z̄i aà d̄aaanɛ. Wekii ɔ̄ ñyɔ̄ nɔseu ma née. <sup>8</sup> Tó nɔepi i we b̀ò tɛnzio, ñyɔ̄ bɔ lé pɔ́ má tò ní gbè guue. Nsu gé we ní ma néoo fá! <sup>9</sup> Ɔ aà zòblenapi a ɔ s̀òlɔ a dii gbala taau, à ãgbèè yápi musu.

<sup>10</sup> Zòblenapi a dii yiongoɔ sè m̀èn kwi ní a dii àizɛɛ bui piio, ɔ̄ à f̄ɛle gè Nakɔɔ be w̄ɛ́ɛu Sili Mɛsɔpɔtami bùsuu. <sup>11</sup> Ké à kà we, a tò yiongoɔ kámab̀ò l̀ò sae w̄ɛ́nkpe. Ké oosi kè, gɔɔ pɔ́ nɔɔo ì b̀òle ítoi, <sup>12</sup> ɔ̄ à wabikè Luawa à m̀è: Dii, ma dii Ablahaũ Lua, gbèkèkè ma diie. To ma tá ke na oosia. <sup>13</sup> Gwa, má zea l̀ò sae ke. Tó w̄ɛ́ɛ w̄ɛ́ndiaɔ b̀òle ítoi, <sup>14</sup> w̄ɛ́ndia pɔ́ má òè aà a lo pila à idāmɛɛ mà mi, tó a òmɛɛ mà mi, í kpá ma yiongoɔwa lɔ, má d̄ɔ́ ké n gbèkèkè ma diie, nɔe pɔ́ ní d̄ile n zòblena Izaaki pɔ́ ũn we.

<sup>15</sup> I yápi o a làao, ɔ̄ Betue né Lebeka b̀ò ní loo dia a ḡau. Betueá Ablahaũ v̄ii Nakɔɔ né pɔ́ a ì ní a na Milikaoe. <sup>16</sup> Nɔ kefɛnae, mé a léso, ḡɔe i wúlɛaànɔ yāao. A m̀ò l̀òoi, à it̄ò lo pai, ɔ̄ à èa lé tá. <sup>17</sup> Ɔ zòblenapi bàalè gè guz̄è à m̀è: Ma gba í mà mi, baa yɔɔ. <sup>18</sup> Nɔepi m̀è: Mi Baa! Ɔ à a lo pila ḡɔ̄, à í kpàwà, a m̄i. <sup>19</sup> Ké à í kpàwà a m̄i a làa, à m̀è: Má tó ní yiongoɔne lɔ, aa mi e aa ká. <sup>20</sup> Ɔ à a lo í kà pɔ́o imibɔu

gòò, à èa bàalè gè ítòì lòòì, ò à itò yiongoone píi. <sup>21</sup> Ǿ gōepi zè, àlè aà gwa soee, ké à e dō tó Dii a to a tá ke na, ge a ke nao. <sup>22</sup> Ké yiongoò imĩ aa làa, ò gōepi vua tāana maa dà nōpiè a níu, à vua zā'òana dàè mèn pla. Tāanapi gbia kà galaũ sòò, zā'òanapiò sō galaũ basòobasòò. <sup>23</sup> Ǿ à aà là à mè: Omee, dé nén n ũi? Wá ikĩ e n mae bea? <sup>24</sup> Ǿ a wèwà à mè: Betue nén ma ũ, Milika ní Nakòòò tòũna. <sup>25</sup> Sē ní tàaao di wá bee, mé ikĩ kú lo. <sup>26</sup> Ǿ gōepi mipèlè à kùlè Diie à mè: <sup>27</sup> Wà Dii ma dii Ablahaũ Lua sáaukpa, ké i gí gbēke ní náaio yākeièò yáí. Mapi sō, Dii dāamee ma dii daeo be.

<sup>28</sup> Ǿ wéndiapi bàalè gè yápi dàu a sũu a bedeone. <sup>29</sup> Lebekapi dāò vĩ, wĩ mēè Labā. A bō wénkpe ní bao, à gè gōepi lè lò'ea, <sup>30</sup> asa a è a dāe tāana ní zāo daa, mé à yá pò gōepi òè mà. Ké à gè aà lè ní yiongoò lò'ea, <sup>31</sup> à mè: Mó, n gbé pò Dii báaadàngu! Akea ní zea wénkpei? Ma kpekèkene ní yiongoò dòdòkĩio. <sup>32</sup> Gōepi gè ua, ò Labā yiongoò aso pòlo à sēla nie ní tàaao kpámá, à í kpà gōepiwa, ò à gbá pìpiò ní a gbéò m̃pii.

<sup>33</sup> Wà ble dīlèè, ò à mè: Má pòble gíao e mà yá pò ma mòò o. Ǿ Labā mè: O. <sup>34</sup> Ǿ à mè: Ablahaũ zòblenan ma ũ. <sup>35</sup> Dii èfāaikè ma diie maamaa, ò à gè òde ũ. A aà gbà sāò ní zuò ní ánusuo ní vuo ní zògōeo ní zònòeo ní yiongoò ní zàa'inaò. <sup>36</sup> Ma diipi na Sala ne'ĩ gōe ũ a zikũ guu, ò ma dii pò pò á vĩ kpà népiwa píi. <sup>37</sup> Ma dii tò ma legbè, asa à mè másu Kanaa bùsu pò á kúu nò se a néeo. <sup>38</sup> A mè mà gé a de be a bui guu, mí nòse a née we. <sup>39</sup> Ǿ ma a dii là ma mè, tó nōepi i we bō temazio sō be? <sup>40</sup> A wèa à

mè, Dii pò á teaàzi, òme a a Malaika zì aà gé zeimeε, ké ma tá e ke na, mí nɔse a née a de be daεo guu. <sup>41</sup> A mè tó ma γε a buio kíi, tó wi weio, ma bɔ lé pò má gbèè guun we.

<sup>42</sup> Ké ma ka lòoi gbã ma mèt: Dii, ma dii Ablahaũ Lua, tó n wei, to ma tá ke na. <sup>43</sup> Má kú lò'ea. Wéndia pò mò ítɔi, mé má òè aà ma gba í yoo mà mi, <sup>44</sup> tó a ò mà mi, ítɔ ma yiongoɔne lɔ, má ðǝ ké wéndia pò ní ðile à ke ma dii né pò ũn we. <sup>45</sup> E màò yápi o ma nòse guu màò láa, ò Lebeka bò ní loo dia a gǝu, à mò lò'ea à itò. Ǟ má òè aà ma gba í mà mi. <sup>46</sup> A a lo pila gǝɔ, à mè mà mi, í kpá ma yiongoɔwa lɔ. Má mǝ ò a kpà ma yiongoɔwa. <sup>47</sup> Ǟ ma aà là, dé nén aà ũi? A mè Betue nén a ũ, Milika ní Nakoo tɔũna. Ǟ ma tãanadàè a níu, ma zã dàè a ɔɔwa. <sup>48</sup> Ǟ ma mipèle ma kule Dii ma dii Ablahaũ Luaε, ma aà sáaukpà, asa à ðàameε zé súsu guu, ké mà a dii vǝi tɔũna sé aà née. <sup>49</sup> Tiasa tó á we gbèke ní náaio yáke ma diie, à omεε. Tó i wei sɔo, à omεε, mí gé gupǝlei. <sup>50</sup> Labã ní Betueo wèwà aa mèt: Yápi bò Dii kíie, wá yǝe oa vǝio, a maa ge a vǝi. <sup>51</sup> Lebeka ke, ò aà se taò, i gǝ n dii né na ũ lá Dii òwa. <sup>52</sup> Ké Ablahaũ zòblenapi ní yāmà, à wùle tɔɔle Diiε. <sup>53</sup> Ǟ à nɔambleɔ pò wa kè ní ánusuo ní vuaoo ní pɔkasao bòle kpà Lebekawa. A aà ðǝo ní aà dao gbà pò ɔdeɔ lɔ. <sup>54</sup> Ǟ aapi ní gbé pò kuaànɔ pòblè aa imǝ, ò aa ï we.

Ké aa fǝle koo à mèt: A ma gbaε mà ta ma diiwa. <sup>55</sup> Nɔ ðǝo ní aà dao mèt: To népi gǝwanɔ baa gɔɔ kwi, í gbasa tá. <sup>56</sup> Ǟ gǝepi òné: Lá Dii ma tá kèna kéwa, ásu ma ðɔɔɔ. A ma gbaε mà ta ma diiwa. <sup>57</sup> Ǟ aa mèt: Wà népi sísi wà aà la. <sup>58</sup> Ǟ aa Lebeka sísi aa aà



là aa mè: Nyõ tá ní gbépioa? Ǿ Lebeka mè: Má tá. <sup>59</sup> Ǿ aa Lebeka gbàe ní zò pò à aà gwà za aà nézìo, aale tá ní Ablahaũ zòblenao ní aà gbé. <sup>60</sup> Aa samaa'ò Lebekae aa òè:

Né, níyõ gõ gbé dasidasio dazi ũ,  
n buio io iko ví ní zangudeowa.

<sup>61</sup> Ǿ Lebeka fêe ní a zóno, aa kà yiongoo kpe, aa bò te gõepizi, ã à tàrino.

<sup>62</sup> A mo lè Izaaki sù ní lò pò wí me Luabépoima'eo, à zòle Negene búsuu. <sup>63</sup> A bò gè làasookei sèu oosi, ã ké à wezù, a è yiongoo lé mó.

<sup>64</sup> Lebeka wezù à Izaaki è sõ, ã à pìla a yiongoo kpe kpakpa, <sup>65</sup> à zòblenapi là à mè: Dén gõe pò be sèu àle mó daiwále kee ũi? Ǿ zòblenapi wèwà à mè: Ma diie. Ǿ Lebeka a pòlgãu se kù a wéa. <sup>66</sup> Ké aa kà Izaaki kíi, zòblenapi yá pò á kè sèle siuè píi.

<sup>67</sup> Izaaki gè ní Lebekao a da Sala zwàakpeu, ã à aà sè, à gò aà no ũ. A yeaàzi, ã aà nòse nìni a da gaa gbèa.

## 25

### *Ablahaũ né pále*

<sup>1</sup> Ablahaũ no pále sè lo, aà tón Ketula. <sup>2</sup> Né pò a ìaànoo tón ke: Zimana, Yosã, Medã, Madiã, Isebaki, Sua. <sup>3</sup> Yosã mé Seba ní Dedão ì. Dedã buion Asulio ní Letusio ní Leumio ũ. <sup>4</sup> Madiã negõeo tón ke: Efa, Efee, Anõki, Abida, Elèdaa. Ampii Ketula buione.

<sup>5</sup> Ablahaũ a àizee kpà Izaakiwa píi, <sup>6</sup> ã à gbadà a no pò i mése dilenéo néone, à ní gbàe gukpe oi e àò gé gai, ké aasu wàò kù ní Izaakioo.

### *Ablahaũ gaa*

7 Ablahaũ kè wè baswaaõkwi ní sɔoo, 8 ɔ à gà. A zikù táotao, ɔ à gbàsa zù a gbéɔ guu. 9 Aà néo Izaaki ní Isimaɛlao aà vì Mapela gbè'e guu, Mamale gukpɛ, bua pò de Iti bui Zohaa né Ɛfɔno pò ũ yāa, 10 ɔ Ablahaũpi lù Itiɔwa.\* Wekii ɔ wà aà vìu ní a na Salao. 11 Ablahaũ gaa gbɛa Lua báaadà aà né Izaakigu. A zõlea Luabɛɛpɔima'e bɔ sae.

### *Isimaɛla bui*

12 Ablahaũ né Isimaɛla bui yán ke: Sala zɔnoɛ Hagaa, Egipi noɛ ɔ à népi ãànɔ. 13 Aà negɔɛ tón ke an iawa. Aà negɔɛ séia tón Nɛbaio. Aà dāunao tón ke: Kedaa, Adibɛli, Mibisã, 14 Misima, Duma, Masa, 15 Adada, Tema, Yetuu, Nafisi, Kedema. 16 Isimaɛla negɔɛ tón we. An baade a tɔkpà a wéleɛ ge a bòɛ. Aame bui kuɛplao dezi káauo ũ.

17 Isimaɛla kè wè basopla aaõsai, ɔ à gà à zù a gbéɔ guu. 18 Aà bui zõle za Avila e à gè pèò Suluwa Egipi bùsu léi taa Asili bùsu oi. Aali kɔtesì ní Ablahaũ bui kɔnɔ.

### *Esau ní Yakɔbuo ia*

19 Ablahaũ né Izaaki bui yán ke: Ablahaũ Izaaki ì. 20 Ké Izaaki kà wè bla ɔ à Labã dāe Lebeka sè. Ɔme Sili bùsu gbé Betue pò bɔ Mɛsɔpɔtami bùsuu né ũ. 21 Izaaki wabikè Diiwa a nae, asa fiɛ, ɔ Dii ãànɔ, aà napi nɔsì. 22 Siao lé dɛɛka aà gbɛɛu, ɔ à mè: Bóyã yá bee taa ma lei? Ɔ à gè Dii lai. 23 Dii òè:

Bui mèn pla ku n neasakpɛu,  
gbɛɔn pla pò kú n gbɛɛupiɔ aa kɛkõwa.  
Bui mèn do gbãa aɔ de adola,

\* 25:10 Daa 23.17

a pò b̀ káau a g̃ né ũ gbé źáε.†

24 Ké aà nε'ig̃ɔɔ kà, à s̃iáɔ ì g̃ɔεɔ ũ. 25 Ké gbé káau lé b̀, à b̀ t́énd̃ɔ̃d̃ɔ̃. Aà meká kà ula ũ, ɔ wà t̀kpàè Esau.‡ 26 Bee gbea ké né plaade lé b̀, à d̀ Esau gbatoewa, ɔ wà t̀kpàè Yakɔbu. § Izaaki wè bàáɔdeu ɔ à népio ì.

27 Népio z̃ɔɔkù. Esau kè toensa pò lí ké s̀əawao ũ. Yakɔbu s̃ɔ begwanaε. 28 Izaaki ye Esauzi, ké a lé'u ví yáí. Lebeka s̃ɔ a ye Yakɔbuzi.

29 Ziéwa Yakɔbu lé dokuu, ɔ Esau s̀ú n̄ s̀əao, n̄ana lé aà dε. 30 Ǿ a ò Yakɔbuε: N yá na! To mà ble t́əa bee e ble, asa n̄ana lé ma dεε. Ayámto wà t̀kpà Esauε Ed̃ũ.\* 31 Yakɔbu m̀: N n̄ yoakeze† kpaá g̃iá. 32 Ǿ Esau m̀: Ma ka gaε, bó ma yoakeze a kemεi? 33 Ǿ Yakɔbu ò̀: Mε n̄ sí n̄ Luao g̃iá. Ǿ à m̀ á sí n̄ Luao, a a yoakeze kpàwàε.‡ 34 Ǿ Yakɔbu p̃εε n̄ bláa dopio kpàwà. A blè à im̃, ɔ à f̀lε b̀. Beewa Esau a yoakeze díle p̃á.

## 26

### *Izaaki n̄ Abimεkio*

1 Imina kà bùsupiu, a s̃éia pò kà Ablahaũ g̃ɔɔ bàasi, ɔ Izaaki f̀lε gè Filit̃ɔ kí Abimεkio k̃i Gelaa.

2 Ǿ Dii b̀ m̀wà à m̀:

Nsu ta Egipio.

Z̃lε gu pò má onεu.

3 Nỹ ku bùsue beeu g̃iá.

† 25:23 Lom 9.12 Buipio k̃i sía ia guu, né pò b̀ káau ɔmε ì gb̃z̃ɔ ũ.

‡ 25:25 Bee m̀ káde. § 25:26 Bee m̀ gbatoek̃una ge k̃onikenεde.

\* 25:30 Bee m̀ t́əa. † 25:31 Neg̃ɔε s̃éia mé gb̃z̃ɔ ũ, ɔmε ì túbi sé dεr̃iá. ‡ 25:33 Εβε 12.16

Máó kunnɔ, mí ɛfãaikɛnɛ.  
 Má bùsue bee kpamaɛ píi ní n buiɔ,  
 mí lé pɔ má gbè n maɛɛ kɛnɛ.

<sup>4</sup> Má n bui káfi lán saanaɔwa,  
 mí bùsue bee kpámá píi.

Bui pɔ kú tɔɔɔ píi  
 aa ɛfãai e n bui sabai,

<sup>5</sup> ké Ablahaũ ma yãma yáí.

A ma ɔtonɔkii gwà,

mé a yá pɔ má ðileɔ kũa

ní ma yádilenɛɔ ní ma ikoyãɔ.

<sup>6</sup> ɔ Izaaki gò Gelaa. <sup>7</sup> Ké beleɔ lé aà la aà na yáí,  
 à mè a ðãɛɛ. Asa àɛ vɛake, àɛ e tó à mè a naɛ, wa  
 a ðɛ nɔpi yáíɛ, asa nɔpiá nɔanaɛ. <sup>8</sup> Ké àɛ gɔɔplake  
 we, Filitɛɔ kí Abimeleki lé zíle gwa fenɛntiu, ɔ à su è  
 Izaaki lé bònɔble ní a nao. <sup>9</sup> ɔ à Izaaki sisi à mè: Asi  
 n naɛ fá! Akɛa n mè n ðãɛɛi? A wèwà à mè: Máɛ e  
 wa ma ðɛ aà yáíɛ. <sup>10</sup> Abimeleki mè: Bó yá ní kèwɛɛ  
 màai? Yɔɔnnɔ mé gò ké wá gbèe wúɛ ní n napio, ðɔ  
 yãa n wá dá tàaeu. <sup>11</sup> ɔ Abimeleki lezà gbépiiwa à  
 mè: Gbé pɔ ɔkà gɔɛpiwa ní aà nao, wa ade ðɛ.

<sup>12</sup> Izaaki pɔtè bùsupiu, ɔ à pɔ è wɛ bee ɛɛ basɔɔ,  
 ké Dii ɛfãaidàuè yáí. <sup>13</sup> A zɔɔkù, mé aà àizɛɛ Ìɔ káfi  
 e à kè ɔde sà bílibili ũ. <sup>14</sup> A sãɔ ní zuɔ vɛ ðasi ní  
 zɔɔ, ɔ Filitɛɔ zàaãgu. <sup>15</sup> ɔ aa lɔɔ pɔ aà mae Ablahaũ  
 zikɛnaɔ yè a gɔɔɔ kàka ní bùsuo píi. <sup>16</sup> ɔ Abimeleki ò  
 Izaakie: Gowála, asa n gbãa ðewála maamaaɛ.

<sup>17</sup> ɔ Izaaki bò we, à bòokpà Gelaa guzulɛu, ɔ à  
 gɔɔplakè we. <sup>18</sup> Lòɔ pɔ wa yè aà mae Ablahaũ gɔɔ  
 mé Filitɛɔ kàka aà gaa gbɛaɔ ɔ à èa bòbò, à tó doũ pɔ a  
 mae kpàné yãaɔ kpàné lɔ. <sup>19</sup> Izaaki zikɛnaɔ lɔɔ pãle

yò guzulèpiu, ò aa bò í maawa. <sup>20</sup> Ǿ Gelaa pɔdānaɔ lɛkpaakè ní Izaaki pɔɔ aa mè: Wá íe. Ǿ à tɔkpà lɔɔpiɛ Sòle, ké aa sòlekèaànaɔ yáí. <sup>21</sup> Aa lɔɔ pàle yò, ò wà lɛkpaakè lɔɔpi yá musu lɔ, ò à tɔkpàè Ibɛle. <sup>22</sup> A gò we, ò à lɔɔ pàle yò lɔ, aai lɛkpaake a yá musu lɔ. Ǿ à tɔkpàè Dèepoo, asa à mè: Dii wá gbá dèepookii, wá ɔta sa.

<sup>23</sup> Bee gbɛa à gè Bɛɛɛɛba. <sup>24</sup> Dii bò mòwà gwāasina bee à mè:

Mámɛ má n mae Ablahaũ Lua ũ,  
ńsu vɪakeo, asa má kunnɔ.

Má èfāaikɛɛ, mí n bui káfi  
ma zòblena Ablahaũ yáí.

<sup>25</sup> We à sa'okii bòu à Dii sɪsiu. Ǿ à bòokpà we, aà zikenaɔ lé lɔɔ yó. <sup>26</sup> Ǿ Abimeleki bò Gelaa à mò Izaaki kíi ní a kwāasi Ahuzao ní a zígɔɔ gbɛzɔɔ Pikɔlio.\*  
<sup>27</sup> Izaaki ní lá à mè: Lá a zamagu a ma ya á bɛ, àkɛa a mɔ ma kíi? <sup>28</sup> Aa wèwà aa mè: Wá è Dii kunnɔɛ, ò wa mè a maa wà lɛdoũkɛ, wí lɛgbɛkɔɛ a yá musu,  
<sup>29</sup> ké ńsu yāvāie kɛwɛɛo, asa wí íadamao. Yāmaa ò wá kènɛ, wa n gbɛa aafiaɛ, ò Dii èfāaikènɛ. <sup>30</sup> Ǿ Izaaki ní yàaekè, aa pɔblè aa imi. <sup>31</sup> Ké aa fɛle kɔɔ, aa lɛgbɛkɔɛ, ò Izaaki zènɛ, aa bò aà kíi aafia. <sup>32</sup> Zibeezi Izaaki zikenaɔ mò lɔɔ pɔ aa yò yá'òè aa mè: Wa í è.  
<sup>33</sup> Ǿ à tɔkpàè Seba. Ayāmɛto wí mɛ wɛlɛpiɛ Bɛɛɛɛba† e ní a gbāo.

<sup>34</sup> Ké Esau kà wè bla, à Iti nɔ sè gbɛɔn pla, Beeli né Yudi ní Eloni né Basɛmao. <sup>35</sup> Izaaki ní Lebekao nòɛ lɔ ɔɔkpaa an yáíɛ.

\* **26:26** Daa 21.22 † **26:33** Bee mè lɛgbɛlɔɔ.

## 27

*Izaaki sa'olekea Yakɔbu*

<sup>1</sup> Izaaki zikù, aà wé gbáa lɔo, àle gu'e maao. ɔ à a yoa sisi à mè: Né! ɔ a wèwà à mè: Ma mɔ. <sup>2</sup> Izaaki mè: Ma zikù, má a gagɔɔ dɔo. <sup>3</sup> N n sá sé ní n gbàlao, ge sɛ̀anɔɔ wɛɛɛmɛɛ. <sup>4</sup> Ma pɔɛã do kuu n̄ mɔomɛɛ mà ble, mí sa'olekenɛ e mào ga.

<sup>5</sup> Lebeka yá pɔ Izaaki lé o Esauɛpi mà. Ké Esau fɛ̀le gè toekai, <sup>6</sup> ɔ à gè a ò Yakɔbuɛ à mè: Má mà n mae lé yá'o n v̄iɛ à mè, <sup>7</sup> aà ge n̄o dɛɛ, i a pɔɛã do kuuoɛ à ble, í sa'olekèè ní Dii tɔo e ào gé gai. <sup>8</sup> ɔ Lebeka èa òè: Ma yāma, ní yá pɔ má dānɛ ke. <sup>9</sup> Gé bleɔ guu, blenɛ maa kũ mèn pla n̄ de, ní kekɛ n̄ mɔò, mí n mae pɔɛã do kuuè, <sup>10</sup> ní geoè aà ble, i sa'olekenɛ e ào ga. <sup>11</sup> ɔ Yakɔbu ò a daɛ: Ma v̄i ká v̄i mé má yɔɔ. <sup>12</sup> Tó ma mae ɔkàa mé à ma dɔ, a dile mále a ke pɔɔpɔɔɛ, i lekemɛɛ sa'ole gbɛu. <sup>13</sup> ɔ aà da òè: Lua to lekɛanɛ bee gɔmɛɛ. Ma yāma lé! Ge n̄ de n̄ mɔomɛɛ.

<sup>14</sup> ɔ Yakɔbu gè blepiɔ dè à mòò a daɛ, ɔ à aà mae pɔɛã do kùuoè. <sup>15</sup> ɔ à a yoa pɔkasa maa pɔ kú a kpéu se dà a né Sedeɛ. <sup>16</sup> A blenɛ báa f̄i aà ɔɔ ní aà waa pɔ ká v̄iowa. <sup>17</sup> ɔ à do ní p̄ɛ pɔ á kèò kpàwà.

<sup>18</sup> Yakɔbu gè a mae k̄i à mè: Baa! A mè: Má ké! Ma né kpele ni? <sup>19</sup> Yakɔbu wèwà à mè: Mámɛmaa Esau n yoa. Lá ní òmɛɛ, má kè. Fɛ̀le zɔ̀le n̄ ma ɔ'i ble, ní sa'olekemɛɛ. <sup>20</sup> ɔ Izaaki ò a n̄é: O'o! N è kàa? A wèwà à mè: Dii n Lua mé saakpaa. <sup>21</sup> ɔ Izaaki òè: S̄mazi mà ɔkàma, ké mà e dɔ tó ma né Esauɛ s̄ana. <sup>22</sup> Yakɔbu s̄ a maezi, ɔ à ɔkàwà à mè: Lɔɔɛ beeá Yakɔbu lɔɔɛ, kási ɔɛ beeá Esau ɔɛ. <sup>23</sup> ɔ i aà dɔo, ké aà ɔɔ ká v̄i lán Esau pɔwa yái. A ye sa'olekèè, <sup>24</sup> ɔ à aà

là gĩa: Ma né Esaun n ũ sĩaanaa? A m̀è: Ao, máme!  
 25 Ǿ à m̀è: Pó kpaa mà n ɔ'i ble, mí sa'olekene. Ké a  
 d̄ilèè, ɔ a blè. A m̀dè ní v̄εεo, a mí lo. 26 Ǿ aà maepi d̀è:  
 S̄mazi, ní lépea. 27 Ǿ à s̄̀aàzi à lepèwà. Ké Izaaki  
 aà p̄okasao ḡimà, ɔ à sa'olekèè à m̀è:

Ma né ḡi de lán bua pó Dii èf̄aaidauwa.

28 Lua n gba m̀d̀se b̄oa za musu,  
 i n gba t̄oole táaede,  
 p̄ówena ní v̄εεo lo dinzi.

29 Gb̄éɔ z̄oblene,  
 buio k̄ulene,  
 níɔ de n gb̄éɔ dii ũ,  
 n da néo i k̄ulene.  
 Lua leke gb̄éɔ p̄ó lekèneɔne,

aà báaada gb̄éɔ p̄ó samaa'òneɔgu.\*

30 Ké Izaaki sa'olekè Yak̄obue a làa, ɔ Yak̄obu gò aà  
 kíi. Ké aà v̄ii sù ní toekao ḡòɔ, 31 ɔ à blkè a mae s̄o,  
 à g̀èoè, ɔ a d̀è: Baa! F̄ele n̄ ma ɔ'i ble, ní sa'olekemee.

32 Ǿ aà mae aà là à m̀è: Mm̄enn déi? A wèwà à  
 m̀è: Mám̄ema n yoa Esau. 33 Yápi d̄i Izaakiwa, àle  
 lualua à m̀è: Déme n̄o d̀è à m̀dom̄ee ȳaa e ñȳó gé  
 m̄óí, má s̄oì? Ma sa'olekè adee k̀ò, mé a èf̄aaiپی ee.

34 Ké Esau a mae yápi mà, à búbuap̄ale à ɔ̀lò à k̀è  
 w̄éna, ɔ à m̀è: Baa! Sa'olekemee s̄o.† 35 Ǿ à m̀è: N  
 d̄auna m̀ò ní k̄̄nio à n sa'ole s̄i k̀ò. 36 Ǿ Esau m̀è: Aà  
 t̄ón Yak̄obuo‡ lò? A òn̄ok̄em̄ee à k̀è ḡen plan we sa.

A ma yoakeze s̄ia ȳaa,§ ɔ à ma sa'ole s̄ia ke lo. Má  
 sa'ole e lo lé? 37 Izaaki wèwà à m̀è: Ma aà d̄ile n dii  
 ũ, ma aà daeɔ k̀è aà z̄ikenao ũ, ma p̄ówena ní v̄εεo  
 kp̄awà. Bó má f̄o kene lo? 38 Esau ò a mae: Baa,

\* 27:29 Ebe 11.20 † 27:34 Ebe 12.17 ‡ 27:36 Bee m̀è  
 k̄̄nikeneɔde. § 27:36 Daa 25.31

sa'ole bee ñ ní ví adoa? Sa'ole pãle kemεε sō Baa. 39 Ɔ àà mae wèwà à mè:  
 Tɔɔle pɔ níyɔ kuu aɔ táae vío,  
 mɔse a bɔne za musuo.  
 40 Nyɔ fɛnda kũa gɔɔpiie,  
 níyɔ zɔble n dãunaε.  
 Lá n sō a dadoũo,  
 níyɔ àà zuu bɔnla.

41 Esau íbelesè ní Yakɔbuo sa'ole pɔ a mae kèè yáí, ñ  
 a ò a sũ: Ma mae gaa zào, mí gbasa mà a dãuna de.  
 42 Wà yá pɔ Esau ò kɔmalekè Lebekaε, ñ à Yakɔbu sɔsi  
 à mè: Esau ye a pɔ tɔsima à n deε. 43 Ma yãma sa.  
 Fele bàale gé ma dãɔ Labã be Halana, 44 níɔ kuaàno  
 we gia e n v̄ipi pɔkũma kpáε. 45 Tó àà pɔ wèe, mé  
 yá pɔ ní kèè sàaàgu, má gbé zí n gbesii. Má ye mà  
 kua ma né gbɛɔn plaɔwa píi zidoũziɔ.

46 Ɔ Lebeka ò Izaakiε: Iti nɔε ni bòmala. Tó  
 Yakɔbu Iti nɔ sè bùsuu la lán Esau nɔε beeɔwa, ma  
 kua aɔ namεε bo.

## 28

### *Yakɔbu bàasi taa Labã kíi*

1 Ɔ Izaaki Yakɔbu sɔsi, à samaa'òè à yãdileè à mè:  
 Nsu nɔse Kanaa nɔεo guuo. 2 Fele gé Mesopotami  
 bùsuu n da mae Betue be, ní nɔse we n desè Labã  
 néo guu.

3 Lua Gbãapiide báaadangu,  
 àà to ñ ne'i maamaa, aaiɔ káfí,  
 ní gɔ buiɔ dezi ũ.

4 Lua báaa pɔ a dà Ablahaũgu dangu ní n buiɔ píi,  
 ké bùsu pɔ níε nibɔbleu gɔne,  
 bùsu pɔ a kpà Ablahaũwae bee.



<sup>5</sup> Ǿ Izaaki Yakɔbu gbàe àà gé Labā kíi Mesɔptami búsuu. Labāá Sili búsuu gbé Betue née, Yakɔbu ní Esauo desēe.

<sup>6</sup> Esau mà Izaaki samaa'ò Yakɔbuε, à àà gbàe Mesɔptami, ké àà nɔse we. Ké à sa maapi òè à mē, asu nɔse Kanaa nɔeɔ guuo. <sup>7</sup> A è Yakɔbu a mae ní a dao yāmà, à dà Mesɔptami zéu. <sup>8</sup> Ǿ a dō sa ké Kanaa búsuu nɔeɔ lí ká a maeguo. <sup>9</sup> Ǿ à gè Ablahaũ né Isimaela kíi, à àà né Maalata se dà a nɔ séiaɔ guu. Maalataá Nebaio dāeε.

*Yakɔbu nana'oa Beteli*

<sup>10</sup> Yakɔbu bò Beeseba, à dà Halana zéu. <sup>11</sup> Ké à kà guei, àle i we ké íatē gē kpéu yáí. Ǿ à gbε sè gupiu midibɔ ũ, à wúle we. <sup>12</sup> Ǿ à nana'ò, a è dōgēgaa pélea tɔle e à gè zò luawa, Lua malaikaɔ lé dedewà, aale pila.\* <sup>13</sup> A è Dii zeaala à mē:

Mámamaa Dii n dezi Ablahaũ  
ní n mae Izaakio Lua.

Má tɔle pɔ ní wúlewàe bee kpamaε,  
mpi ní n buio.

<sup>14</sup> N buio aao dasi lán búsuu'ũfāawa,  
aa ligua gukpe ní be'aεo  
ní gugbāntooó ní γεmidokíio.

Dúnia bui píi a èfāai e  
mpi ní n buio sabai.

<sup>15</sup> Máo kunnɔe,  
máo n dǔa gu pɔ níle géu píi,  
mí εa sunno búsue beeu,  
asa má n to weo,  
má yá pɔ má òne keε.

---

\* **28:12** Zaa 1.51

16 Ké Yakɔbu wù ní io à mè: Dii ku guεε, ɔ mi dɔo fá! 17 Vía aà kù à mè: Gue beeá viague. Luakukúie, luabε zée.

18 Yakɔbu fèle kɔɔ, à gbε pɔ a kè midibo ũpi sè a pèle dɔngubɔ ũ, ɔ à nísikàwà. 19 Ǿ à tokpà gupie Beteli,† āma wéle pɔ wa kàle we tó séian Luzu. 20 Yakɔbu lekè Diiwa à mè: Tó ní kumanɔ, mé níle ma dɔa ma wéleε bee gea guu, mé níle ma gba pɔblea ní pɔkasao, 21 e ma ge suò ma mae be aafia, níyɔɔ de ma Lua ũε. 22 Gbε pɔ má pèle dɔngubɔ ũpi a gɔ n gbagbakii ũε, mé pɔ pɔ n ma gba pii, má a kwide kpamaε.

## 29

### *Yakɔbu kaa Labā be*

1 Yakɔbu εa dàzeu, à gè gukpedeɔ bùsuu. 2 Ké à kà we, à lò è sèu, sã kpàsa leε aaɔ kálea a saε, asa lòopi í ɔ wí kpámá. Gbè gbène ta lòopile. 3 Tó kpàsa pɔɔ kàaa we pii, ɔ wí gbepi go lòopile wà í kpámá, ɔ wí εa gbepi taε a gbεu. 4 Ǿ Yakɔbu sãdānaɔ là à mè: Gbécɔ, a bɔ má ni? Aa wèwà aa mè: Wa bɔ Halanaε. 5 Ǿ à ní lá à mè: A Nakɔɔ tɔŭna Labā dɔa? Aa wèwà aa mè: Wá aà dɔ. 6 Ǿ à ní lá à mè: A aafiaó? Aa mè: A aafia. Aà né Laseli gwa, àle mɔ ní sãɔ kee. 7 Ǿ Yakɔbu mè: Fāanε lé ke, sãɔ tagɔɔ i ka yāao. A í kpámá, í gé ní dádái. 8 Ǿ aa mè: Wá fɔo. Mé i ke sã kpàsaɔ kàaa pii bàasio, wili gbε go lòole wà í kpá pɔɔwao.

9 Lá àle yá'oné màa, Laseli mò ní a mae sãɔ, asa sãdānan aà ũ. 10 Ké Yakɔbu a desē Labā nenɔε Laseli è ní aà mae sãɔ, à sɔ lòoi à gbε gò lòole, ɔ à í kpà a desē sãɔwa. 11 Ǿ à lepè Laseliwa, à pɔna ɔɔlò. 12 Ǿ a òè aà mae daen a ũ, Lebeka née. Ǿ Laseli bàalè ge ò a

† 28:19 Bee mè Lua ua.

maee. <sup>13</sup> Ké Labā a dāe né Yakɔbu bao mà, à bàalè gè daiaàle. Ké à kà, ɔ à kùsiwà à lepèwà à tàaàno a be. ɔ Yakɔbu yá pò kèò òè píi. <sup>14</sup> ɔ Labā òè: Ma aun n ũ síana.

### *Yakɔbu Lea ní Laselio se*

Yakɔbu kè Labā be mo do, <sup>15</sup> ɔ Labā òè: Ké ní de ma dae ũ yáí ɔ níyɔ zíkemeɛ pāa? Lá má fiabone omee. <sup>16</sup> Labā sɔ a nenɔeɔ ví gbɛɔn pla. Yɔ tón Lea, Bāa sɔ Laseli. <sup>17</sup> Lea wé gbāao, Laseli sɔ nɔanae, mé aà kákaa maa. <sup>18</sup> Yakɔbu ye Laselizi, ɔ a ò Labāe: Má zíkene wè sopla n né bāade Laseli yáí. <sup>19</sup> Labā mè: Ma aà kpaama sí de mà kpa gbɛpālewala. Nyɔ ku ma be.

<sup>20</sup> ɔ Yakɔbu zíkèè wè sopla Laseli yáí, kási à kèè lán gɔoplawaɛ, ké a yeaàzi yáí. <sup>21</sup> ɔ a ò Labāe: Lá ma zígɔɔ pà, ma nɔ kpaa mà sé. <sup>22</sup> ɔ Labā wekiideɔ kàaa píi, à nɔseble kèné. <sup>23</sup> Ké oosi kè, ɔ à a né Lea se kpàwà, ɔ Yakɔbu wùleaàno. <sup>24</sup> Labā a zɔnɔe Zilipa kpà Leawa aàò zíkèè. <sup>25</sup> Ké gu dò Yakɔbu su è Leae, ɔ a ò Labāe: Bó yá ní kèmeɛ màai? Laseli yáí ɔ ma zíkèneo lò? Bóyáí n ma kpánguakèi? <sup>26</sup> Labā mè: Lakii wili Bāa kpa gɔwa Yɔ āao. <sup>27</sup> Asāa do ke ní gbé beeo gia, mí aà gbèdo kpama, ní zíkemeɛ wè sopla lo. <sup>28</sup> Yakɔbu wèi, à āsāa dopi kè ní Leao, ɔ Labā a né Laseli kpàwà nɔ ũ. <sup>29</sup> Labā a zɔnɔe Bila kpà Laseliwa aàò zíkèè. <sup>30</sup> Yakɔbu wùle ní Laselio sɔ, mé a yeaàzi de Leala. ɔ à èa zíkè Labāe e wè sopla lo.

### *Yakɔbu né*

<sup>31</sup> Dii è Yakɔbu ye Leazio, ɔ à aà kè neade ũ, Laseli sɔ fii ũ. <sup>32</sup> Lea nɔsí à ne'í gɔe ũ, ɔ à tɔkpàè Lubeni,\*

\* **29:32** Bee mè nɛgɔe gwa.

asa à mè: Dii ma taasikεa gwàε. Ma zá aɔ yemazi sa. <sup>33</sup> Ké à nɔsɪ ɓɔ, à nε'ɪ gɔε ũ, ɔ à mè: Dii mà ma zá yemazio, ɔ à èa née bee kpàa ɓɔ. ɔ à tɔkpàè Simεɔ.† <sup>34</sup> Ké à èa nɔsɪ ɓɔ, à nε'ɪ gɔε ũ à mè: Ké bee sa ma zá a ma dilekɪi eo, asa ma nεgɔε ɪaànɔ àaɔ. ɔ à tɔkpàè Levii.‡ <sup>35</sup> A èa nɔsɪ ɓɔ à nε'ɪ gɔε ũ à mè: Ké bee sa ma Dii sáaukè, ɔ à tɔkpàè Yuda. § ɔ aà nε'i zè.

### 30

<sup>1</sup> Ké Laseli è ále nε'i n Yakɔbuoo, à gɔa kpà n a v̄ɪio. ɔ a ò Yakɔbuε: Nɔɔɔmagu. Tó mi e s̄ɔo, má gae. <sup>2</sup> Yakɔbu pɔ pàaàzi à mè: Mámε má Lua ũa? Aàpi mé ḡɪne n nε'i. <sup>3</sup> ɔ Laseli mè: Ma zɔnɔε Bila ke, ge ɪaànɔ, i néo imεε, mí bui e s̄ɔ aà sabai. <sup>4</sup> ɔ à a zɔnɔε Bila kpàwà nɔ ũ. Yakɔbu wùleaànɔ, <sup>5</sup> ɔ à nɔsɪ à nε'ɪ gɔε ũ. <sup>6</sup> ɔ Laseli mè: Lua tò yá b̀òmanɔ na, à ma yāmà à ma gba nεgɔε. ɔ à tɔkpàè Dā.\* <sup>7</sup> Laseli zɔnɔεpi èa nɔsɪ à nε'ɪ gɔε ũ ɓɔ, <sup>8</sup> ɔ Laseli mè: Ma d̄εε z̄ɔ kà n ma v̄ɪio, ma d̄εenè, ɔ à tɔkpàè Nefatali.†

<sup>9</sup> Ké Lea è a nε'i zè, ɔ à a zɔnɔε Zilipa kpà Yakɔbuwa nɔ ũ s̄ɔ. <sup>10</sup> ɔ Lea zɔnɔεpi nε'ɪ gɔε ũ n Yakɔbuo. <sup>11</sup> ɔ Lea mè: Minaε. ɔ à tɔkpàè Gada.‡ <sup>12</sup> ɔ Lea zɔnɔεpi nε'ɪ gɔε ũ ɓɔ n Yakɔbuo. <sup>13</sup> ɔ Lea mè: Ma pɔ k̄ena, asa nɔεɔ o pɔnaden ma ũ. ɔ à tɔkpàè Aseε.§

<sup>14</sup> Lubeni b̀ò ésekεεkεgɔɔ, à yenzi εse è s̄εu, ɔ a b̀òbo s̀ùd a da Leaε. ɔ Laseli òè: N n yenzi εsepi dāmεε.

<sup>15</sup> Lea òè: Ké n ma ḡɔ s̄ɪa, bee i mɔmao, ɔ n ye n ma né yenzi εse e ɓa? Laseli mè: Tó n kpàa, míme

† 29:33 Bee mè a mà. ‡ 29:34 Bee mè nakɔwa. § 29:35 Bee mè sáau. \* 30:6 Bee mè yá b̀òr̄nɔ na. † 30:8 Bee mè ma d̄εε.

‡ 30:11 Bee mè mina. § 30:13 Bee mè pɔna.

ńyõ ìaàno gbã. <sup>16</sup> Ké Yakɔbu lé su ní buao oosi, Lea bò gè dàaàlɛ à mè: Mámɛ má inno gbã, asa ma né yenzi ɛɛ asean n ũ. ɔ à ìaàno gwãasína bee. <sup>17</sup> Lua Lea wabikea sɪ, ɔ à noɪ à Sãl ɪ ní Yakɔbuo. <sup>18</sup> ɔ Lea mè: Lua asea kpàa, ké ma a zɔnoɛ kpà ma zãwa yáí. ɔ à tokpàè Isakaa.\* <sup>19</sup> Lea èa noɪ lo, à Wotui ɪ, <sup>20</sup> ɔ à mè: Lua gba maa dàmmɛ. Ké bee sa ma zã a ma kpela, asa ma negõɛ ìaàno soolo. ɔ à tokpàè Zabulonɪ.† <sup>21</sup> Gbezã ɔ à nennoɛ ɪ, à tokpàè Dina.

<sup>22</sup> ɔ Laseli yá dò Luagu, à aà wabikea sɪ, ɔ à kè neade ũ. <sup>23</sup> A noɪ à negõɛ ɪ, ɔ à mè: Lua wibòmɛ. <sup>24</sup> ɔ à tokpàè Yosefu‡ à mè: Dii ɛa negõɛ pãle káfimɛ lo.

### *Yakɔbu Labã pɔɔ dãa*

<sup>25</sup> Ké Laseli Yosefu ɪ, Yakɔbu ò Labãɛ: Ma gbaɛ mà ta ma be bùsuu. <sup>26</sup> Ma zíkènɛ ma naɔ ní ma néo yáí. N ní kpaa mà tá, asa ní dõ lá ma zíkènɛ. <sup>27</sup> ɔ Labã òè: Tó ma yá kànguɛ, gõ la. Ma màsokè má è Dii èfãaikèmɛ n yáí. <sup>28</sup> N n asea omɛɛ, mí kpama. <sup>29</sup> Yakɔbu òè: N dõ lá ma zíkènɛ, mé ní dõ lá n pɔtuoo kè ma ɔzɪ, <sup>30</sup> asa a yɔna pɔ ní vɪ zadõ mi moo kãfi maamaa. Dii èfãaidàunɛ za zɪ pɔ ma kèsepèlɛ n be la. Bɔɛ má azɪa be zíkɛ sɔi? <sup>31</sup> Labã aà là à mè: Bó má fiaboonei? Yakɔbu wèwà à mè: Nsu pɔɛ kpaaɔ, sema n yáɛ bee kemɛɛ, mío n pɔɔ dãnɛ. <sup>32</sup> Gẽ n pɔɔ guu gbã, ní sã bàebaeɔ ní a bilio ple ma asea ũ ní sãnɛ siao ní ble bàebaeɔ ní a bilio. <sup>33</sup> Tó nílɛ ma asea gwa zia bàasi, ńyõ dõ ké ma yãkè a zéwãɛ. Ble pɔ bàebaeo mé bili no, ge sãnɛ pɔ siao ma kpáí'òɛ.

\* **30:18** Bee mè asea. † **30:20** Bee mè kpelaa. ‡ **30:24** Bee mè aà kãfi.

<sup>34</sup> Labā mè: Tòò! Aɔ de lá n òwa. <sup>35</sup> Zibeezi Labā a blesan bàebaeɔ n a kāyāaleɔ n bleɔa bilio n a bàebaeɔ sè, an pɔ pɔ pua vɔ pɔ pɔ n sãne siaɔ pɔ, à n ná a néɔne n ɔzi. <sup>36</sup> ɔ à gudà n zãnguo n Yakɔbuo lán tagɔɔ àaɔ oa taawa, ɔ Yakɔbu lé Labā pɔ kɔniɔ dá.

<sup>37</sup> Yakɔbu lí bui àaɔ gɔn búsuɔ zòzò, à n tɔ bòbò à n wèsá kè púuu. <sup>38</sup> ɔ à lí pɔ à n tɔ bòbòpɔ pèlɛpɛlɛ pɔɔ imikii, pɔ pɔ lé mɔ imiio wéu, asa we ɔ aã kpáwa'ou. <sup>39</sup> Lá aã kpáwa'o lípɔ sae, ɔ aã né kāyāaleɔ i n a bilio n a bàebaeɔ. <sup>40</sup> Yakɔbu i pɔ népɔ ple adoa azia pɔ ũ, i a kāyāaleɔ n a siaɔ ka Labā pɔ guu. Beewa à azia kpàsa bò, i ka Labā pɔ guu. <sup>41</sup> Tó pɔbui maɔ fɛle n kpáwa'oao, Yakɔbu i lípɔ pèlɛpɛlɛ pɔɔ imikii an wéu, ké aa kpáwa'o n sae. <sup>42</sup> Tó pɔ gianaɔne sɔ, ili lípɛlɛpɛlɛnéo. Beewa pɔ gianaɔ gè Labā pɔ ũ, mé pɔbui maɔ gè Yakɔbu pɔ ũ. <sup>43</sup> ɔ Yakɔbu àizee ì káfi maamaa, à pɔ dasikù n zɔnɔe n zɔgɔe n yiongoɔ n zàa'inaɔ.

## 31

<sup>1</sup> Yakɔbu yá pɔ Labā néɔ lé o mà aa mè: Yakɔbu wá mae pɔ sɔwà pɔ. Wá mae àizee mé aà kà ɔdawa. <sup>2</sup> Yakɔbu dè Labā wéwa, ké a yá kuwà lán yāawa bo. <sup>3</sup> ɔ Dii òè: Ea ta n dezi búsuu n daeɔ be, mɔ kunno. <sup>4</sup> ɔ Yakɔbu Laseli n Leao sɔsi aa mɔ a pɔ kii sɛu. <sup>5</sup> A òné: Má dè á mae wéwa ké ma yá kuwà lán yāawa bo. N beeo ma mae Lua kumano. <sup>6</sup> A dɔ áziawa ké ma zikè á mae ma gbāa pua léue. <sup>7</sup> A mae ònòkèmeɛ à ma asea líle gɛn kwi, ɔ Lua i to à yāe kèmeɛo. <sup>8</sup> Tó à mè sã bàebaeɔ mé ma baa ũ, ɔ sãpɔ ì né bàebaeɔ i. Tó à mè a kāyāaleɔ mé ma baa ũ, sãpɔ ì né kāyāaleɔ i. <sup>9</sup> Lua á mae sã sɔwà a kpàa.

10 Goo pò bleo lé kpáwa'o, ma nana'ò, ò nana guu má è blesana pò lé kpáwa'ooá ble káyáaleone ní a bàebaeo ní a biliò. 11 O Lua Malaika òmeε nanapi guu: Yakòbu! O ma mè: Má ké! 12 A mè: Wεzu ò gwa. Blesana pò aale kpáwa'oo pii blè káyáaleone ní a bàebaeo ní a biliò. Ma yá pò Labā kènε è pii. 13 Mámεmaa Lua. Ma bo moma Beteli, gu pò n gbepèleu n nísikàwà n lekèa.\* Tiasa fεle bo búsue beeu, ní tá n be búsuu. 14 O Laseli ní Leao òè: Wá túbi ví wá mae be lbe? 15 I wá díle niboo ù nolo? A wá yama, ò à a òa blè pii. 16 Aizεε pò Lua sí wá maewa gò wá pò ù piiε ní wá néo. Yá pò Lua òne ke pii sa.

17 O Yakòbu fεle, à a néo ní a nao dĩ yiongoo kpe. 18 A a potuoo ní àizεε pò á è Mesopotamio sèle pii, ò à dàò zéu, àle tá a mae be Kanaa búsuu. 19 Ké Labā gè a são kákεlei, ò Laseli aà táa† sè kpái aà kpe. 20 Yakòbu sò à ònokè Sili bui Labāε, i lezawào. 21 A fεle bàalè ní a pòo pii, à bùa Uflatawa, ò à mipè Galada gbèsísíwa.

### *Labā pélea Yakòbuzi*

22 A goo àaòde zí wa ò Labāε Yakòbu bàalè. 23 A a gbéò náaa, ò à pèleaàzi. A táa'ò goo sopla, ò à aà lè Galada bùsu gusísídeu. 24 O Lua bò mòwà gwá nana guu a òè: Laaika yá pò níyò o Yakòbuezi.

25 Labā Yakòbu bòo lè kpaa Galada bùsu gusísídeu, ò à bòokpà we ní a gbéò sò. 26 O Labā gε ò Yakòbue: Bóyái n ònokèmeε, n ma néo sèle n taò lán zìzòowai? 27 Bóyái n ònokèmeε n wole kpái, ni

\* 31:13 Daa 28.18-22 † 31:19 Táapiá lí pò wa à lán gbēnazínawaone.

lezaao ni? Dõ ma zene ní pɔnakεao ní lesiao ní gǎao ní mɔɔnao. <sup>28</sup> Ni to ma lezà ma néo ní ma tɔũnaɔwao. N mĩsaiyā kè. <sup>29</sup> Ma gbāa kà mà yākεé, ɔ̃ n mae Lua yā'òmεε gwá à mè mà laaika yá pó má onei. <sup>30</sup> Nle tá sa, ké níle n mae be beεke yáí. Akεa n ma táaɔ sè kpáii? <sup>31</sup> Yakɔbu wèwà à mè: Mále vīakε, mále e níyɔ ní néo siaε. <sup>32</sup> Gbé pó n n táaɔ è aà kíi, wà ade de. Ma pɔɔ gwagwa wá gbéɔ wáa. Tó n n pó è, sé. Yakɔbu s̃ɔ a d̃ɔ ké Laseli Labā pó sè kpáio.

<sup>33</sup> Labā gè Yakɔbu zwàakpεu, à gè Lea kpéu, à gè zɔnɔε gbéɔn plapiɔ kpéu, i pɔe eo. Ké à bò Lea kpéu, à gè Laseli kpéu. <sup>34</sup> Laseli táapiɔ se ùle yiongo gaaiɔɔuε, ɔ̃ à z̃lεwà. Labā aà kpé yòe píi, i pɔe eo. <sup>35</sup> Laseli ò a maeε: Baa, nísu to n pɔ pamazio, asa mi e f̃lεo, ké má ɔkūa yáíε. Beewa Labā a táaɔ wèεε, i eo.

<sup>36</sup> ǃ Yakɔbu pɔ pà à zɔadò Labāwa à mè: Bó dàa má kèi? Bó duuna má kè ɔ̃ n pelemazi wāawāa kéwai? <sup>37</sup> N ma pɔɔ yòe píi, n n beɔɔ è wea? Bòò gupuau ma gbéɔ ní n gbéɔ wáa, aai yānakpa gbé pó a yá nawa. <sup>38</sup> Gwa, ma ke n be wè baοε. N s̃aɔ ní n bleɔ aai nɔbɔleo, mé mi n s̃aε soo. <sup>39</sup> Mili suma ní pó pó wài k̃uoo, mi a fiabone maziwaaε. Ni pó pó wà a kpáí'ò gwá ge fáane fia laaε. <sup>40</sup> Iatē i ma le fáane, íana i ma de gwá, mi it̃kε. <sup>41</sup> Maa ma ke n be e wè bao. Wè g̃εo m̃endosai ma zik̃εne n nenɔε gbéɔn plaɔ yáí. Ma wè soolo kè n kpàsa yá musu. N ma asealile g̃en kwi. <sup>42</sup> Mé i ke ma dezi Ablahaũ Lua pó ma mae Izaaki aà vía ví zèmanɔ bàasio, d̃ɔ n ma gbaε ɔgii. Lua z̃i pó má kè ní taasio è, ɔ̃ à zèmanɔ g̃ia gwá.



43 Ǿ Labā wè Yakɔbuwa à mè: Nɔɛɛ beeɔ́ ma néɔne. Néɛ beeɔ́ ma tɔ́ɔnaɔne. Pɔtuɔɛ beeɔ́ ma pɔtuɔɔne. Pó pó ní è la píi ma pɔɛ. Bó má ke ma nenɔɔo ní né pó aa ɔne gbáí? 44 To wà ledouke, ɔ de seela ũ wá zānguo. 45 Ǿ Yakɔbu gbɛ se pèle yápi dɔngubɔ ũ. 46 A ò a gbéɔne aa gbɛɔ séle, ɔ aa sèle aa a zèdɔ, ɔ aa pɔblè a sae. 47 Ǿ Labā tɔkpà gbèzepie Yegaa Saaduta.‡ Yakɔbu tɔkpàè Galèdi.§ 48 Labā mè: Gbèzɛɛ bee mé seela ũ wá zānguo gbā. Bee yáí wà tɔkpàè Galèdi. 49 Wí mɛ ɔ Mizipa,\* asa Labā mè: Dii wá dǎa wá kǎakǎwa gbɛa, ké wásu zakǎuo. 50 Tó n ɔadà ma nenɔɔowa ge tó n nɔ pǎleɔ sè ɔ, baa tó wá kú kǎ kǎio, ñyɔ dǎ sǎasǎ ké Lua mé wá yápi seelade ũ. 51 Ǿ Labā òè ɔ: Zɛɛ bee gwa ní gbɛ pó má pèle wá zānguo. 52 Aɔ de seela ũ ké másu a baa ví mà mɔma ní nòse pǎleoo, mé mpi rísu n a baa ví n mɔa ní nòse pǎleoo. 53 Ablahaŭ ní Nakɔɔo ní n maeo Lua mé a yágɔgɔwǎɛ. Ǿ Yakɔbu legbè ní Lua pó a mae Izaaki aà vía ví tóo. 54 A sa'ò gusísídeu we, ɔ à a gbéɔ sísi aa pɔble. Ké aa pɔblè, ɔ aa í we.

## 32

### *Yakɔbu gbéɔ zǎ Esauwa*

1 Labā fɛle kɔɔkɔɔ, à lezà a tɔ́ɔnaɔwa ní a néɔ, à samaa'òné, ɔ à èa tà a be. 2 Yakɔbu dàzeu, ɔ Lua malaikaɔ dǎaǎle. 3 Ké à ní é, à mè: Lua bɔon ke. Ǿ à tɔkpà gupie Maanaiŭ.\* 4 A gbéɔ zǎ aɛ a víi Esauwa Sei bùsu pó wí mɛ ɔ Edɔŭ bùsuu. 5 A ò a zǎnaɔne: A ge o ma dii Esauɛ aà zòblena Yakɔbu gɔɔplakè Labā

‡ 31:47 Bee mè gbè seelade ní Sili yáo. § 31:47 Bee mè gbè seelade ní Ebelu yáo. \* 31:49 Bee mè gudǎakli. \* 32:3 Bee mè bòo mèn pla.

be, àle su sa. <sup>6</sup> A oè má zuo ví n zàa'inao n são n bleo n zogẽeo n zonc̃eo. Máme ma á zĩ oiè, ké ma yá e kaaàgu.

<sup>7</sup> Ké zĩnapio èa sù Yakɔbuwa, aa m̀è: Wa ge n ṽii kíi, àle mo dair̃le n gb̃ẽon òaa plaɔ. <sup>8</sup> Via Yakɔbu kù, àle bílike maamaa, ò à gb̃é pò kuanɔɔ kpaalè lee pla n são n bleo n zuo n yiongoɔ à m̀è: <sup>9</sup> Tó Esau mò lèle a lee dowa, a lee do pò g̃ò a bɔ. <sup>10</sup> ɔ à wabikè Luawa à m̀è: Dii, ma dezi Ablahaũ n ma mae Izaakio Lua, n òm̃ee mà su ma be b̃usuu ma daeo kíi, n í èf̃aaike m̃ee. <sup>11</sup> N gb̃eke n náaiyão k̃em̃ee maamaae, ma beee i kao. Gɔɔ pò ma bua Yuud̃ewa yãa, lípana mé na ma ɔzĩ ado. Tiasa ma su n àizee lee plae beeo. <sup>12</sup> Ma wabikèma, ma si ma ṽiwa, asa mále víake ké à lélewá à ñeo n néo dede yáí. <sup>13</sup> Mpi s̃o n m̀è ñỹ òf̃aaike m̃ee, ñỹ ma bui káfi lán ísiale ũf̃aawa, wa f̃o naoo an dasi yáí.†

<sup>14</sup> Wekii ò Yakɔbu iu. Pò pò a plè à a ṽii gbaon ke: <sup>15</sup> Bleda òaa do, a sa bao, sãda òaa do, a sa bao, <sup>16</sup> yiongoda baakwi n ñ né ỹõminaɔ, zuda bla, a swana kwi, zàa'in da bao, a sa kwi. <sup>17</sup> A n ná a zikenaoñe n ɔzĩ bui n buio, ò a òné: Aɔ be ma ae, í gupua da á zãnguo gã n gão. <sup>18</sup> A ò gb̃é séiae: Tó ma ṽii d̃anle mé à n la à m̀è: Déme de n dii ũi? Nle gé má ni? Déme pò pò ñle dáe beeo ṽii? <sup>19</sup> Ní oè aà zòblena Yakɔbu pòe, pò pò à a dii gbà a kpàsãèon we, aàpi lé mó a kpé zéu. <sup>20</sup> A yá doupi ò gb̃ẽon plaadee n gb̃ẽon àaõdeo n p̃odãnao píi à m̀è: Tó a da Esaul̃e, à oè màa. <sup>21</sup> A oè aà zòblena Yakɔbu lé mó a kpé zéu. Asa aà làasoo guu à m̀è: Sema mà awakpaè n pò

† 32:13 Daa 28.14-15

pó d̀baameɛɔ, wí gbasa wesikõle. A gí gbãakpaimazi saa? <sup>22</sup> Gba d̀baaè, ɔ à g̀ò b̀ou gwá bee, à ì we.

### *Yakɔbu d̄ɛkaa ní Luao*

<sup>23</sup> A f̄ɛɛ gwãasina, à a nɔ gb̄ɛɔn plaɔ s̀ɛɛ ní a nɔ pó i m̄ɛsɛdilenéɔ gb̄ɛɔn plaɔ ní a n̄ḡɔɛ gb̄ɛɔn kuɛɔɔ, ɔ à bùarínɔ Yaboko isaaa. <sup>24</sup> Ké à bùarínɔ, ɔ à pó pó a v̄ɔ s̀ɛɛ bùaò píi. <sup>25</sup> Yakɔbu g̀ò ado, ɔ ḡɔɛ m̀ò lé d̄ɛkaaànɔ e gu ye d̄ɔi. <sup>26</sup> Ké ḡɔɛpi è á f̄ɔ aà n̄ɛɔ, à aà l̄è a gelewa, ɔ aà gele b̀òũ d̄ɛkaapi guu. <sup>27</sup> Ḡɔɛpi m̀è: Ma gbaɛ, asa gu lé d̄ɔɛ. ɔ Yakɔbu òè: Sema ñ báaadamagu bàasio, má n gbaɛo. <sup>28</sup> Ḡɔɛpi aà là à m̀è: N tón kpelewai? A w̄èwà à m̀è a tón Yakɔbu. <sup>29</sup> ɔ à m̀è: Wàli m̄n̄ɛ Yakɔbu l̄o, sema Isaili,‡ asa n d̄ɛkà ní Luao ní gb̄ɛnazinaɔ, ɔ n d̄ɛn̄è. <sup>30</sup> Yakɔbu òè: N n tó om̄ɛ s̄. A w̄èwà à m̀è: Bóyái níle ma tó lai?§ ɔ à báaadàaàgu we. <sup>31</sup> Yakɔbu t̄kpà gupie Penueli,\* asa à m̀è: Wa wesikõle ní Luao, mé ma gí má kú. <sup>32</sup> A b̀ò Penueli ìat̄ɛ bilea, àl̄ɛ t̄ɔl̄ɛ a gele ìa yái. <sup>33</sup> Ayãmeto e gbã Isailiɔ lí ǹò tikusiwa sóo, ké Lua Yakɔbu l̄è a tikusiwa yái.

## 33

### *Yakɔbu wesia Esaule*

<sup>1</sup> Ké Yakɔbu w̄ɛzù, a è Esau lé m̀ó ní gb̄ɛɔn òaa plaɔ. A a n̄ɛɔ kpaal̄è a naɔn̄ɛ ní a nɔ m̄n̄ pla pó i m̄ɛsɛdilenéɔɔ. <sup>2</sup> ɔ à a nɔ pó i m̄ɛsɛdilenéɔpiɔ gb̄àɛ aa d̄ɔaa ní ní n̄ɛɔ. Bee gbea Lea ní a n̄ɛɔ, ɔ Laseli ní Yosɛfuɔ t̄é ní kpe. <sup>3</sup> A d̀baané, à kùl̄ɛ t̄ɔl̄ɛ ḡɛn sopla e à g̀è kàò a v̄ìpi kíi. <sup>4</sup> ɔ Esau bàal̄è m̀ò dàaàl̄ɛ, à kùsiwa à ɔdà

‡ **32:29** Bee m̀è d̄ɛkaa ní Luao. § **32:30** D̄ɔa 13.17-18 \* **32:31** Bee m̀è Lua w̄é.

aa gàu à lepèwà, ã aa ɔ̀ɔ̀lò. <sup>5</sup> Ké Esau wezù, à nɔɔ ní néɔ è, ã à mè: Deɔ mé kunnɔ wei? Yakɔbu wèwà à mè: Né pɔ Lua ma gbaɔnɛ. <sup>6</sup> Ǿ nɔ pɔ i mɛsɛdilenéopio sɔ̀nzi ní ní néɔ, aa kùle. <sup>7</sup> Ǿ Lea ní a néɔ sɔ̀nzi sɔ̀, aa kùle. Bee gbea Yosɛfu ní Laselio sɔ̀nzi aa kùle. <sup>8</sup> Esau mè: Bó níle ke ní pɔ pɔ ma danléɔi? Yakɔbu wèwà à mè: Ké ma yá e kangu yáie. <sup>9</sup> Esau mè: Ma gbé, ma pɔɔ m̀à, ñyɔ n pɔɔ kũa. <sup>10</sup> Ǿ Yakɔbu mè: Aawo! N yá na! Tó ma yá kàngue, ma gba sí, asa wá wɛsiakɔle kèmmɛ lán wɛsiakɔle ní Luaowae, ã n gbãakpãmazi. <sup>11</sup> Gba pɔ má dànɛ si sa, asa Lua èfãaikèmmɛ, pɔɛ i késãao. Lá à nàɛwà màa, ã a sí.

<sup>12</sup> Ǿ Esau mè: Wà dazeu wà tá. Má dɔaanɛ. <sup>13</sup> Ǿ a wèwà à mè: Baa, ní dɔ́ ké néɔ yá zì'ũ, mé má sã ní zù yɔ̀minaɔ ví. Tó wa tá gbãa ò gɔɔ do, pɔɔ gaga píie. <sup>14</sup> Dɔaamɛ Baa, mapi n z̀blena, míɔ tɛ pɔɔ kpɛ ní néɔ busebuse e mà mɔ n le Sei. <sup>15</sup> Esau mè: Má a gbé kiniɔ tonno. Yakɔbu mè: Bóyái ni? N yá na Baa. <sup>16</sup> Zibeezì Esau dà Sei zéu. <sup>17</sup> Ǿ Yakɔbu gè Suko. A bekpà we mé à lákpɛɔ d̀ pɔɔnɛ. Ayãmeto wà tɔkpà gupie Suko.\*

<sup>18</sup> Ké Yakɔbu sù ní Mesopotamio, à kà wéle pɔ wí me Sikeũ, Kanaa bùsuu aafia, ã à b̀okpà wélepi sae. <sup>19</sup> A a b̀okpakii lù Sikeũ mae Amɔɔ néɔwa ánuɔu ɔ̀watɛ basɔ.† <sup>20</sup> Wekii à sa'okii b̀ou, à tɔkpàè Lua Isaili Lua.

## 34

### *Sikeũ kusia Dinawa*

\* **33:17** Bee mè lákpɛɔ. † **33:19** Yoz 24.32, Zaa 4.5

<sup>1</sup> Lea nenɔɛ Dina pɔ a ɪ n Yakɔbuo bɔ̀ bɔ̀supi nɔɛɔ gwai. <sup>2</sup> Ké bɔ̀supi kí Amɔɔ né Sikεũ, Ivi bui aà è, à kùsiwà, ɔ̀ à wùleaànɔ. <sup>3</sup> Aà pɔ dɔ wéndiapiwa, a yeaàzi, ɔ̀ à yá nana òè. <sup>4</sup> Ǿ Sikεũ ò a maeɛ: Nenɔɛna bee wεεlemεε mà sé. <sup>5</sup> Ké Yakɔbu mà wà a nenɔɛ kpεbò, aà néɔ ku sɛu n aà pɔɔ, ɔ̀ à n̄lε e aa sù. <sup>6</sup> Ǿ Sikεũ mae Amɔɔ gè Yakɔbu lè à yápi oè. <sup>7</sup> Ké Yakɔbu néɔ sù n s̄eɔ ḡɔ̀, aa yápi mà, ɔ̀ an nòse ò̀ɔkpà, an pɔ pà maamaa, ké Sikεũ yādɔɔsai kè Isailiɔne yáí, à wùlε n̄ Yakɔbu nenɔɛo, à yá pɔ de wà keo kè. <sup>8</sup> Ǿ Amɔɔ ònè à m̀: Ma né Sikεũ pɔ dɔ á nenɔɛwa. A yá na. A aà kpawà nɔ ũ. <sup>9</sup> Wà ledoūkε, w̄liɔ wá nenɔɛɔ kpásákɔwa. <sup>10</sup> Aɔ kúwanɔ, wá bɔ̀su kú á pɔ ũε. A z̄lεu, íb̄ laatau, íb̄ tɔ̀lε v̄í. <sup>11</sup> Ǿ Sikεũ ò Dina mae n̄ aà d̄aɔɔnε: A yá na. Pɔ pɔ á ò mà kpáwá, má kpaε. <sup>12</sup> A ànsueblebɔ̀ lé damεε z̄ɔ̀ n̄ gbaɔ dasidasi. Lá pɔ á ò, má kpaε. A nenɔɛpi kpaá.

<sup>13</sup> Ǿ Yakɔbu néɔ wè Sikεũ n̄ aà mae Amɔɔowa n̄ mɔafilio, ké Sikεũ n̄ d̄aε kpεbò yáí. <sup>14</sup> Aa ònè: Wá f̄ɔ̀ bee keo, wá f̄ɔ̀ wá d̄aε kpa gyafɔ̀dewao, asa beeá wiyāε wá k̄í. <sup>15</sup> Wá we á yáio, mé i ke a ḡɔ̀ lán wápiɔwa, á ḡɔ̀ t̄ɔ̀z̄̀ p̄íi bàasio. <sup>16</sup> Tó a t̄ɔ̀z̄̀, wá wá néɔ kpásáwá, wí á pɔɔ sε nɔ ũ, w̄iɔ kúánɔ, wí ḡɔ̀ bui doū ũ. <sup>17</sup> Ama tó i we wá yáio, mé i t̄ɔ̀z̄̀, wá wá d̄aε sε taðε. <sup>18</sup> Yápi kè Amɔɔ n̄ a né Sikεũoε na. <sup>19</sup> Ewaasopi yápi ḡ̀ḡ̀ kpakpa, ké Yakɔbu nenɔɛ yá kàaàgu yáí, mé a bεεε v̄í d̄er̄íla a mae bεdeɔ guu.

<sup>20</sup> Amɔɔ n̄ a né Sikεũo gè n̄ wéle b̄iibɔlεu, ɔ̀ aa yá'ò n̄ wéledeɔ aa m̀: <sup>21</sup> Gb̄épiɔ yāε v̄iwanɔ. Wà to aao kú wá bɔ̀suu, aao laatau, asa bɔ̀supi z̄ɔ̀, a mówá.

Wá ní nənɔɔ sé, wí wá pɔɔ kpámá. <sup>22</sup> Gbépiɔ sɔ̄ aa we wàò kúwanɔ ké wà gɔ̄ bui doũo, mé i ke wá gɔ̄ɔ wa tɔ̄z̄ lá ampɔɔwa wápii bàasio. <sup>23</sup> An pɔtuɔɔ ní ní àizɛɛ ní ní zuɔ pii a gɔ̄ wá pɔ̄ ũo lé? Wà weiné, ké aao kúwanɔ. <sup>24</sup> Wélepideɔ Amɔɔ ní a né Sikεũo yāmà, ɔ̄ gɔ̄ɔ tɔ̄z̄ m̄pii.

<sup>25</sup> A gɔɔ àaɔde z̄í, ké aa kú ní wāwāo mé aa kú ní yāe làasooɔo, Yakɔbu né gbēɔn plaɔ Simɔɔ ní Leviio, Dina v̄iɔ, an baade a fēnda sè aa s̄i wéleu, aa gɔ̄ɔ dède pii. <sup>26</sup> Aa Amɔɔ ní a né Sikεũo dède, ɔ̄ aa Dina se b̄òò Sikεũ kpéu aa tàò. <sup>27</sup> Wéledeɔ dedea gbɛa Yakɔbu néo m̄ò wéle pɔɔ nàaa, ké wà widà ní dāewa yáí. <sup>28</sup> Aa ní s̄aɔ ní ní bleɔ sèle ní ní zuɔ ní ní zàa'inaɔ, pɔ̄ pɔ̄ kú wéle guuɔ ní pɔ̄ pɔ̄ kú ní buaɔ pii. <sup>29</sup> Aa ní àizɛɛ sèle pii ní ní néo ní ní nɔɔ ní ní pɔ̄ kú ní beɔ pii.

<sup>30</sup> Ǿ Yakɔbu ò Simɔɔɔ ní Leviio: A gu òòkpámεε. Kanaaɔ ní Peliziɔ ní bùsu la buipáleɔ aao ye ma ḡiyāio. Lá wá dasio, tó aa liawázi mé aa s̄iwágu, aa ma de ní ma buiɔ piiε. <sup>31</sup> Ǿ aa wèwà aa mè: Ké à wá dāe d̄ile káalua ũ, bee maa yà?

## 35

### *Lua báaadaa Yakɔbugu Beteli*

<sup>1</sup> Lua yā'ò Yakɔbuε à mè: Fele ta Beteli, ní z̄ɔle we. Ma gbagbak̄i ke we, asa we ma b̄ou ma m̄oma gɔɔ pɔ̄ níle bàale n v̄iε.\* <sup>2</sup> Ǿ Yakɔbu ò a bedɛɔne ní gbé pɔ̄ kuanɔɔ pii à mè: A dii z̄ilo pɔ̄ á v̄iɔ kóle, í zu'o, í á p̄okasaɔ lile, <sup>3</sup> wí fele ta Beteli. Má Lua gbagbak̄i bo we, asa à d̄òmale ma taasikεgɔɔ, ìɔ kumanɔ gu pɔ̄

\* 35:1 Daa 28.10-22

ma geu pii. <sup>4</sup> Ǿ aa dii z̄ilo p̄o aa v̄io kpàwà ní swáli p̄o aa daaɔ, ̄o a v̄ile gbéneli p̄o kú Sikeũ sae gbáu. <sup>5</sup> Ké Yakɔbu ní a néo dàzeu, Lua tò v̄ia wéle káinadeɔ kù maamaa, ̄o gbēe i pélenzio. <sup>6</sup> Ǿ Yakɔbu ní gbé p̄o kuaànɔɔ pii kà Luzu p̄o w̄i me tia Beteli, Kanaa bùsuu. <sup>7</sup> A sa'okii b̄o we, ̄o à tokpà gupie Beteli Lua, asa wekii Lua b̄o à m̄duwà gɔɔ p̄o àle bàale a v̄ile. <sup>8</sup> Debolaa p̄o de Lebeka gwana ũ yāa gā wee, ̄o wà aà v̄i gbéneli gbáu Beteli sae. Ǿ wà tokpàè Ǿɔbliz̄i.

<sup>9</sup> Lua b̄o m̄o Yakɔbuwa lo aà sua ní Mesɔɔtamio gbea, à báaadàaagu <sup>10</sup> à mè: N tón Yakɔbu, āma w̄ali one Yakɔbu lo, w̄ali one sa Isailie. Maa à tokpàè Isaili. <sup>11</sup> Lua òè lo: Lua Gbāapiiden ma ũ. Aɔ ne'i àò káfí. Bui z̄o a b̄o n k̄ii, baa bui dasio, mé n buieɔ aao de k̄iao ũ. <sup>12</sup> Má bùsu p̄o má kpà Ablahaũ ní Izaakiowa kpama ní n buio n kpe. <sup>13</sup> Ǿ Lua f̄ele b̄o gu p̄o à yā'òèu. <sup>14</sup> Yakɔbu gbep̄ele gu p̄o Lua yā'òèu d̄ongubo ũ. A it̄òl̄ewà à n̄isikàwà. <sup>15</sup> Ǿ Yakɔbu tokpà gu p̄o Lua yā'òuepie Beteli.

### *Laseli ní Izaakio gaa*

<sup>16</sup> Ǿ aa f̄ele Beteli aa dàzeu. Ké aa kà k̄ai ní Eflatao, Laseli ne'igɔɔ kà, ̄o ne'i z̄i'ũkù. <sup>17</sup> Ne'iwāwā z̄o kù, ̄o n̄oe ne'ina òè: Nsu to v̄ia n k̄io, n neḡoe ì lo. <sup>18</sup> Laseli yèee v̄i lo, àle ga, ̄o à tokpà a népie Bēn̄oni, † ̄o aà mae tokpàè Bēyāmee. ‡ <sup>19</sup> Ké Laseli gā, wà aà v̄i Eflata p̄o w̄i me tia Beteleũ z̄eu. <sup>20</sup> Yakɔbu yād̄ongugbe p̄ele aà miawa. Laseli miagbepi ku we e ní a gbāo.

† 35:18 Bee m̄e ma taasi né. ‡ 35:18 Bee m̄e ɔplaa né.

<sup>21</sup> Isaili èa dàzeu, ò à bòokpà sādānao gugwakli kpele. <sup>22</sup> Goo pò a ku bùsupiu ò Lubeni gè ì ní Bila, Yakòbu nò pò i mèsedileèoo. Yakòbu yápi mà.

Yakòbu negõeo kuεplae. <sup>23</sup> Lea negõeo tón ke: Yakòbu yoa Lubeni, Simeo, Levii, Yuda, Isakaa, Zabuloni. <sup>24</sup> Laseli néon Yosefu ní Bëyãmeeo ù. <sup>25</sup> Laseli zónoe Bila néon Dã ní Nefatalio ù. <sup>26</sup> Lea zónoe Zilipa néon Gada ní Aseeo ù. Negõe pò wà ní í ní Yakòbuo Mesopotamion we.

<sup>27</sup> O Yakòbu kà a mae Izaaki kíi Mamale. A ku Kiliataaba pò wí me tia Heblõ sae, gu pò Ablahaù ní Izaakio zòleu. <sup>28</sup> Izaaki kà wè òaa do baosai, <sup>29</sup> à zikù táotao, ò à gà à zù a gbéoo guu, ò aà néo Esau ní Yakòbuo aà vî.

## 36

### *Esau buiò* (1Lad 1.34-37)

<sup>1</sup> Esau pò wí me lo Edoù buiò yán ke: <sup>2</sup> Esau Kanaa nòeo sè, Iti bui Eloni né Ada ní Ivi bui Ana né Oholibama, Zibeõ tòūnao. <sup>3</sup> A Isimaela né Basema, Nebaio dāe sè lo. <sup>4</sup> Ada Elifaza ìaàno, mé Basema Leueli ì. <sup>5</sup> Oholibama Yeusi ní Yalaño ní Kolao ì. Esau negõeo pò wà ní í Kanaa bùsuuon we.

<sup>6</sup> Esau a nao sèle ní a negõeo ní a nenoeo ní a bedeo píi ní a potuoò ní a àizee pò a è Kanaa bùsuuò píi, ò à gè Sei bùsuu, à zàkū ní a dāuna Yakòbuo, <sup>7</sup> asa an àizee zõ yá mé tò aa fõ wàò kú ní kōoo. Bùsu pò aa kuu i mó máo, ké an pòo dasi yái. <sup>8</sup> Esau zòle Sei bùsu gbèsiside pò wí me tia Edoù guu.

<sup>9</sup> Esau pò de Edoùo dezi séia ù buion ke: <sup>10</sup> Esau negõeo tón ke: Ada né Elifaza ní Basema né Leuelio.



11 Elifaza negḡeo tón ke: Temani, Omaa, Zefo, Gataũ, Kenazi. 12 Elifaza no pó i mése diléeo tón Timina. Ɔme Amaleki iaãno. Esau na Ada tũnaon we. 13 Leueli negḡeo tón ke: Naata, Zela, Sãma, Miza. Esau na Basema tũnaon we. 14 Esau na Ɔholibama negḡeo tón ke: Yeusi, Yalaũ, Kola.

15 Esau bui dezi káauo tón ke: Esau negḡe séia Elifaza bui dezi káauo tón ke: Temani, Omaa, Zefo, Kenazi, 16 Kola, Gataũ, Amaleki. Elifaza bui dezi káauo, Ada tũnaon we. Aa ku Edũ bũsuue. 17 Esau né Leueli bui dezi káauo Naata, Zela, Sãma ní Mizao. Leueli bui dezi káauo, Basema tũnaon we. Aa ku Edũ bũsuue. 18 Esau na Ɔholibama bui dezi káauo tón ke: Yeusi, Yalaũ, Kola. Ana né Ɔholibama tũnaon we. 19 Esau pó wĩ me lo Edũ negḡeon we, aã bui dezi káauone.

### *Sei bui*

*(1Lad 1.38-42)*

20 Sei, Oli bui pó kú Edũ bũsuu za káau negḡeo tón ke: Lotani, Sobala, Zibeõ, Ana, 21 Disõ, Ezee, Disã. 22 Lotani negḡeon Oli ní Emaũo ũ. Lotani dãe tón Timina. 23 Sobala negḡeo tón ke: Alavã, Manaata, Eballi, Sefo, Onaũ. 24 Zibeõ negḡeo tón Aya ní Anao. Anapi mé bõ nibõna wãawa gbãau goo pó àle a mae zãaĩnao dá. 25 Ana negḡe tón Disõ, aã nenõe tón Ɔholibama. 26 Disõ negḡeo tón ke: Emadã, Esebã, Ilana, Kelana. 27 Ezee negḡeo tón ke: Bilana, Zaavã, Akana. 28 Disã negḡeon Uzu ní Alanao ũ. 29 Oli bui dezi káauo tón ke: Lotani, Sobala, Zibeõ, Ana, 30 Disõ, Ezee, Disã. Oli bui dezi káauo ní bui pó kú Sei bũsuuon we.

31 Kia pó kpalablè Edũ bũsuu Isaili kĩaõ ãao tón ke: 32 Beoo né Bela, Dinaba gbé mé kpalablè

Edoũ káau. <sup>33</sup> Ké à gà, ẽ Zela né Yobaba, Bozela gbé kpalablè aà gbɛu. <sup>34</sup> Ké à gà, ẽ Temani bùsu gbé Usaũ kpalablè aà gbɛu. <sup>35</sup> Ké à gà, ẽ Bedada né Adada, Aviti gbé kpalablè aà gbɛu. Ɔme zìblè Madiãwa Mɔabu bùsuu. <sup>36</sup> Ké à gà, ẽ Maseleka gbé Samala kpalablè aà gbɛu. <sup>37</sup> Ké à gà, ẽ Leobo pɔ kú Uflata sae gbé Saulu kpalablè aà gbɛu. <sup>38</sup> Ké à gà, ẽ Akaboo né Baalanana kpalablè aà gbɛu. <sup>39</sup> Ké à gà, ẽ Pau gbé Adada kpalablè aà gbɛu. Aà na tón Metabeli, Malèdi née, Mezaaba tũnae.

<sup>40</sup> Esau bui dezi káau tón ke an buiwa an bùsu wa: Timina, Alava, Yeteti, <sup>41</sup> Ɔholibama, Ela, Pinɔ, <sup>42</sup> Kenazi, Temani, Mibizaa, <sup>43</sup> Magadie, Ilaũ. Edoũ dezi káau tón we wéle ní wéleò bùsu pɔ aa zòleu. Esau pɔ Edoũ dezi séia ũ buiɔn we.

## 37

### *Yosefu nana'oa*

<sup>1</sup> Yakɔbu ku Kanaa bùsuu, gu pɔ a mae zòleu. <sup>2</sup> Yakɔbu buiɔ yán ke: Yosefuá èwaasonae. Aà wè gẽo ní plaode guu ké àle são dá ní a v̄iɔ, aà mae naɔ Bila ní Zilipao néo, ẽ à yãvãi pɔ aa kè kɔmalekè a mae. <sup>3</sup> Isaili ye Yosefuzi de a né k̄iniɔla, ké à aà ì a zikũ guu yáí, ẽ à ulatao zòè. <sup>4</sup> Ké aà v̄iɔ è ní mae yeaazi deŋla, ẽ aa zàaàgu, aali we yãna òaànɔ.

<sup>5</sup> Yosefu nana'ò, ẽ a sèle siu a v̄iɔne, ẽ aa èa zàaàgu de a zia. <sup>6</sup> A ònè: A nana pɔ má ò ma. <sup>7</sup> Má è wále s̄eyeye bua, ẽ ma sè bàaa f̄ele zè. A pɔɔ liai, ẽ aa kùlè. <sup>8</sup> Ɔ aà v̄iɔ òè: Nle e n̄yɔ gɔ wá kía ũ nee? Nyɔ

ikokewá nɛɛ? ɔ aa èa zàaàgu de a zia nana pɔ a òpi yáí.

<sup>9</sup> Yosefu èa nana'ò ɔ, ɔ a sɛɛ sɪu a v̄iɔnɛ à mè: Ma ɛa nana'ò ɔ. Má è íatɛ́ ní mɔvuaɔ ní saana mèn kuɛdoɔ lé kúlekulemɛɛ. <sup>10</sup> A nanapi sɛɛ sɪu a maɛɛ ɔ, ɔ aà maɛ pàlawà à mè: Bɔtaa nana ní ò màai? Mapi ní n dao ní n v̄iɔ, níɛ e wá mɔ wúɛ n aɛ nɛɛ? <sup>11</sup> Aà v̄iɔ íisèaànɔ. Aà maɛ sɔ a nanapi yá k̄ua a s̄u.

<sup>12</sup> Aà v̄iɔ gè ní maɛ s̄aɔ dáí Sikɛũ. <sup>13</sup> ɔ Isailipi ò Yosefuɛ: N v̄iɔ lé s̄adā Sikɛũ nolo? Mɔ mà n zí ní kíie! A wèwà à mè: Má làa. <sup>14</sup> ɔ a òè: Gé n v̄iɔ gwai ní ní s̄aɔ, tó aa aafia, ní ɛa sumɛɛ ní a baoo. ɔ à aà gbàɛ, à b̄ò Hɛbl̄ɔ guzulɛu à gè Sikɛũ. <sup>15</sup> Alɛ liaaliaa s̄ɛu, ɔ ḡɔɛɛ kp̄aaũaànɔ à aà là à mè: Bó níɛ wɛɛɛi? <sup>16</sup> A wèwà à mè: Máɛ a v̄iɔ wɛɛɛɛ. Tó n ní s̄adādākii d̄ɔ, omɛɛ. <sup>17</sup> Gb̄ɛpi mè: Ké aa b̄ò lakii, má mà aa mè wàɛ gé Dotaniɛ. ɔ Yosefu p̄ɛɛnzi à ní lé Dotani.

<sup>18</sup> Ké aa aà è k̄aaa, e àò gé kái ní k̄ii, aa ɛkp̄aaiaazi aa mè wà aà de. <sup>19</sup> Aa òk̄ɔɛ: A gwa, nana'onki lé mó kee. <sup>20</sup> A to wà aà de sa, wí aà zu ɛɛ beɔ do guu, wí o wài mé aà sò. Wá e lá aà nanaɔ midɛ. <sup>21</sup> Ké Lubeni yápi mà, a ye à aà misi, ɔ à mè: Wásu aà deo. <sup>22</sup> Asu to au b̄owào. A aà zu ɛɛ beu guwaiwaiu la, ásu à aà deo. Lubeni òné màa, ké a ye à aà misi, í ɛa à aà kpa a maewa yáíɛ. <sup>23</sup> Ké Yosefu kà a v̄iɔ k̄ii, aa aà ula b̄aála, aà ulataopi. <sup>24</sup> ɔ aa aà sè wa zù ep̄iu. Epi da giie, a í v̄io. <sup>25</sup> ɔ aa z̄òɛ lé p̄oble. Ké aa wɛzù, aa Isimaɛla bui kyaamaɔ è, aa b̄ò Galada bùsuu, aalɛ gé Egipi. An yiongoɔ lí'ɔ ní ḡamalɛo ní tulaletio sea. <sup>26</sup> ɔ Yuda ò a gb̄ɛɔnɛ: Tó wa wá d̄auna dè, mé wa aà dea ùɛ, bó ài wá ei? <sup>27</sup> A to wà aà yía Isimaɛla

buipiɔwa. Wásu aà deo, wá dāuna nolo? Wá au doue. ɔ aà gbéɔ aà yāmà. <sup>28</sup> Ké Madiā laatanapiɔ lé gē, aa Yosefu gá wà bò eu, wà aà yia Isimaela buipiɔwa ánuɔu ɔwatē bao, ɔ aa gèaàno Egipi.\*

<sup>29</sup> Ké Lubeni sù epi kíi, i Yosefu e we bo, ɔ à a pokasao ga kèkē. <sup>30</sup> ɔ à gè a dāunao kíi à mè: Népi ku we bo. Má gé má ní beeo ni? <sup>31</sup> Aa blesana kù wa dè, ɔ aa Yosefu ulapi se màle a au guu. <sup>32</sup> ɔ aa aà ulataopi sè tàò ní maee aa mè: Pó pó wá èn ke. N né ula yà, ge aà pó no? <sup>33</sup> A dō, ɔ à mè: Ma né ulataoe, wai mé aà sò. Waiyoo, à ma né Yosefu tàitaie. <sup>34</sup> ɔ à a ulada ga kè, à zwànkasa se dò a pi, ɔ à a népi ɔ̀lò e'e'e. <sup>35</sup> Aà negɔe ní aà nenɔe m̀ aà ǹse níniè nípii, áma à gí wà a ǹse nínie à mè: Má a népi gaa ɔ̀lɔe e mà ge taò aà kíi bedau. ɔ àle búbuape a népi yá musu.

<sup>36</sup> Madiāpiɔ s̄ aa Yosefu yia Pɔtifaawa Egipi. Falaɔ̀ iwao doe, ɔme aà dbaiɔ gbēz̄ɔ̀ ũ.

## 38

### *Yuda ní Tamaao*

<sup>1</sup> Zibeezi Yuda b̀ a gbéɔ kíi, à gè z̀le Adulaũ gbé p̀ wí me Hila be. <sup>2</sup> Wekii ɔ à kpàaũu ní Kanaa búsu gbé p̀ wí me Sua nenɔe, ɔ à aà sè no ũ. <sup>3</sup> A n̄si à ne'í ḡe ũ, ɔ à t̀kpàè Ee. <sup>4</sup> A èa n̄si l̀, à neḡe í, ɔ à t̀kpàè Onani. <sup>5</sup> A èa neḡe í l̀, ɔ à t̀kpàè Sela. Goo p̀ a népi í, a ku Kezibu.

<sup>6</sup> ɔ Yuda n̄e p̀ wí me Tamaa sè a neḡe s̄ia Eee. <sup>7</sup> Ee kè Diie gbēv̄ai ũ, ɔ à aà dè. <sup>8</sup> ɔ Yuda ò Onanie: N n v̄i gyaa sé, ní buike n v̄ie lá wí kewa. <sup>9</sup> Ké

---

\* 37:28 Zin 7.9

Onani dō né pó á i n̄ a v̄i gyaa aɔ de a bui ũo, tó à wùleaàno, ì azia e bàasiε, ké asu buike a v̄iεo yái. <sup>10</sup> Yá pó àle kepi kè Diie íi, ñ à aà dè lo. <sup>11</sup> Ǿ Yuda ò a né gyaa Tamaae: Ge ñyō gyaable n mae be e ma né Sela zōkū. Asa àle e Sela a ga lá a v̄iowae. Ǿ Tamaa gè zòle a mae be.

<sup>12</sup> Ké a gɔɔ gègē, ñ Yuda na gà. Ké aà sō n̄ini, à dàzeu, àle gé a sākákēelenaɔ k̄i Timena ní a gbēna Adulaū gbé Hilao. <sup>13</sup> Ǿ wà a baokpà Tamaae wà mè: N zāde lé gé Timena a são kākēlei. <sup>14</sup> Ǿ à a gyaablepɔɔ wòlo, à pɔlgāu se kù a wéa, ñ à gè zòle Enaiū bɔleu Timena zéu. Asa a è Sela gbāakū mé wi a kpawà no ũo. <sup>15</sup> Ké Yuda aà è, ñ à aà ðile káalua ũ, ké à pɔkù a wéa yái. <sup>16</sup> Ǿ à s̄aàzi zé sae à mè: To mà wùlenno. I aà dō a né gyaa ũo. Ǿ nɔepi mè: Tó n wulemano, bó ñyō kpaai? <sup>17</sup> A wèwà à mè: Má a blenɔ do kpásāne. Ǿ à mè: Tòmadilemεe e ñyō gé kpásái. <sup>18</sup> Ǿ à aà là à mè: Bó tòoma mà dilenei? A mè: N n seelakebɔ ní a bao ní gopana pó ní kúao kpa. Ǿ a kpawà à wùleaàno, ñ à kè no ũ. <sup>19</sup> Ǿ nɔepi fèle tà be, à a pɔlgāu gò à a gyaablepɔɔ dà. <sup>20</sup> Yuda a gbēna Adulaū gbé z̄i ní blenɔ a tòomaboi nɔepi k̄i. Ké à kà, i aà eo. <sup>21</sup> Ǿ à wek̄iideɔ lala à mè: Káalua pó kú Enaiū zé sae la yāa ku má ni? Aa wèwà aa mè: Káalua ku lao fá! <sup>22</sup> Ǿ à èa tà, a ò Yudaε: Mi aà eo. Wek̄iideɔ mè wa káalua dō we yāa seo. <sup>23</sup> Ǿ Yuda mè: Aà pópio kúa. Wásu to gbéɔ wá yáalo. Ma n z̄i ní blepio, ni aà eo.

<sup>24</sup> Mò àaō gbεa wà mò wa ò Yudaε wà mè: N né na Tamaa káaluakà, ñ à nɔsí a káaluakaa guu. Yuda mè: A bɔaàno, wi tesōwà. <sup>25</sup> Ké wàle bɔaàno bàasi,

à lékpāsākè a zādee à mè: Gbé pò pòe beeo ví mé nòdòmágu. Seelakebo ní a bao ní gopanae beeo gwa, tó ní a de dō. <sup>26</sup> Yuda pópìo dō, ò à mè: Nòepi yá na demala, asa mi aà kpá ma né Selawao. Yuda i wúleaàno lóo. <sup>27</sup> Ké à kà ne'ia, à mò lè síao mé kú aà gbèe guu. <sup>28</sup> Goo pò àle ne'i, a gbēdo ɔ̀bò, ò nɔe ne'ina wɔ̀tēna dòwà à mè: Néé bee mé bò káau. <sup>29</sup> Ké népi a ɔ̀ sàaa, ò né plaade bò, ò nɔepi mè: N bò bùie fá! ɔ̀ wà tɔkpàè Pèlèzi.\* <sup>30</sup> Bee gbèa ké aà gbēdo pò wà wɔ̀tēna dò aà ɔ̀wapi bò, ò wà tɔkpàè Zela.†

## 39

### *Yosefu ní Pótifaa nao*

<sup>1</sup> Ké Isimaela buio kà ní Yosefuo Egipi, ò Egipi gbé Pótifaa aà lùmá. Falaɔ̀ iwao doe, òme aà dɔaio gbēzɔ̀ ɔ̀. <sup>2</sup> Dii kú ní Yosefuo, ò aà dae ní gòmio. A ku a dii Egipi gbépi be. <sup>3</sup> Aà diipi è Dii kuaàno, ò aà dae ní gòmio yá pò àle ke píi guu, <sup>4</sup> ò aà wegwà, à aà díle a be ziaa ɔ̀, à pò pò a ví píi nàè a ɔ̀zì. <sup>5</sup> Za goo pò à aà díle a be ziaa ɔ̀, Dii èfāaidà aà beu Yosefu yáí. Dii èfāaidà pò pò de aà pò ɔ̀gu píi, bepɔ̀on nò, buapɔ̀on nò. <sup>6</sup> ɔ̀ Pótifaa a pópìi nà Yosefue a ɔ̀zì. A yāe kàa vío, mé i ke bleblea bàasio. Yosefu sɔ̀ gō kefenae, mé aà zea maa.

<sup>7</sup> Ziewa ò Yosefu bíi gè a dii nagu, ò a òè: Wúlemanɔ̀. <sup>8</sup> ɔ̀ à gí à mè: Gwa, ma dii yāe kàa ví be la lóo, à pò pò á vío nàmeɛ ma ɔ̀zì píie. <sup>9</sup> Aà iko demala ua lao, tó n baa gè, i gimɛɛ ní pɔeoo, ké ní de aà no ɔ̀ yáí. Má fɔ̀ yāvāi bee taa ke mà duunake

\* **38:29** Bee mè à bò bùi. † **38:30** Bee mè ténzoizoi.

Luaee? <sup>10</sup> Baa ké nɔɛpi ɪɔ oè ɔɔɔpii, i we wùleaàno, a ye àɔ kuaàno seo.

<sup>11</sup> Ziewa ké Yosefu gè kɔ́ɛu zíkɛi, à mo lè uazíkɛnae ku beo. <sup>12</sup> ɔ nɔɛpi aà kù a ulawa à mè: Wùlemanɔ. ɔ Yosefu a ula tòè we, à bàalè bò bàasi. <sup>13</sup> Ké nɔɛpi è à a ula tòè à bàalè bò bàasi, <sup>14</sup> ɔ à uazíkɛnaɔ sɪsi a òné: A gwa, wà mòwɛɛ ní Ebeluo, ɔ àlɛ dɔ́ɛwanɔ. A gèmazɪ wùleimanɔɛ, ɔ ma wiidòwà. <sup>15</sup> Ké a è ma wiidòwà, ɔ à a ula tò kálea ma sae, à bàalè bò bàasi. <sup>16</sup> ɔ nɔɛpi ulapi kàlɛ a sae. Ké Yosefu dii sù, <sup>17</sup> ɔ aà nɔpi òè à mè: Ebelu zo pɔ n suowɛɛ dɔ́ɛmanɔ, à gèmazɪ. <sup>18</sup> Ké ma wiidòwà, ɔ à a ula tò kálea ma sae, à bàalè bò bàasi. <sup>19</sup> Ké nɔɛpi yápi siu a záɛ à mè lá n zo kèmmɛn we, aà pɔ pà maamaa. <sup>20</sup> ɔ à mè wà Yosefu kù wà dakɔɛu, gu pɔ kía dakɔɛunaɔ káleu, ɔ à ɔɔɔplakè we.

<sup>21</sup> N beeo Dii kuaàno à gbèkɛkèè, a tò aà yá kà dakɔɛunaɔ dɔ́ɛnanagu. <sup>22</sup> ɔ gudɔ́ɛnanapi dakɔɛunaɔ nà Yosefue a ɔzi píi, wili yáɛ ke aà saio. <sup>23</sup> Dakɔɛunaɔ dɔ́ɛnanapi líɔ yáɛ kàa ví Yosefu musuo, ké Dii kuaàno, mé ɪɔ aà dae ní ɔmìo yá pɔ àlɛ ke píi guu.

## 40

### *Yosefu dakɔɛunaɔ nana bɔ́lɛkɛa*

<sup>1</sup> Bee gbɛa Egipiɔ kí Falaɔ vɛɛbɔ́lɛna ní a pɛɛkenao kèaàno íi. <sup>2</sup> Aà pɔ pà a ìwa gbɛɔn plapiɔzi, aà vɛɛbɔ́lɛnaɔ kía ní aà pɛɛkenao kíaɔ. <sup>3</sup> ɔ à ní kákɔɛu a dɔ́aio gbɛzɔ́ɔ be, kɔ́ɛ pɔ wà Yosefu dàu. <sup>4</sup> Dɔ́aio gbɛzɔ́ɔpi Yosefu dílɛ aà laaidɔ́má.

Aa ɔɔɔplakè kɔ́ɛu we. <sup>5</sup> Gwáasin dou Egipiɔ kía vɛɛbɔ́lɛna ní pɛɛkenapio nana'ò mípla mípii, baade ní

a p̄oo ní a àsiò. <sup>6</sup> Ké Yosefu mò ní gwai k̄oo, a è an ká gà. <sup>7</sup> Ǿ à ní lá à mè: Bó yá mé tò á oosisia gbáí? <sup>8</sup> Aa wèwà aa mè: Nana ǿ wá ò, gbēe ku la ké à a àsi'owēeo. Ǿ a òné: Lua mé nana àsi b̄ooe d̄so lò? A á nanapiò dau à siumee. <sup>9</sup> Ǿ vēebolenao kía a p̄o òè à mè: Ma nana guu ma vēeli è ma sae. <sup>10</sup> Vēelipi ḡon àaōe. A labò à vukè, à ne'í à mà. <sup>11</sup> Má Falaō imib̄o k̄ua, ǿ ma vēebepio sè má f̄e aà imib̄opiu, má kpàwà. <sup>12</sup> Yosefu òè: Nanapi àsin ke: Liḡon àaōpióá ḡoo àaōe. <sup>13</sup> Ḡoo àaō gb̄ea Falaō a n misi. A ea n da n z̄i guu, ní ea ñȳo vēebolèè, lá niò ke yāawa. <sup>14</sup> Tó yá b̄onno na, to ma yá àò d̄ngu. Gbēkekemeē, ní ma yā'o Falaōe, ké ñ e ñ ma b̄o kp̄ee bee guu. <sup>15</sup> Asa wà ma k̄u kp̄ái za Eb̄eluo b̄usuue, mé baa Egipi la mi yāe ke à kà wà ma da ee bee guuo.

<sup>16</sup> Ké p̄ekenao kía è Yosefu nanapi àsi'oa b̄ò ní vēebolenao na, ǿ a òè: Ma nana guu s̄o má è má p̄ee sea gbí àaō diakōa. <sup>17</sup> Gbí p̄o kú musu, kàa bui dasi p̄o má kè Falaōe ka a guu, ǿ b̄ao lé ble ma musu. <sup>18</sup> Yosefu òè: A àsin ke: Gbí àaōpióá ḡoo àaōe. <sup>19</sup> Ḡoo àaō gb̄ea Falaō a n mi z̄o a n loo líwa, b̄ao i n ble.

<sup>20</sup> A ḡoo àaōdeá Falaō izi dikp̄ee, ǿ à blekè a ñwaone. A vēebolenao kía ní p̄ekenao kiao b̄ole kp̄eu a ñwaò wáa. <sup>21</sup> Ǿ à èa vēebolenao kía dà a z̄iu, aà ea aàò vēebolēe. <sup>22</sup> Ǿ à p̄ekenao kía lòo líwa, lá Yosefu ní nanaò àsi'ònéwa. <sup>23</sup> Kásile Yosefu yá i d̄o vēebolenao kíagu bo, aà yá s̄aaague.

## 41

*Yosefu Falaō nana b̄olekea*



1 Wè b́úu pla gbea Falaṣo nana'ò a è á zea Niilile.  
 2 A è zuda maa mekpaaṣ b̀le swapi eu mèn soplá, aale sē ble dàna guu. 3 Ǿ à zuda f́f́f́a wòúwòúṣ è soplá ló. Aa b̀ swa'eu, aa be a séiaṣ kpe, aa zè ní sae swale. 4 Ǿ zù f́f́f́a wòúwòúpiṣ zù maa mekpaaipiṣ m̀m̀m̀, 5 Falaṣo vù.

5 A èa gè ní io, 5 à nana'ò ló. A è ése sáo maa weḍe pía éseli doúwa sáo soplá. 6 Ǿ à ése sáo wén ála'alana ṕ lou'i kèsámáṣ è, à pía ní gbea ló sáo soplá. 7 Ǿ ése sáo wén ála'alanapiṣ ése sáo maa weḍepiṣ m̀m̀m̀. Ké Falaṣo vù, a è nana á ò.

8 Ké gu d̀, làasoo gèaàgu, 5 à Egipi màsokenaṣ ní wezēnaṣ sisi pii. A a nanaṣ sèle siuné, kási an gbēe i f̄ à a àsi'òè. 9 Ǿ v̄ebolenáṣ kía f̄le yā'ò Falaṣo è m̀: Tàae ṕ má kè yāa d̀magu gbā. 10 Kí, n p̀ p̀ n z̀blenaṣzi yāa, 5 n ma dakpeu n d̄aiṣ gbēz̄ṣ be s̄anu ní p̄ekenaṣ kía. 11 Gwāas̄in doú wa nana'ò, wá baade ní a ṕo ní a àsio. 12 Ebelu èwaasoe kúwanaṣ we, n d̄aiṣ gbēz̄ṣ z̄e. Ké wa wá nanaṣ sèle wá siuè, 5 à wá baade ṕ àsi'òè. 13 Yápiṣ kè lá a òwēewa. N ea n ma da ma z̄iu, 5 n p̄ekenaṣ kíapi lòo líwa.

14 Ǿ Falaṣo gbé z̄i Yosefu sísii, 5 wá gè aà b̀ kpéu kpakpa. A mibò à a p̀kasaṣ líle, 5 à gè Falaṣo kíi. 15 Ǿ Falaṣo òè: Ma nana'ò, kási gbēe i f̄ a àsi'òm̄eṣo. Má mà wá m̀, tó wa òne, ni f̄ ò a àsi'oné. 16 Yosefu òè: I ke m̄m̄eṣo, Lua mé a a àsi'one kí. 17 Ǿ Falaṣo òè: Ma nana guu má è má zea Niilile. 18 Má è zuda maa mekpaa mèn sopláṣ b̀le swa'eu, aale sē ble dàna guu. 19 Ǿ ma zuda páleṣ è ló mèn soplá, aa f́f́f́a wòúwòú, mi zù f́f́f́a bee taṣ e Egipi la yāao. 20 Ǿ zuda f́f́f́a wòúwòúpiṣ zù mekpaa séia

mèn soplapio mòmɔ. <sup>21</sup> Baa ké aa ní mɔmɔ, aa gĩ fěfěa lá aa dewaε, gběe a dō ké aa ní mɔmɔ seo. Ǿ ma vu. <sup>22</sup> Nana guu ɔ má è, ése sáo maa wεde sáo sopla b̀ èseli douwa. <sup>23</sup> Ǿ má è, ése sáo teena wén ála'alana p̀ lou'i kèsámáɔ b̀ an gbεa ɔ sáo sopla. <sup>24</sup> Ǿ ése sáo wén ála'alanapio ése sáo wεdepio mòmɔ. Ké má ò m̀sokεnaɔnε, an gběe i f̄s̄ à a àsi'òmεεo.

<sup>25</sup> Ǿ Yosefu òè: Kí, nana p̀ ní òpio àsi douε. Lua yá p̀ á ye ke òɔnεε, kí. <sup>26</sup> Zù maa mèn soplapioá wè soplaε, mé ése sáo wεde sáo soplapioá wè soplaε. Nanapio àsi douε. <sup>27</sup> Zù fěfěa wòũwoũ mèn sopla p̀ b̀le aa be a séiaɔ kpepioá wè soplaε. M̀aa ése sáo wén ála'alana p̀ lou'i kèsámá sáo soplapio de ɔ. Bee mé wè sopla p̀ imina a kau ũ. <sup>28</sup> Lá má ònε tiawa kí, ma m̀ Lua lé yá p̀ á ye ke ɔɔnεε. <sup>29</sup> Blewena aɔ di Egipi gupiiu maamaaε e wè sopla. <sup>30</sup> Bee gbεa imina i ka e wè sopla, k̀aa gbāapi yá i s̄a Egipioɔ. Iminapi a to b̀usu ble mide. <sup>31</sup> Imina p̀ a m̀pi aɔ p̄s̄i maamaaε, k̀aa gbāapi yá a d̄o gbēegu ɔo. <sup>32</sup> Kí, lá ḡen pla n nanapi ò, bee m̀ Lua mé dile m̀aa. A ke tiaε, a sea v̄io. <sup>33</sup> Tiasa kí, ōn̄ode wεzēna wεεε ñ dile aàɔ de gbāade ũ Egipi. <sup>34</sup> Kí, gb̄éɔ dile ziiá ũ Egipi, aàɔ p̀wena s̄ode k̀aaa wè sopla p̀ p̀wenaɔ diupi guu. <sup>35</sup> Aa ble k̀aaa wè maa p̀ lé m̀oɔ guu, aai p̀wena ká d̄o guu w̄εε ní w̄éleo ní n t̄o, aaiɔ d̄á. <sup>36</sup> Tó imina p̀ a ke wè soplapi k̀a Egipi, blepi iɔ de k̀s̄ua ũ, ké iminapi su Egipio dedeo yáí.

### *Yosefu kpalablea Egipi*

37 Yápi kà Falaṣṣogu ní a ìwao píi, 38 ṣ a ònè: Gbèè beeá Lua Nisínadeε. Wá gbèe e laaàwa be? 39 ጋ a ò Yosefuε: Lá Lua tò n yá beeṣ dṣ píi, ṣnṣde wezēnae ku lanwao. 40 Mmε nýṣṣ de ma ua gbēzṣṣ ũ, ma gbéṣṣ iṣ misileneε mípii. Báa mé a to màṣ denla ado. 41 ጋ à èa òè: Nyṣṣ iko ví Egipi bùsu gupiiwae. 42 ጋ à tãana seelakeṣṣ bṣ a ṣwa, a dà Yosefuε a ṣwa, à bàabaa ula dàè, à vua yàbaa dàè a nṣε.\* 43 A a sṣgo plaade kpàwà bebeṣṣ ũ, ṣ gbé pṣ dṣaaaεṣ ìṣ pala: A kúle! A kúle! Beewa Falaṣṣò tò Yosefu iko ví Egipi bùsuwa. 44 A òè lṣ: Mámεmaa Falaṣṣò, gbèe a fṣ yáe ke Egipi la n lé saio. 45 ጋ à tṣkpàè Zafena Panaε, ṣ à Eliṣṣṣli wéle sa'ona Potifela nenṣena Asena kpàwà nṣ ũ.

46 Gṣṣ pṣ Yosefu zṣ sè Egipiṣ kí Falaṣṣò be, a wè baakwi ví. ጋ à bṣ Falaṣṣò kíi, à gè bebei Egipi gupiiu. 47 Kãa gbãa ku e wè sṣpla, blewena di maamaae. 48 ጋ Yosefu ble pṣ di Egipi wè sṣplapiṣ kãaakãaa wéle ní wéleṣ kṣsṣa ũ, wéle píi ní azia pṣo. 49 A pṣwena kãaa zṣṣzṣṣ lán ísiale ũfãawa, ṣ wà zè a yṣyṣae, asa wa fṣ a lé dṣo.

50 E imina àṣ gé kái Yosefu na Potifela né Asena neḡṣε ì pla. 51 Yosefu tṣkpà a yoae Manase† à mè: Lua tò ma mae bedeṣ ní ma taasikeao yá sãmagu píi. 52 ጋ à tṣkpà a plaadeε Eflaiũ‡ à mè: Lua tò ma ḡṣ nede ũ bùsu pṣ wà ma wetãu.

53 Ké kãa gbãa pṣ kú Egipi wè sṣplapi lé kà, 54 ṣ wè sṣpla pṣ imina kàu dàale lá Yosefu òwa. Imina kà bùsu ní bùsuo píi, ãma ble di Egipi gupiiuε. §

\* 41:42 Dan 5.29 † 41:51 Bee mè sãngu. ‡ 41:52 Bee mè nede.

§ 41:54 Zin 7.11

<sup>55</sup> Ké nɔana gè Egipiɔgu p̄ii, aa wiilè Falaɔɔwa aà ble kpámá. ɔ a òné p̄ii: A gé Yosefu k̄ii, lá a oé í ke. <sup>56</sup> Imina li bùsupila p̄ii, ɔ Yosefu d̄ɔ wèwè, à p̄wena ȳia Egipiɔwa, ké imina gbāakù ní bùsuu ȳái. <sup>57</sup> ɔ gbéɔ̀ b̄ò d̄únia guu p̄ii aa m̄ò Egipi p̄wena l̄úii Yosefuwa, asa imina gbāakù d̄únia guu p̄iiε.

## 42

### *Yosefu v̄iɔ m̄ɔa ble l̄úii Egipi*

<sup>1</sup> Ké Yakɔbu mà p̄wena kú Egipi, a ò a néɔne: Aɔ kálee la p̄a yà? <sup>2</sup> Má mà p̄wena kú Egipi. A ge lúwèe we, ké wásu gagao, w̄iɔ ku aafia.\* <sup>3</sup> ɔ Yosefu v̄ii gbéɔ̀n kw̄iɔ gè Egipi p̄wena l̄úii. <sup>4</sup> Yakɔbu i Yosefu d̄auna Bēyāmeε z̄ínɔɔ, asa à m̄è: W̄liɔ d̄ɔ tó yāv̄ai s̄u aà lè s̄ò be. <sup>5</sup> ɔ Isaili népiɔ gè p̄wena l̄úii ní gbēp̄aleɔ, asa iminapi kà Kanaa bùsuu s̄òε.

<sup>6</sup> Yosefu mé bùsupi gbēz̄ɔ̀ ɔ̄. ɔme ì p̄wena ȳia gbēpiiwa. ɔ aà v̄iɔ m̄ò k̄uleè, aa ní mi p̄èe. <sup>7</sup> Ké à a v̄iɔ è, à ní d̄ɔ̀, ɔ à az̄ia k̄ené nib̄ɔ̀ ɔ̄. ɔ à yā'òné p̄āsi p̄āsi à ní lá à m̄è: A b̄ɔ má ni? Aa wèwà aa m̄è: Wa b̄ɔ Kanaa bùsuu, wa m̄ɔ ble l̄úiiε. <sup>8</sup> Yosefu a v̄iɔ d̄ɔ̀, k̄asi aai aà d̄ɔ̀. <sup>9</sup> Nana p̄ó a ò yāa an yā musu† d̄àaagu, ɔ a òné: Z̄āmadeɔ̀n á ɔ̄, a m̄ɔ wá bùsu asiigwaie. <sup>10</sup> Aa wèwà aa m̄è: Aawo Baa! N z̄òblenaɔ̀n wá ɔ̄, wa m̄ɔ ble l̄úiiε. <sup>11</sup> Dedoudeɔ̀n wá ɔ̄ wápii. Náaideɔ̀n wá ɔ̄. Wápiɔ n z̄òblenaɔ̀n, z̄āmadeɔ̀n wá ɔ̄. <sup>12</sup> ɔ a òné: Egeε! A m̄ɔ wá bùsu asiigwaie. <sup>13</sup> Aa m̄è: Wápiɔ n z̄òblenaɔ̀n, dedoudeɔ̀n wá ɔ̄, wá gbéɔ̀n kuεplae. Kanaa bùsu gbéɔ̀n wá ɔ̄. Wá d̄auna gè be ní wá

\* **42:2** Z̄ln 7.12 † **42:9** Daa 37.5-10

maeo, wá gbědo kuo. <sup>14</sup> Ǿ Yosefu ònẹ́: Lá má òéwa, zāmadeɔn á ũ. <sup>15</sup> Pó pó a to mà á yá síana dōn ke: N Falaɔ b́aaao á bɔle lao, sema á dāunapi mò la bàasio. <sup>16</sup> A á gbědo zí á dāunapi séi, á gbé ḱiniɔ gō dakpɛunaɔ ũ lae, mí dō tó á yáá síanae. Tó màa no, n Falaɔ b́aaao zāmadeɔn á ũ. <sup>17</sup> Ǿ à n ká kpéu e gɔɔ àaɔ. <sup>18</sup> A gɔɔ àaɔde zí a ònẹ́: Má Lua vía ví. A yá pó má òé ke, í bɔ aafia. <sup>19</sup> Tó náaideɔn á ũ, à á gbědo to da kpéu la, á gbé ḱiniɔ í tá n pówenaɔ á bɛde nɔandenaɔne, <sup>20</sup> í ea mɔmɛe n á dāunapio, mí dō ké á yáá síanae, mé wa á dede bo. Ǿ aa wèi màa.

<sup>21</sup> Aa òkɔe: Síanae t́aaedeɔn wá ũ yá pó wá kè wá dāunae ýaa yáí. Wá è gɔɔ pó àle awakpawɛe, à kè wènaũ, ɔ wi aà ýamao. Bee yáí yáe bee wá léi. <sup>22</sup> Ǿ Lubeni ònẹ́: Ké má òé ásu ýae ke nɛpiɛo, i ma ýamao, aà au to ɔ Lua lé síwá ke. <sup>23</sup> Aa dō Yosefu lé mao, asa ké à yá'òné, wa sèle síunée. <sup>24</sup> Ǿ à gò n ḱii, à ge ɔɔlò. Ké à sù, à yá'òné, ɔ à Simeɔ b̀ò n guu, à mɔkàwà n wáa. <sup>25</sup> Yosefupi mè wà pówena káné n sakiliɔ pai, wi n baade ɔa dauè, wi zé kùsūa kené. Ké wa kènè màa, <sup>26</sup> aa n pówenaɔ dī n zàa'inaɔne, ɔ aa d̀azeu.

<sup>27</sup> Ké aa kà gu pó aale iu, ké an gbědo a sakili pòlo à pó kpá a zàa'inaawa, ɔ à a ɔa è a sakiliu. <sup>28</sup> Ǿ a ò a gbéɔne: A ma sakili guu gwa, wà ma ɔa s̀aamɛee! Ǿ s̀ò k̀èngu, aa òkɔe n lualuaɔ: Bó yá Lua k̀ewɛe màai? <sup>29</sup> Ké aa kà n mae ḱii Kanaa bùsuu, aa yá pó n lé sèle siuè píi aa mè: <sup>30</sup> Bùsu gbězɔɔpi yá'òwɛe p̀asip̀asi, à wá díle zāmadeɔ ũe. <sup>31</sup> Wá òè náaideɔn wá ũ, zāmadeɔn wá ũo. <sup>32</sup> Dedoúdeɔn wá ũ, wá gběɔn

kuεplae, wá gbēdo kuo, wá dāuna gò Kanaa būsuu ní wá maeo. <sup>33</sup> Ǿ būsuu gbēzǝpi òwēe à mè, pó pó a to à wá dō náaideo ũn ke: A mè wá wá gbēdo toano, wí blewena se taò wá bede noandenaone, <sup>34</sup> wí εa moe ní wá dāunao, í dō sa ké zāmadeon wá ũo, náaideon wá ũ, í wá gbēdo kpáwá, wío laata būsuiiu.

<sup>35</sup> Ké aale pówena bole ní sakilio guu, an baade a ošǝ è a pó guu. Ké aa ní ošo è màa, via ní kú mpii ní ní maeo. <sup>36</sup> Ǿ an mae òné: A ye mà gō nésai yá? Yosefu kuo, Simeo kuo, o á ye Bēyāmeε sia lo? Yápii lé boμεε vāie. <sup>37</sup> Ǿ Lubeni ò a maeε: Tó mi sunεaano, ma negōε plaaò dede. N aà kpaá, má sunεaano. <sup>38</sup> Ǿ Yakobu mè: Ma né a géano, asa aà vīi dadoude ga, ome gò ado. Ma zikù. Tó yāe sù aà lè tá pó ále o guu, a to mà ta miau ní pōsiaoε.

## 43

### *Yosefu vīio εa gea Egipi ní Bēyāmeεo*

<sup>1</sup> Imina pāsí kù Kanaa būsuu. <sup>2</sup> Ké aa pówena pó aa bòo Egipi blè à làa, an mae òné: A εa gé pówena lúu yoò lo. <sup>3</sup> Ǿ Yuda òè: Gbépi òwēe sáasāe à mè, tó wá dāuna kúwanoo, wásu to wá wesikōleo. <sup>4</sup> Tó nýō wei wá dāuna géwanoo lé, wá gé ble lúine. <sup>5</sup> Tó ni wei sōo, wá geo, asa gbépi òwēe, tó wá dāuna kúwanoo, wásu tó wá wesikōleoε. <sup>6</sup> Ǿ Isaili mè: Bóyāi a íadāa á ò gbépie á dāuna vīi? <sup>7</sup> Aa wèwà aa mè: Aàpi mé yālālawá ní wá bedeo yáo. A mè: A mae ku e tiaa? A dāuna via? Yá beeo musu o wá wèwà. Wá dō yāa a me wá mó ní wá dāunao yá? <sup>8</sup> Ǿ Yuda ò a maeε: To népi gemano. Wá fele gé gōoε ké wápio ní mpio ní

wá néo wásu gagao yáí, wíó ku aafia. <sup>9</sup> A gè ma yá ũe. Ma azía wēni díle aà pó gbeu. Tó mi suneaàno aafiao, má gō n taaede ũe. <sup>10</sup> Tó wi seake yāao, dō wa ge a gēn plaadei, wa ea su. <sup>11</sup> Ō an mae òné: Lá maae, à yáe bee ke. A wá bùsu pōmaaō se ká á sakiliō guu, í ge gbépi gba. A gāmae sé yoo ní zó'io yoo ní lí'oo ní tulaletio ní gōōōo ní sío. <sup>12</sup> A gé ní ōao lee pla, í ōa pó wa dàé á sakiliō guu soaané. Tó wá zāwàn nò, á dōo. <sup>13</sup> A á dāuna sé, í ea gé gbépi kíi. <sup>14</sup> Lua Gbāapiide to gbépi wēnadōé, i á gbēdo ní Bēyāmeeo gbae aa suáno. Mapi sō, tó Lua ma néo síae, a sian we.

<sup>15</sup> Aa pó pó wa ge wà aà gbapi sèle ní ōao lee pla ní Bēyāmeeo, aa fēle gè Egipi, ō aa gè Yosefu kíi. <sup>16</sup> Ké Yosefu Bēyāme e ní guu, a ò a be ziaae: Gé ní gbéé beeō ma be. Nòo de n keke, asa gbépio pōblemano fāanaae. <sup>17</sup> Ziiapi yá pó Yosefu dàe kè, àle géńno aà be. <sup>18</sup> Ké wàle géńno Yosefu be maa, vía ní kú aa mè: Ōa pó wa dà wá sakiliō guu yāa yámé tò wá mōwanō la. Aa ye kusiwá aa wá né, aai wá kúkū zōō ũ, aa wá zàa'inaō sélee. <sup>19</sup> Ké aa kà Yosefu be kpēele, aa sò aà ziiapizi aa mè: <sup>20</sup> Mae, n yá na! Wa mō la káau ble lúie. <sup>21</sup> Ké wa ka gu pó wále iu, wa wá sakiliō pòlo, ō wá baade a ōa è a sakiliu kyáukyau. Ō wa suò ke. <sup>22</sup> Wa mō ní o páleo ké wá ble luò. Wá dō déme ōapi dà wá sakiliō guuo. <sup>23</sup> Ziiapi mè: Asu bilikeo, ásu to vía á kūo. Á Lua, á mae Lua mé ōapi dàé á sakiliō guu. A ōa ma kíi lè. Ō à Simēo bòné. <sup>24</sup> Ziiapi gēńno Yosefu ua, à í kpámá aa zu'od, ō à sē kpà ní zàa'inaōwa. <sup>25</sup> Ō aa pó pó wa Yosefu gbapi yákèke e

aàᵛ gé sui fãane, asa aa mà wà m̀è wa p̀oble wee.

<sup>26</sup> Ké Yosefu sù be, aa aà gbà p̀ó p̀ó wà m̀òopi, aa wùle t̀òle aà ae. <sup>27</sup> A ní aafia gbèa, ò à m̀è: A maezi p̀ó a aà yã'òpi gbãáó? A ku e gbãa? <sup>28</sup> Aa wèwà aa m̀è: Wá mae n z̀òblena gbãa, a ku e tia. Ǿ aa kùlèè aa wùle ní gbèeu. <sup>29</sup> Yosefu wesè à a dāuna dadoũde Bëyãmee gwà à m̀è: A dāuna p̀ó a aà yã'òmèepin laa? Ǿ a ò Bëyãmeee à m̀è: Lua báaadangu. <sup>30</sup> Ké à a dāuna gwà, aà p̀ò k̀èna z̀òᵛ, a ye óᵛᵛ, ò à g̀è kpea ní wāao, à óᵛᵛ we. <sup>31</sup> Ké à oopi, ò à b̀ò à azia kúkũa, à m̀è wà m̀ó ní bleo.

<sup>32</sup> Wà ble ðilèè ado, ampio nítxe, Egipi p̀ó aa kuaànᵛ nítxe ᵛ, asa Egipiᵛ lí p̀oble ní Ebeluᵛᵛ, aali yāaleńᵛᵛ. <sup>33</sup> Wà ní z̀ólez̀òle aà ae lá wà ní í aa t̀ètek̀iwa, za neg̀õe s̀éiawa e an g̀õzãnawa, ò aa le'èle, aa k̀õ gwàgwa. <sup>34</sup> Ǿ wà ble p̀ó kú Yosefu ae kpaalèné. Bëyãmee p̀ó z̀òᵛ de gbé k̀iniᵛ p̀óla lee s̀o. Ǿ aa p̀oblè wà imiãànᵛ e wà k̀ã.

## 44

### *Anusu imibᵛ daa sakiliu*

<sup>1</sup> Yosefu ò a be ziaae: P̀ówena káka gbépiᵛne ní sakiliᵛ pai, lá aa f̀õ sé léu. Baade òa daè a p̀ówenaa sakiliu, <sup>2</sup> ní ma ánuusu imibᵛ se ñ da an dāuna sakiliu ní aà p̀ówena òao. Ǿ a k̀è lá Yosefu òewa. <sup>3</sup> Ké gu ðè g̀òᵛ, wà ní gbáe ní ní z̀àa'inaᵛ. <sup>4</sup> E aao gé kái z̀à, ò Yosefu ò a ziaae: Fèle péleńzi. Tó ní ní lé, ñ ní la b̀óyãí aa maa fiab̀ò ní vãioi? <sup>5</sup> B̀óyãí aa ma ta p̀ó mi imið, mi màsokèð s̀è kpáii? Oné aa tàækè.

<sup>6</sup> Ké à ní lé, à yápi òné, <sup>7</sup> ò aa wèwà aa m̀è: Mae, àkea ní ò màai? Kúku! Wápiᵛ n z̀òblenaᵛ, wá f̀õ yá



bee taa kee? <sup>8</sup> Ɔa pɔ wá è yāa wá sakilio guu, wi ea suone bɔa za Kanaao lé? Wá fɔ ánuusu ge vua se kpáí n dii bea? <sup>9</sup> Mae, wá gbé pɔ n è aà kíi, ade gàe, wápii wí gɔ n zɔɔ ũ. <sup>10</sup> A mɛ: Tɔɔ, aà ke lá á òwa. Gbé pɔ wa è aà kíi, a gɔ ma zɔ ũe, á gbé kínió í gɔ tàaesai. <sup>11</sup> Ɔ an baade a sakili pila a pòlo gɔɔ. <sup>12</sup> Ɔ ziiapi n sakilio yèe. A dàale an vɛi pɔwa e à gè kàò an dāuna pɔwa, ɔ à imibɔpi è Bēyāmee pɔ guu. <sup>13</sup> Aa n ulaɔ ga kèkè, ɔ an baade a aso yè a zàa'inae, aa èa gè wéleu. <sup>14</sup> Ké Yuda n a gbéɔ kà Yosefu be, aa aà lè we, ɔ aa wùle tɔɔle aà ae. <sup>15</sup> A òné: Bóyái á kè màai? A dɔ ké ma taa lí màsokεo lé? <sup>16</sup> Yuda wèwà à mɛ: Baa, wá one kpelewa ni? Wá yāe oa vɛi. Kpelewa wá fɔ wázia bɔyāui? Lua wá dɔ tàaedεɔ ũe. Baa, wa gɔ n zɔɔ ũ sa wápiiε, i ke gbé pɔ wà imibɔpi è aà kíi ado no. <sup>17</sup> Ɔ Yosefu mɛ: Kai! Má fɔ bee keo. Gbé pɔ wà imibɔpi èwà mé a gɔ ma zɔ ũ, á gbé kínió í ea ta á maewa aafia.

### *Yuda wabikea Yosefuwa Bēyāmee*

<sup>18</sup> Ɔ Yuda sɔaàzi à mɛ: N yá na Baa! To mapi n zòblena mà yá'one. Nsu to n pɔ pamazio Baa, asa n sáa n Falaɔɔe. <sup>19</sup> Baa, n wá lá yāa tó wá mae ge dāuna vɛi. <sup>20</sup> Ɔ wa mɛ wá mae zikù, mé wá dāuna kú lɔ, wá mae aà í a zikū guue. Népi vɛi dadoude gà, ɔme gɔ ado, mé wá maepi yeaàzi maamaae. <sup>21</sup> N ò wápiɔ n zòblenaone wá aà se mɔone, ké n e n wesiààle. <sup>22</sup> Baa, wá òne népi a e go a maewao. Tó à gòwà, maepi a gae. <sup>23</sup> Ɔ n òwèe, tó wá dāunapi i mɔwanɔ, wásu tó wá wé ke síiɔ. <sup>24</sup> Ké wa ta wá maewa, wa n yá'òè. <sup>25</sup> Ɔ wá maepi mɛ wà ea gé

ble lúí yɔɔ bo. <sup>26</sup> Wa m̀è, mé i ke wá dāuna kúwanɔ̀ b̀aasio, wá f̃̄ geo, asa tó a kúwanɔ̀, wá wé a ke síiɔ̀. <sup>27</sup> Ǿ wá maepi òw̄ē, wá d̄ó ké a napi nē̄l m̀èn plaε. <sup>28</sup> Ké ado b̀ò a bε, i aà e bo e gbã. A m̀è wài mé aà sò. <sup>29</sup> A m̀è tó wà né m̀endoε bee síwa, mé yāv̄ai gè aà lè sa, lá a zikù, wá tó à ta miau n̄ p̄osiaoε. <sup>30</sup> Tiasa, tó ma ta ma maewa, mé aà népi kúwanɔ̀, maepi a gaε, asa aà p̄ò d̀ò népiwaε. <sup>31</sup> Tó i népi e wá guuo, wá maepi a ta miau a zikū guu n̄ p̄osiaoε. <sup>32</sup> Ma azia kpà ma maewa népi ḡē ũε, ma m̀è tó mi suèaànɔ̀, má ḡò aà tàaede ũε. <sup>33</sup> Baa, n yá na! To mà ḡò n̄ z̄ò ũ népi ḡē ũ, i tá n̄ a v̄iò, <sup>34</sup> asa tó népi kumanɔ̀, má f̃̄ ta ma maewao. Má f̃̄ w̄ēna p̄ó a ke aà yá musu gwao.

## 45

### *Yosefu azia ɔ̀ba a v̄iòne*

<sup>1</sup> Yosefu i f̃̄ a ǹse suumpà gbé p̄ó kú weɔ̀ne bo, ɔ̀ à p̀una à m̀è: Gbé p̄ó kú laɔ̀, à b̄ole píi! Ké gb̄ē ku we bo, ɔ̀ à azia ò̀b̄ a v̄iòne sa.\* <sup>2</sup> Ale ɔ̀b̄ gbáugb̄au e Egipiò mà, mé Falaɔ̀ b̄edeɔ̀ a baomà. <sup>3</sup> Ǿ a ò a gbépiòne: Mámema Yosefu. Ma mae ku e tiaa? Ǿ gili ḡèngu, aai f̃̄ wèwào. <sup>4</sup> Ǿ Yosefu ò̀né: A s̄mazi. Ké aa s̄aàzi, ɔ̀ à m̀è: Mámé má á dāuna Yosefu p̄ó á ȳa, wà s̄uaànɔ̀ Egipi la ũ. <sup>5</sup> Tiasa ásu tó á p̄ò yao. Ásu tó á ǹse ò̀kpa ma ȳaa yá musuo, asa gb̄éɔ̀ misia yáí ɔ̀ Lua ma d̄aaíé la. <sup>6</sup> Imina kaa b̀usuu la wè plaaden ke. Wa e sapao, wa e p̄okekeo e wè s̄o. <sup>7</sup> Lua tò ma d̄aaé ké wá bui e b̄o aafia b̀usuu laε,

\* 45:1 Zln 7.13

mí á misi maamaa mà á suaba. <sup>8</sup> I ke áme a ma zì lao, Luaε. A ma dile Falaᵔᵔ ledamade ũ, àà be ziia ũ, Egipi gupii gbēzᵔᵔ ũ. <sup>9</sup> A ke kpakpa à gé wá mae kíi, í oè àà né Yosefu mē Lua a dile Egipi bùsu gbāade ũ. Àà su ma kíi la gᵔᵔ, <sup>10</sup> ío kumano kái, i zᵔle Gosē bùsuu ní a néo ní a tᵔūnao ní a sᵔo ní a bleo ní a zuo ní pᵔ pᵔ a vᵔo píi. <sup>11</sup> Máᵔ àà gwa la, asa imina ao ku e wè soo be. Tó màa no, ààpi ní a bedeo ní pᵔ pᵔ a vᵔo mide píie. <sup>12</sup> Apio ní Bēyāmeεo, a wesie ké mapi ma Yosefu máme mále yā'oe. <sup>13</sup> A gawi pᵔ má vᵔ Egipi la yā'o ma mae ní yá pᵔ á èo píi, í ge à àà se suᵔmeε la kpakpa. <sup>14</sup> A vᵔ lᵔo a dāuna Bēyāmeε nᵔe, à sólò, ᵔ Bēyāmeε sólò àà kùe sᵔ. <sup>15</sup> ᵔ à lepèpe a vᵔiowa píi ní oᵔbo. Bee gbea àà vᵔiᵔ lé faaiboaànᵔ.

<sup>16</sup> Ké Yosefu vᵔiᵔ moa bao lí Falaᵔᵔ bea, à kèè na ní a ìwao. <sup>17</sup> ᵔ a ò Yosefue: O n vᵔiᵔne aa ní aso ye ní zàa'inaᵔne, aa fele gé Kanaa, <sup>18</sup> aa ní mae sé ní ní bedeo, aa suᵔno ma kíi la. Má Egipi bùsu gumaa kpámá, aaiᵔ namableu. <sup>19</sup> Oné lo aa Egipi zugoᵔ se an néfēnenao ní ní nᵔeo yái, aai ní mae se suaànᵔ. <sup>20</sup> Aasu láasooke pᵔ pᵔ aa to weᵔwao, asa Egipi gumaa a gᵔ ní pᵔ ũe.

<sup>21</sup> ᵔ Isaili népiᵔ kè màa. Yosefu zugoᵔ kpámá lá Falaᵔᵔ òwa. A zé kùsūa kèné lo. <sup>22</sup> A ní gbá uladaᵔ nípii, mé à Bēyāmeε gbà ánuᵔu oᵔwatē òaa do ní basoo ní uladaᵔ mèn soo. <sup>23</sup> A Egipi pᵔmaao kpāsā a mae zàa'ín aso kwi ní pᵔwenao ní bleo zàa'ín aso kwi a mae zé kùsūa ũ. <sup>24</sup> Ké à ní gbáe à mē: Ásu lekpaake zéuo! ᵔ aa tà.

<sup>25</sup> Aa bᵔ Egipi, ᵔ aa kà Kanaa bùsuu ní mae Yakᵔbu kíi. <sup>26</sup> Aa òè: Yosefu béε e tia, ᵔme Egipi bùsu gbēzᵔᵔ

ũ. Ɔ maepi kè sáii, i sio. <sup>27</sup> Ɔ aa yá pó Yosefu òné òè p̄ii. Ké Isaili zugo pó Yosefu gbàe a séib è, Ɔ aà làasoo dàdoũ sa, <sup>28</sup> Ɔ à mè: Ké bee mò! Ma né Yosefu b́ée e tia. Má gé mà wesiààle e mào gaε.

## 46

### *Yakɔbu taa Egipi ní a néo*

<sup>1</sup> Isaili dàzeu ní pó pó a v̄io p̄ii. Ké à kà Beeseba, à sa'ò a mae Izaaki Luawa. <sup>2</sup> Ɔ Lua b̀ò m̀òwà wé̄pungu'ea guu gwá à mè: Yakɔbu! Yakɔbu! A wèwà à mè: Má ké! <sup>3</sup> Ɔ à mè: Mámema Lua n mae Lua. Nsu bílike Egipi gea yá musuo, asa we má n bui káflu maamaa. <sup>4</sup> Má genno Egipi, mí su ní n buio. Asa Yosefu gbá íȳo gaa.

<sup>5</sup> Ɔ Yakɔbu f̄le Beeseba. Aà néo aà dà zugo pó Falaɔo gbàe aà séi guu ní ní néo ní ní noεo. <sup>6</sup> Aa ní p̄otuoɔ ní àizeε pó aa è Kanaa bùsuuo s̄le tàò Egipi. <sup>7</sup> Yakɔbu tà we ní a neḡɔεo ní a nen̄oεo ní a t̄ũnao m̄pii.\* <sup>8</sup> Isaili pó tà Egipio tón ke: Yakɔbu ní a neḡɔεo.

Yakɔbu neḡɔεe séia Lubeni. <sup>9</sup> Lubeni neḡɔεo tón ke: Anoki, Palu, Ez̄no, Kaami. <sup>10</sup> Simeo neḡɔεo tón ke: Yemuε, Yamini, Oada, Yak̄, Zohaa ní Saulu pó a í ní Kanaa noεoo. <sup>11</sup> Levii neḡɔεo Gees̄o, Keata ní Melalio. <sup>12</sup> Yuda neḡɔεo tón ke: Eε, Onani, Sela, Pelezi ní Zelao, āma Eε ní Onanio gà Kanaae. Pelezi néon Ez̄no ní Amuluo ũ. <sup>13</sup> Isakaa neḡɔεo tón ke: Tola, Puva, Yasubu, Simel̄ni. <sup>14</sup> Zabul̄ni neḡɔεo tón ke: S̄ledi, Eloni, Yalee. <sup>15</sup> Neḡɔεe pó Lea ní í ní Yakɔbuo Mes̄opotamion we. Ɔme nen̄oεe pó w̄i me Dina í lo. An buipio p̄ii gb̄eon baakwi ní àāoεe.

\* **46:7** Zln 7.15

16 Gada negḡeo tón ke: Zefḡ, Agi, Suni, Ezebḡ, Eli, Alodi, Aleli. 17 Asee negḡeo tón ke: Imena, Iseva, Isevi, Belia ní ní dāe Selao. Belia negḡeon Ebēe ní Malakieo ũ. 18 Labā mé Zilipa kpà Leawa. Bui pó a kè ní Yakḡbuon we. Aa gbḡon gḡo ní mēndooe.

19 Yakḡbu na Laseli néon Yosefu ní Bēyāmēeo ũ. 20 Yosefu Manase ní Eflaiūo í Egipi ní a na Asena, Eliopoli wéle sa'ona Potifela néoe. 21 Bēyāmēe buio tón ke: Bela, Bekēe, Asebe, Gela, Naamani, Ehi, Losi, Mupiū, Hupiū, Aada. 22 Bui pó Laseli kè ní Yakḡbuon we. Aa gbḡon gḡo mēndosaie.

23 Dā negḡen Husiū ũ. 24 Nefatali negḡeo tón ke: Yazieli, Guni, Yezēe, Sileū. 25 Labā mé Bila kpà Laseliwa. Bui pó a kè ní Yakḡbuon we. Aa gbḡon soplae.

26 Yakḡbu bui pó à tànnḡo Egipion we. Aa gbḡon bàāḡḡo ní mēndooe, àà né naḡ bàasi. 27 Ké Yosefu ne'í Egipi gbḡon pla, ḡ Yakḡbu bui pó tà weḡ kè gbḡon bàāḡkwi.†

28 Yakḡbu Yuda zī àà dḡaae Yosefu kíi, àà Gosē bùsu zé ḡbè. Ké aa kà we, 29 ḡ Yosefu gè a sḡgou, à gè dai a maele we. Ké à àà lè, à vī kúsiwà, à ḡḡḡ àà gàu e'e'e. 30 ḡ Isaili ò Yosefue: Lá ma wesinle má è ní kú e tia, tó má fḡ mà ga sa.

31 Yosefu ò a vīḡne ní a de beḡeḡ: Má ge o Falaḡḡe ma vīḡ ní ma de beḡe pó kú Kanaa bùsuuḡ sù ma kíi. 32 Má oè sādānaḡn á ũ, pḡdeḡn á ũ, mé a mḡ ní á sḡo ní á bleḡ ní á zuḡ ní pó pó á vīḡ píie. 33 Tó Falaḡḡo á sisi, mé à á lá bó zī i kei, 34 à oè pḡdeḡn á ũ za á èwaasogḡḡ e ní a gbāo lá á deziḡwa. Tó á òè màa, ḡ á e zḡle Gosē bùsuu, asa Egipió lí kḡtesi ní sādānaḡo.

† 46:27 Zin 7.14

## 47

*Isailio zōlea Egipi*

<sup>1</sup> Yosefu gè yá'ò Falaōe à mè: Ma v̄iō bō Kanaa būsuu ní ní s̄āō ní ní bleō ní ní zuō ní pó pó aa v̄iō píi, aa mō Gosē būsuu. <sup>2</sup> Ō à a v̄iō sè gbēōn sōo, à ní ɔlō Falaōe. <sup>3</sup> Falaō ní lá à mè: Bó z̄i i kei? Aa wèwà aa mè: Wápiō n zòblenaō, sādānaōn wá ũ lán wá deziōwa. <sup>4</sup> Ō aa òè: Wa mō zōlei būsua la gōplaē, asa imina t̄ō Kanaa būsuaē, sē ku ké wá s̄āō bleo. Wápiō n zòblenaō, wá gba zé wà zōle Gosē būsuu. <sup>5</sup> Ō Falaō ò Yosefue: Lá n mae ní n v̄iō sù n kíiē, <sup>6</sup> ñ ní kále Egipi gumaau. Aa zōle Gosē būsuu. Tó laaideō kú ní guu, ní ma pōō nané ní ɔz̄i.

<sup>7</sup> Ō Yosefu a mae Yakōbu sè ge òlō Falaōe. Ō Yakōbu samaa'òè. <sup>8</sup> Falaō aà là à mè: N ka wē ũmai? <sup>9</sup> A wèwà à mè: Ma kua dúniau lán nibōwa wē basoolokwin la. Ma wē i ka ma deziō pōwao, mé a taasi ví. <sup>10</sup> A samaa'ò Falaōe lō, ñ à gò aà kíi.

<sup>11</sup> Yosefu a mae ní a v̄iō kále Egipi būsua gumaau, à ní gbá būsua pó Lamese de a mēwia ũ, lá Falaō òwa. <sup>12</sup> Yosefu ble kpà a maewa ní a v̄iō ní a mae bēdeō píi ua ní uao an dasileu.

*Imina pásikua*

<sup>13</sup> Imina pásí kù, ble ku gueio. Egipiō ní Kanaao yèēe làa. <sup>14</sup> Lá wàle pōwena lú, Yosefu ña pó kú Egipi ní Kanaao sí píi, à t̄àò Falaō bē. <sup>15</sup> Ké Egipiō ní Kanaao ña làa, Egipiō mō Yosefu kíi m̄pii aa mè: Ōa kú lō, wá gba pōblea. Nsu to wá gaga n wáao. <sup>16</sup> Yosefu mè: Lá á ña v̄iō, à mó ní á pōtuō, mí ble kpáwá a musu. <sup>17</sup> Ō aa mō Yosefue ní pōtuō, ñ à

pówena kpámá sǔǔ ní sǎǎo ní bleo ní zuo ní zàa'inao musu. Wē bee à pówena kpámá ní potuoos musue.

<sup>18</sup> Ké wē bee gē, ǔ aa mò aà kǐi a wē sǎa aa òè: Baa, wá fǔ yāe uleneo. Ja làa mé wá potuoos gǔn pǒ ũ. Pɔe i gǔ wà kpamao, wápiǒ ní wá buao bàasio. <sup>19</sup> Nsu to wà gaga n wáa ní wá buao. Wá lú ní wá buao, ní fiabo ní bleo, wí gǔ Falaǔo zɔo ũ, wápiǒ ní wá buao. Wá gba pɔbui ké wásu gagao, wíǒ ku, mé wá buao su gǔ tàaa ũo. <sup>20</sup> Ǔ Yosefu Egipi buao lù Falaǔoe píi, asa Egipiǒ baade a bua yía, ké nɔana ní kú gbāa yáie, ǔ bùsu gǔ Falaǔo pǒ ũ. <sup>21</sup> Yosefu Egipiǒ sǐ zɔo ũ píi za ní bùsu léla ní a léleo. <sup>22</sup> Ama i sa'onao buao luo, asa Falaǔo ðile aàǒ ble kpámá gɔɔpiie. Lá aa kú ní ble pǒ Falaǔo ì kpámáǒ, aai ní buao yíao.

<sup>23</sup> Ǔ Yosefu ò gbéɔne: Ma á lú ní á buao sa, a gǔ Falaǔo pǒ ũe. Pɔbui ke, à ge tǔ. <sup>24</sup> Pɔkekegɔo àliǒ a lee sɔode kpa Falaǔowa, a lee síiǔ kǐni i gǔé pɔbui ní bleo ũ. Aliǒ bee ble ní á néǒ ní á bedeo píi. <sup>25</sup> Ǔ aa mè: N wá mǐsie. To wàǒ nanno Baa, wí gǔ Falaǔo zɔo ũ. <sup>26</sup> Ǔ Yosefu yáðile Egipi à mè, buapó lee sɔode aliǒ de Falaǔo pǒ ũe. Yápi ku e ní a gbǎo. Sa'onao nítēe, an buao mé i gǔ Falaǔo pǒ ũo.

### *Yakɔbu ledilea a néɔne*

<sup>27</sup> Isailiǒ ku Gosē bùsuu Egipi. Aa nízia tɔɔle ví we, ǔ aa ne'í aa kǎfi maamaa. <sup>28</sup> Yakɔbu kè wē gēo ní plao Egipi, aà wē píi basoplasɔo ní plaoe. <sup>29</sup> Ké à kà gaa, ǔ à a né Yosefu sísi a òè: N yá na! Ma wēnagwa! N n ɔda ma gbala taau, ní gbēke ní náaio yá kemee. Nsu ma ví Egipio. <sup>30</sup> Tó ma zu ma dezio guu, ma ge se bɔǒ Egipi la, ní ma ví ma dezipio mia'eu. Ǔ a òè:

Má yá pò ní ò kene. <sup>31</sup> Ǿ Yakɔbu mè: Legbẽmee. Ké à legbèè, ǿ Yakɔbupi kùle Luae a lii mizi.

## 48

### *Yakɔbu báadaa Eflaiũ ní Manaseogu*

<sup>1</sup> Gɔɔpla gbea wa ò Yosefue aà mae lé gyáke, ǿ à a né gbẽɔn plaɔ Manase ní Eflaiũo sèle gèrĩnɔ. <sup>2</sup> Ké wa ò Yakɔbue aà né Yosefu mò aà gwai, à kɔaikè à fèle zòle a lii musu. <sup>3</sup> A ò Yosefue: Lua Gbãapiide bɔa Luzu,\* Kanaa bũsuu, à báaadámagu, <sup>4</sup> a òmɛɛ á tó mà ne'i maamaa, í ma káfi mà gɔ buiɔ dezi ũ, í bũsupi kpa ma buiɔwa ma kpe an pò ũ e gɔɔpii. <sup>5</sup> Tiasa né gbẽɔn pla pò n ní í Egipi zadɔ mi mɔ n kíiɔá ma pɔɔne. Eflaiũ ní Manaseo gò ma néɔ ũ lán Lubeni ní Simeɔowae. <sup>6</sup> Né pò nyɔ ní i an gbeaɔ mé aao de n pò ũ, aai ní túbi e ní v̄iɔ kíi. <sup>7</sup> Asa ké mále su ní Mesopotamio, n da Laseli gà zéu Eflata pò w̄i me tia Beteleũ léi Kanaa bũsuue, ǿ ma aà v̄i zéu we.†

<sup>8</sup> Ǿ Isaili Yosefu néɔ gwà à mè: Deɔn wei? <sup>9</sup> A ò a mae: Né pò Lua ma gba laɔn we. Ǿ Isaili mè: Mórĩnɔ ma kíi mà sa'olekené. <sup>10</sup> Zikũ Isaili wé liaa, àle gu'e maaɔ, ǿ Yosefu s̄aàziĩnɔ. Isaili lepèpemá à ní kpá a kùe, <sup>11</sup> ǿ a ò Yosefue: Mále e yáa má wesinle bo, ǿ Lua tò ma n e ní n néɔ bo. <sup>12</sup> Yosefu ní gó a mae gbáa, ǿ à kùlèè à a mipèle. <sup>13</sup> Ǿ Yosefu a néɔ kù mípla nípii. A Eflaiũ kù ní ɔplaaɔ Yakɔbu ɔzeɛ oi, ǿ à Manase kù ní ɔzeɛo Yakɔbu ɔplaa oi, ǿ à s̄aàziĩnɔ. <sup>14</sup> Ǿ Yakɔbu a ɔ p̄k̄ɔa à ɔplaa ná Eflaiũ pò de d̄auna

\* **48:3** Daa 28.13-14 † **48:7** Daa 35.16-19



ũ miwa, à ɔzεε nà Manase pó de yoa ũ miwa. <sup>15</sup> Ǿ à sa'olekè Yosefuε à mè:

Lua pó ma deziɔ Ablahaũ ní Izaakio tɛ̀aàzi,

Lua pó d̀̀aamεε ma kua guu e ní a gbão,

<sup>16</sup> aà Malaika pó ma bɔ vâi pii guu,

aà báaada néε beeɔgu,

aà to wàɔ ní sisi ma tówa,

ní ma deziɔ Ablahaũ ní Izaakio tóo,

aà to aao kɔ maamaa d̀̀unia guu.

<sup>17</sup> Ké Yosefu è a mae a ɔplaa nà Eflaiũ miwa, i keè

nao. A a mae ɔ kù ké à go Eflaiũ miwa à na Manase

pówa, <sup>18</sup> à mè: M̀̀aa no Baa, gbéε bee mé yoa ũ. N n

ɔplaa na aà miwa. <sup>19</sup> Ǿ aà mae gi à mè: Má d̄̄, má

d̄̄. À̀pi s̄̄ a ḡ̄ bui ũ, ao z̄̄ɔ, ̄̄ama aà d̄̄una z̄̄ɔ ao

d̄̄eà̀lae, aà bui ao dasi. <sup>20</sup> Zibeezi ̄̄ à sa'olekèné‡ à mè:

Isailiɔ samaa'ok̄̄ε ní á tóo

aa mε Lua to n̄ ḡ̄ lán Eflaiũ ní Manaseowa.

M̀̀aa à Eflaiũ d̀̀aa Manaseε.

<sup>21</sup> Ǿ Isaili ò Yosefuε: Ma ka gaa, ̄̄ama Lua ao

kúánɔ, i ea táánɔ á deziɔ bùsuu. <sup>22</sup> Sikeũ pó má si

Am̄̄leɔwa ní ma f̄̄endaɔ ní ma sáo, ma n gba n v̄̄iɔ

gbεuε.‡

## 49

### *Yakɔbu sa'olekea a néne*

<sup>1</sup> Yakɔbu a néo sisi, ̄̄ à mè: A k̄̄aaamazi, mí yá pó a á le gbεz̄̄a oé.

<sup>2</sup> A k̄̄o k̄̄aaa ma néo, à swákpa,

í á mae Isaili ȳ̄ama.

<sup>3</sup> Lubeni ma yoa, ma gbãa,

---

‡ 48:20 Ebe 11.21 § 48:22 Z̄̄aa 4.5

ma gɔ̃sake né séia,  
 n gawi ní n ikoo de ní gbéɔla.  
 4 N pásí lán ísɔ̃wa,  
 kási n̄yɔ̃ deńlao,  
 asa n dede n da n mae wúlekíia,  
 n gbadà ma nɔ̃ dowae.\*  
 5 Simɛɔ ní Leviiio mé kɔ̃gbɛɔ ũ,  
 aa pásí ní fɛ̃ndao.  
 6 Ma lé kú an lekpaai guuo,  
 ma bàa kúrnɔ̃.  
 Asa aa gbéɔ dède ní pɔ̃kúmao,†  
 aa zuɔ̃ kizá z̄z̄ lán k̄ɔ̃ yáwa.  
 7 Lua láaikemá ní pɔ̃kúma z̄ɔ̃ yái,  
 aà lekene ní pɔ̃fɛ pásí yái.  
 Má ní k̄ekɔ̃wa Yakɔ̃bu buiɔ̃ guue,  
 mí ní buiɔ̃ fāaa Isailiɔ̃ guu.  
 8 Yuda, n gbéɔ n sáaukpa.  
 Nyɔ̃ n ibeɛ kú ní n̄de,  
 n mae néɔ kúlɛɛ.  
 9 Yuda de lán n̄ɔ̃musuwa.‡  
 Ma népi ì su ní toekao,  
 ì gae ì wúle a tòou.  
 Déme a f̄ɔ̃ aà vui?§  
 10 Kpala a go Yudalao,  
 aà buiɔ̃ mé aao lípana k̄ua  
 e kpalade à̄ m̄ó,  
 bui píi i misiilèè.  
 11 A a zàa'ina dɔ̃ v̄ɛliwa,  
 a a zàa'in né ye v̄ɛli maawa.  
 V̄ɛ aɔ diaàziɛ, iɔ̃ p̄ó píò,

\* 49:4 Daa 35.22 † 49:6 Daa 34.25 ‡ 49:9 Zia 5.5 § 49:9  
 Nao 24.9

io a ula pí ní v̄ēbe'io.

12 V̄ē a aà wé t̄ākū,  
v̄i i aà swaa puakū.

13 Zabuloni aɔ ku ísia sae,  
aà bùsu aɔ de gó'ilenadɔɔkii ũ.

Aà buio bùsu lén Sidō léu.

14 Isakaa de lán zàa'in gbāawa,  
io wúlea asoɔ zānguo.

15 Tó aà buio è an kámabokii maa,  
mé an bùsu na,  
aa koo ní aso zíēē, aai zɔzikené.

16 Dã a a gbéɔ yágɔgɔ a zéwa,  
aɔ de Isaili buio do ũ.

17 Dã buio aao de lán ml̄é pó kú zé léwa,  
lán sògbalawa zéwewena sae.

Aa s̄ó só a koewa,  
s̄ode i boléle kpaanla.

18 Dii, ma wé dɔnzi ñ ma suaba.

19 Gada buio s̄ó, zīgɔɔ ānamá,  
kási aali péleńziē.

20 Aseē buio bléá blē nísidee,  
blē pó de kía blē maa ũ ñ aali ke ní bùsuu.

21 Nefatali buio de lán banawa s̄eu,  
aa né kefenao i.

22 Yosefu buio de lán lí ne'ina pó kú nibɔna saewa,  
aà ḡɔnao fele da ḡia f̄ɔɔ.

23 Kázunaɔ íbeleser̄no,  
aa ní yá ní kao.

24 Aao ní sá k̄ua deesai  
Yakɔbu Lua Gbāade sabai,  
an ɔ gbāa mé a ḡoi v̄i  
Isailio Gbe pó ñ d̄oané yái.

25 N mae Luapi mé a d̄onle,

Gbãapiidepi mé a báaadangu  
 ní lou'í pọ́ ń bọ́ musuo,  
 ní ẹfáai pọ́ káleá tọ́le zíeó.  
 N nọ́ọ ní n pọ́ọ aáo de neadeọ ũe.

<sup>26</sup> Sa'ole pọ́ n mae n gba  
 zọ́ọ de ma deziọ pọ́a,  
 a zọ́ọ de gbèsí sí zìọla.  
 Lua to pọ́maaọ su Yosefu miwa,  
 asa ọ́mẹ beeee ví a gbéọ́ guu.

<sup>27</sup> Běyámee buiọ aáo de  
 lán àwalewan pásíwa,  
 aa léle gbéọ́wa kọ́ọ,  
 aai ní pọ́ọ naaa oosi.

<sup>28</sup> Isaili bui mèn kueplaoń we píi. Sa'ole pọ́ an mae  
 ní gbán we, baade ní a pọ́ọ.

### *Yakóbu gaa ní aà víao*

<sup>29</sup> Ọ́ a òné: Tó ma ánuatò, à ma ví ma deziọ gbè'ẹ  
 pọ́ kú Iti bui Ẹfńọ́ bua guu. <sup>30</sup> Gbè'ẹpi ku Mapelae,  
 Mamale gukpe oi Kanaa búsuu, bua pọ́ Ablahaũ lù  
 Iti bui Ẹfńọ́wa gevíkíi ũ. \* <sup>31</sup> We wà Ablahaũ vìu ní  
 a na Salao. † We wà Izaaki vìu ní a na Lebekaó. ‡ We  
 ma Lea vìu. <sup>32</sup> Wà búpi ní a gbè'ẹo lù Itiọ́wae. <sup>33</sup> Ké  
 Yakóbu lépi díle a néọ́ne a làa, à èa wùle, ọ́ à gà.

## 50

<sup>1</sup> Yosefu kùsi a maewa, àle aà gaa ọ́ọ, àle  
 lépepewà. <sup>2</sup> Ọ́ a ò a zíkẹna esedeọne aa ese ní nísio dọ́ọ  
 a mae gẹwa. Ọ́ aa kẹ Isaili geee màa <sup>3</sup> e gọ́ọ bla, ké asu  
 yaikẹo yáí, asa màa Egipiọ í ke, ọ́ aa aà ge'lanabò gọ́ọ  
 bàáǎkwi. <sup>4</sup> Ké ge'ọ́ọ làa, Yosefu ò Falaọ́ọ bẹdeọne: A

\* **49:30** Daa 23.16-17 † **49:31** Daa 25.10 ‡ **49:31** Daa 35.29

gáafaakemee! A yáe bee omee Falaṣṣe: <sup>5</sup> Ké ma mae è ále ga, a tò ma legbèè à mè mà a ví mia'e pò á lù azia pò ù Kanaa bùsuue.\* Má ye mà gé mà a mae ví we sa, mí ea su. <sup>6</sup> Ǿ Falaṣṣò òè: Ge ñ n mae ví lá n a legbèèwa.

<sup>7</sup> Ké Yosefu lé gé a mae víi, Falaṣṣò ìwao ní a be gbẽzṣṣo ní Egipi bùsu gbãadeṣ gèaàno píi. <sup>8</sup> Yosefu beṣeṣ ní a v̄iṣ ní a de beṣeṣ gè píi loe. An néfēnenao ní ní s̄ao ní ní bleṣ ní ní zuṣ mé gò Gosē bùsuu r̄tēe. <sup>9</sup> S̄ogo ní s̄odeṣ ku lo. Wa dasi maamaae. <sup>10</sup> Ké aa kà Atada pówengbẽz̄ea Yuudē baale, ṣ aa nà gewiwa e'e'e, ṣ Yosefu a mae ge'ianabò we goṣ sopla. <sup>11</sup> Ké Kanaa bùsudeṣ è lá wà ge'ianabò Atada pówengbẽz̄ea, ṣ aa mè: Egipiṣ ì ge'ianabò z̄ṣo, ṣ wà t̄okpà Yuudē baale gupie Abeli Egipi.†

<sup>12</sup> Beewa Yakobu néo kè, lá a ònéwa. <sup>13</sup> Aa aà ge sè wà tàò Kanaa bùsuu, ṣ aa aà v̄i Mapela bua gbè'e pò Ablahaũ lù Iti bui Eṣṣṣowa mia'e ù guu Mamale gukpe oi.‡ <sup>14</sup> Ké Yosefu a mae v̄i a làa, à èa tà Egipi ní a v̄iṣ ní gbé pò gèaàno aà mae v̄iṣ píi.

### *Yosefu a v̄iṣ gbaa s̄ò*

<sup>15</sup> Ké Yosefu v̄iṣ è ní mae gà, aa òkōe: Tó Yosefu f̄lewanṣ, mé a ye v̄ai pò wá kèe píi flabowēe s̄ò be? <sup>16</sup> Ǿ aa lékpāsākèè aa mè: E n mae àò gé gai, à mè <sup>17</sup> wà one ñ s̄uukewanṣ ní wá tàaeo ní wá duunao, asa wa v̄aikēnee. N yá na! S̄uukewanṣ ní wá tàaeo. N mae Lua z̄òblenaṣn wá ù. Ké Yosefu yápi mà, à s̄òlò. <sup>18</sup> Ǿ aà v̄iṣ mò aà kíi, aa kùlèè aa mè: N z̄oon wá ù. <sup>19</sup> Ǿ Yosefu òné: Asu to v̄ia á k̄ūo. Luan ma

\* 50:5 Daa 47.30-31 † 50:11 Bee mè Egipiṣ ge'ianabò. ‡ 50:13 Zln 7.16

ũa? <sup>20</sup> A ye yāvāikεμεεε yāaε, ̄ Lua tò à līle yāmaa ũ, ké à e gbέo misi dasi, lá àle ke tiaεwa. <sup>21</sup> Asu to vĩa á kũo. Má á gwa ní á néo. Màa à yāna òné à ní gbáò s̄.

### *Yosefu gaa*

<sup>22</sup> Yosefu ku Egipi ní a de bεdeo e à kà wè basokwi. <sup>23</sup> A wesĩ Eflaiũ síwεnaole, mé à wesĩ Manase né Makii néole lo. <sup>24</sup> ̄ Yosefu ò a gbέone: Ma gaa zào. Lua mé a mo dóale, i bóano búsu la, i géano búsu pó à a legbè Ablahaũ ní Izaakio ní Yakobuoone guu. <sup>25</sup> ̄ à ledīle Isailione à mè: Tó Lua mò á gwai, à tá ní ma gewao we.̄ <sup>26</sup> Yosefu wè basokwideu ̄ à gà. ̄ wà εεε ní nísio d̄o aà gεwa, wa dà kpagolo guu Egipi.

---

̄ 50:25 B̄a 13.19, Yoz 24.32, Ebe 11.22

**Bibeli Luayátaalá**  
**The Holy Bible in the Boko language spoken in Benin**  
**and Nigeria**

copyright © 2010 SIM International

Language: Boko

Translation by: SIM International

**Boko Bibeli Luayátaala**

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

---

PDF generated using Haiola and XeLaTeX on 21 Feb 2024 from source files dated 29 Jan 2022

xcvi

ffb0f4b3-18b7-564f-bd5d-307e9e532fb9